

**SEVENTH LEGISLATIVE ASSEMBLY OF MIZORAM
(TWELFTH SESSION)**

LIST OF BUSINESS

FOR EIGHTH SITTING ON THURSDAY, THE 23rd MARCH, 2017
(Time 10:30 A.M. to 1:00 P.M. and 2:00 P.M. to 4:00 P.M.)

QUESTIONS

1. **Questions** entered in separate list to be asked and oral answers given.

LAYING OF PAPERS

2. **Pu LAL THANHAWLA**, Hon'ble Chief Minister to lay on the Table of the House the following :
 - i) "The Joint Electricity Regulatory Commission for Manipur & Mizoram (Metering for Grid Connected Renewable Energy) Regulations, 2016".
 - ii) "The Joint Electricity Regulatory Commission for Manipur & Mizoram (Fees, Fines & Charges) (First Amendment) Regulations, 2016".
 - iii) "The Joint Electricity Regulatory Commission for Manipur & Mizoram (Metering for Grid Connected Renewable Energy) (First Amendment) Regulations, 2016".
 - iv) "The Joint Electricity Regulatory Commission for Manipur & Mizoram (Electricity Supply Code) (Second Amendment) Regulations, 2015".
 - v) "The Joint Electricity Regulatory Commission for Manipur & Mizoram (Electricity Supply Code) (Third Amendment) Regulations, 2016".
 - vi) "The Joint Electricity Regulatory Commission for Manipur & Mizoram (Electricity Supply Code) (Fourth Amendment) Regulations, 2016".
 - vii) "The Draft Joint Electricity Regulatory Commission for Manipur & Mizoram (Forecasting, Scheduling, Deviation Settlement and Related Matters of Solar and Wind Generations Sources) Regulations, 2016".
 - viii) "The Joint Electricity Regulatory Commission for the States of Manipur & Mizoram (Consumer Grievance Redressal) Regulations, 2016".
3. **Pu ZODINTLUANGA**, Minister to lay on the Table of the House a statement of correction on the reply given on the 21st March, 2017 to Starred Question No. 68, Ballot No.58 asked by **Dr. K. Beichhua** regarding "UD&PA hnuai Field laih chungchang".

PRESENTATION OF REPORTS

4. **Pu LALRUATKIMA**, to present to the House the following Reports of Public Accounts Committee :
- i) Twenty First Report on the Report of C&AG of India for the year 2011-2012 relating to Power & Electricity Department.
 - ii) Twenty Second Report on the Report of C&AG of India for the year 2011-2012 relating to Public Works Department.

FINANCIAL BUSINESS

DISCUSSION AND VOTING ON DEMANDS

5. **Pu LALSAWTA**, Minister to submit to the vote of the House various Demands under his charge.
6. **Pu C. NGUNLIANCHUNGA**, Minister to submit to the vote of the House various Demands under his charge.

NGURTHANZUALA
Secretary

.....

SPEAKER : Tin, Krista thlamuana chuan in thinlungah ro rel rawh se, chutiang ni turin taksa pumkhata koh in ni reng asin, lawm nachang hre bawh rawh u.

Kolossa 3:15

Tunah, zawhna 84- na kan la ang a, a neitu member zahawm tak Pu Lalruatkima zawt turin i sawm ang.

Pu LALRUATKIMA : Pu Speaker, ka Starred Question 84 na, Land Revenue & Settlement Department changtu Minister zahawm tak chhan atan :-

- a) Land Revenue dan angin riverine reserve forest, Tut-Langkaih protected forest reserve leh Aizawl-Silchar road side reserve forest huam chhungah LSC, periodic patta, Agri, LSC etc mi engzat nge pek an nih tawh?
- b) Pass nung engzat nge awm mek a, engtia zau nge ram hi pek an nih tawh?
- c) Kum 2012-2016 chhungin heng atang te hian Leiman engzat nge hmuh anih?

SPEAKER : Department changtu Minister zahawm tak Pu R. Romawia chhang turin sawm ang.

Pu R. ROMAWIA, MINISTER : Pu Speaker, MLA zahawm tak Pu Lalruatkima zawhna chhanna chu:-

- a) LSC Patta, Agriculture, LSC etc. te a zat chiah kan hre mai thei lo.
- b) Tut-Langkaih Periodic Patta 22 a awm a, 2010 leh 2012 a thi tawh hlawm a, renew a ni lo. Periodic Patta ho area zau zawng total chu 50.13 hectre a ni.
- c) District hrang hrang te a ni a, heng lai bik hi record- na ah ran kan nei baw k si lova, tun dinhmunah a hriat chian mai theih rih lo a ni.

SPEAKER : Zawh belhna a neitu Pu Ruatkima.

Pu LALRUATKIMA : Pu Speaker, ka lawm e. Tawi te point hnih khat lek kan sawi belh duh chu, Assam hun lai khan, Assam Gazzette May 19, 1965 khan kan lui 17 ah hian riverine reserve forest hi rawn puan a ni a, amaherawchu kan luipui kam hi eizawn nan kan hmang lo theilo va, chulai ah chuan riverine reserve forest hi Forest department chuan mel chanve ti in an puang a, chung chhungah chuan Land Revenue hian pass a pek loh thei baw k si lo lai hi harsatna awm thei a ni a, chulai chu kan sawi zawk. Chuan, Pu Speaker, hemi bakah hian 2015 Fifth Session March thla a neih ah khan Forest Department in an reserve area encroachment a awm vangin complaint an rawn thlen a, report chiang zawk zawh let mek a ni, ti in he zawhna tho hi min chhang a, report chiang zawk kha Forest department hian min la pe lo em mi? min la pe lo a nih chuan enge a chhan tih kha ka zawh belh a ni.

SPEAKER : Minister zahawm takin chhang sela.

Pu R. ROMAWIA, MINISTER : Zawhbelhna siamtu Pu Lalruatkima zawh belhna kha, Forest lam chhanna kan la dawng lo a, mahse chumi ruala ka sawi duh chu, kan sorkar-in he House ngei ah khan forest reserve area hi eitur awmna ram a nih si avangin, forest te hi chhuak ta se, kan luipui ruam lam atang hian hmun remchang zawk zawn

nithei se tiin kha tih laia a changtu minister zahawm tak Pu Rohluna pawh khan kha kha a pawm em em a, chumi atan chuan Land Reform Committee sang tak mai sorkar - in a siam ta a. Chu chuan ruahmanna ram min thlenpui tur, khawi maw laia hmun ruak remchang, eizawna remchang vak lo te pawh Forest in chang ta se kan luipui dung ram tha te hi chu ram mipui te eizawn na atan hmang se tih lampang hi ngaituahna ah a kal mek a, tunah hian thu an bawh tep tawh niin ka hria a. Chutiang a nih hun ah chuan, heng ang hi kan la hman tangkai ngei ngei tur pawh a ni a. Tin, Pu Speaker, ka din takah chuan, tuna kan sorkar- in NEDP road ah, kei chuan 'a chaw bawm hrut kawng' ka ti mai a, eitur awmna lam pawh tur kawng a atchilh em em dawn a, chungah pawh chuan, heng eitur hnianghnarna area - ah hian kawng tak tak tih luh tum mek a ni a. Hengte pawh hi nakinah kan ram tan zel a tha tur a nih avangin heng ram hi kan thlir tlang a. Tin, periodic patta hrim hrim hi a nih phung ah chuan a neitu nihna hi sorkar - in a la hauh tlat a ni. Mi in, 'leipui ah emaw, antam huanah ka lo nei ang e' a tih khan, 'lo hmang hawh ta che,' tiin kum nga chhung emaw pass a han pe a, chutah kum nga a lo ral dawn khan a la hman zel duh chuan a renew leh a, tin a renew loh chuan a thi anga ngaih a ni a, a ram neitu nihna kha sorkar- in a la hauh tlat avangin. Periodic patta hrim hrim hi chu khua leh tui tu te pawh, sorkar - in a lo hawhtir anga ngaihna kha a ni lo thei lova, LSC - ah erawh hi chuan a neitu nihna engkim transfer pumhlum kha a ni a, chuvang chuan periodic patta hi renew an ni hlawm ta lo a ni.

SPEAKER : Zawh belhna.

Pu LALRUATKIMA : Pu Speaker, khalai ah khan zawhna pakhat chauh, periodic patta kha renew ta lo, mi 22 khan renew turinrawn dil ta se pawm theih a ni ang em tih kha ka zawt a.

SPEAKER : Pu K. Sangthuama'n zawt law law se chhan hma in.

Pu K. SANGTHUAMA : Pu Speaker ka lawm e, khu Tuirial kam zawng zawng leh hmundang te pawh ani ang chu Pu Speaker, periodical patta hi tunah renew theihloh a ni ta a, a hma zawng kha chuan an renew hlawm a, tunhma kum 10, 20, 30,40 hmalam ami te pawh kha, amaherawchu, chhiah erawh chu pe tho mai rawh u an ti a, an pe tho hlawm a, chutiang chu tam tak kan awm a, hei hi engtin nge sorkar in a tih zel dawn? Renew hi khap zel em ni dawn, nge ngaituahna thar sorkar hian a hmang zawk dawn, ti kha ka han zawt duh a ni e.

SPEAKER : Minister zahawm takin chhang se.

Pu R. ROMAWIA, MINISTER : Nichina ka chhan khan a huam tawhin ka hria a, Land Reform Committee thuneitu sang tak buatsaih a ni a, chu chuan kan ram pumpui thlirin, mipui te tana tha ber turin an ngaituah mek a. Tin, renew si lova chhiah pek zel kha chu diklo chu a awm a nih hmel khawp mai, kan lo in en fel ang e. Tin, mi in an hman tangkai na na na a, an dil anga an hman na na na chuan, area bik tih lo ah chuan renew theih loh na tur chu a awmlo turah kan ngai a. Amaherawhchu restricted area bik ah erawh chuan court lama kal te hi thil awm thei a nih avangin Revenue hi chawi leh tawk mai thin kan nih avang hian fimkhur thu hla ah dan in a phal chin chiah hi an kal thin a ni.

SPEAKER : Awle, 85 -naah kan kal thei a, zawhna neihtu Pu Nihar Kanti Chakma zawt turin sawm ang.

Pu NIHAR KANTI CHAKMA : Pu Speaker, ka lawm e. Ka zawhna Starred Question No. 85- na, PHE Minister zahawm tak chhan atan-

- a) Tlabung Greater Water Supply Scheme hi siam zawh a ni dawn tawh em?
- b) Eng chen nge kalpui a nih tawh?
- c) Engtikah nge hawn fel theih tura peihfel a nih ang?

Pu ZODINTLUANGA, MINISTER : Pu Speaker, member zahawm tak Pu Nihar Kanti Chakma zawhna Starred Question No.85 na chhanna chu –

- (a) Renoion and Augmentation of Tlabung Water Supply Scheme a hnathawh tur (physical work) hi thawh zawh tawh a ni.
- (b) Renoion and Augmentation of Tlabung Water Supply Scheme hi ni.30.1.2012 atanga thawh tan a ni a. Mipui tana tui pump tan chu ni 27.1.2015 a ni.
- (c) Renoion and Augmentation of Tlabung Water Supply Scheme atan sum (financial) sorkar laipui atanga la pekchhuah kim loh chu ni 8.2.2017 khan pekchhuah a ni a. Tunah hian Finance Department-ah sanction dil mek a ni. Hemi sum (financial) atanga leiba pek fel a nih hnuah Renoion and Augmentation of Tlabung Water Supply Scheme hi hawn theih a ni ang.

S P E A K E R : Zawhbelhna, zawhna neitu khan a nei lo maw? A nih chuan Pu Robiaka.

Pu LALROBIAKA : Pu Speaker, ka lawm e. Tlabung lam a ni na a, Dampa lam han zawt ve daih ila. 2018-ah hian Central KTP kan thleng dawn a, chutih rual chuan kan Minister chak takin Phaileng Water Supply Scheme min rawn tih sak a. Tun thleng hian prie connection kan la ti thei lo va. Engtikah nge kan tih theih ang tih kan zawt a. Chutih rual chuan Reiek khuaah nasa takin hma min lak sak a. Amaherawhchu tun thleng hian Reiek khuaah tui hnianghnar kan la nei hlei thei lo va. He khua hi Tourism lama destination pakhat a nih ve bawk avangin mualpho te pawh a hlauhawm khawp mai a. Helai hi engtingge min sut kian sak theih ang tih kan zawt e.

S P E A K E R : Pu Rinawma em ni phar kha? Zawt nghal rawh.

Er. LALRINAWMA : Pu Speaker, ka lawm e. He hna atan hian estimate engzatnge a nih? Tun dinhmunah engzatnge pek a nih tawh a, sum sen belh a awm em tih kha ka'n zawt a. Sen belh ta se engzatnge sen belh a nih tih kha ni ta se. Pu Speaker, tlem han sawi ka duh lai chu Subject III Committee khan House-ah nikum lam khan paper a lay tawh tho a. Tah khan PHE hna atan a agreement copy hi a chak lo em em a. Tah chuan PHE hian standard bidding document kha hman a nih ve theih nana hmala turin Committee khan recommendation a pe a. Kha kha, 'Law lamah kan VAT tir e,' ti khan min chhang a. Nimin lamah khan ka'n zawt Chiang a, Law Department lamah a lo la kal chuang si lo va. Kha kha engtia hmalak nge an tum tih lai kha kan zawt belh a ni. A chhan chu Legislative Committee meuh, Committee sang in khatianga a tih tawh kha kan bawhzui tha lo riau in ka hria a, a thanat thlak riau in ka hria a, Pu Speaker, kan sawi chhuak nghal a ni e.

S P E A K E R : Aw, a tam tawk tawh a, mahse Pu Sangkunga'n zawt law law sela, a tawp nan.

Pu T.SANGKUNGA : Pu Speaker, ka lawm e. Nimin lama kan sawi ang khan kan PHE Minister hi a chakin a thawk tha em em mai a. Aizawlah hian hetiang a tui dawn that hi a awm ngaiin ka hre lo va. PHE department – a reilote ka awm lai pawh khan tui hi motor hian an phur tluk tluk mai a. Tunah chuan tui nghei hi a awm lo reng reng in ka hria a. Thingtlangah hmun tam takah tui lak thar leh lak mek te a awm a, ropui ka ti a. Kan bialah khian thil danglam tak a awm a Samthang, Zopui tlangsang deuh maiah khian tuihna eng emaw zah, amaha dil tling, hna hnan hnan nei a awm a. Tunhma in PHE hian 'hei hi tlawm te te a lei in phal chuan i khuap ang u hmiang. Khilai a

chhehvel Samthang, Vaphai, Dungtlang, Leithum, Vanzau, Bungzung thlengin tui a pek theih dawn si a,' an ti a. Tlangchhipah tuihna eng emaw zah phul mawi tak maiah khian Tourism Department tan pawh mi entlak tling tur siam theih a awm a. Mahse sorkar in khawih dawn a an hriat avangin an ti to ta thut mai a. Cheng nuai 1 an chhiar te kha nuai 15 te a ni chho ta a. An lei thei lo va, kum 10 kalta scheme chu a tlawlh ta a ni. Tun hnaiah tih dan i zawng teh ang u tiin V.C leh party lam nen kan beia, nuai 1 lek lek in kan lei sak leh thei dawn in a lang a. Khi khi man tlawma kan lei leh theih dawn chuan tuikhuah tlangchhipa hna nei eng emaw zah khuah zawm khan tuikhuah lian em em a awm thei dawn a, han thlit fim a, khilai vel tan, water supply atana tangkai em em tur a lo awm reng mai khi a lawmawm khawp mai a. Khitia kan lo lei leh thei te a nih chuan PHE Minister hian a rilru min lo sen sak in min pui thei ang em le tih ka zawt a ni. Ka lawm e.

S P E A K E R : Awle, Tlabung atangin Vanzawl, Leithum te, Phaileng te, Reiekah te kan in sawn kual a. Chutichung chuan kan Minister zahawm takin a chhang thei tho em, i sawm ang.

Pu ZODINTLUANGA, MINISTER : Pu Speaker, member zahawm tak Pu Robiaka zawhna West Phaileng Water Supply Scheme hi zawh tep tawh a ni a. Tunah hian tui te chu kan han pump chhin tawh a. Nikum hmasa fur tui lianah khan vanduaithlak takin a wire, pump na tur tui lo khuap tu tur a wire siamna lai vel kha tui lian leh ruah sur nasa khan a ti chhe hlauh mai a. Chu chu tun thal hian repair zo hman turin theihtawpin hma kan la a. Thal chung hian repair zawh kan in beisei a. Chumi hnuah chuan tui te official taka kan pump chhoh hnuah connection te kha mipuiin an mamawh dan a zir zel a pek chhuah theih turin kan in ruahman a ni.

Tin, Reiek hi kan hria a, tlangchhipah an awm a. Tui duhthusama pek a har em em mai a. Tun dinhmunah chuan hmanni lawkah pawh rain water harvesting scheme tiin tanky lian te kan han siam a. Tanky lianah pawh khan technology thar kan han dah a. Tui kha a khah huna amah leh amah in off thei tur commode a kan hman ang chi hi khilai Reiekah khian kan hmang chhin a. Department pawh kan lawm a. Innoion thar, tui a khah hnu a liam mai mai lo va, tui reserve na ni bawp pah fawm in chutiang te chu kan hmang a. Kan theih ang tawp in mipui ten tui hnianghnar an neih theihna tur atan kan ruahman na kan seng a ni.

Tin, member zahawm tak Er.Rinawma zawhna kha standard bidding document hi tunah hian zir chian mek a ni a. Department ang pawn a copy te pawh siam a ni a. Heng hi uluk a ngai a, kan hre vek a. Sorkar in kan pass tawh a hman tur a kan tih tawh hi chuan tihsual palh leh eng emaw Contractor te nena inkhin buaina tur chi Department tana hlawk lo te, khatiang kha thil tam tak a awm theih vangin tunah hian la zir chian mek a ni tih kha ka chhanna a ni a.

Tin, member zahawm tak Pu Sangthuaman a bial chungchang a rawn sawi kha, ni e kan rilruah kan lo pai ang e tih ka chhanna a ni e.

S P E A K E R : Awle, tunah zawhna no.86-naah kan kal ang a. A zawhna neitu (interruption)

Er.LALRINAWMA : Pu Speaker, khawngaih takin Minister khan ka zawhna hmasa zawk kha mi chhang lo va. Khami tui supply atan khan estimate engzatnge? Tun dinhmunah engzatnge sen a nih tawh, sen belh a awm em? Engzatnge pek belh a nih tih ka zawh kha min chhan hmaih palh a ni.

SPEAKER : Awle, chhang hram rawh le.

Pu ZODINTLUANGA, MINISTER : Pu Speaker, a hnu ah khan Pu Robiaka khan Phaileng leh Reiek kha a rawn sawi a. He hna hi a ti a, khawi ber nge chhan ngaihna kha ka hre lo va, ka chhang lo mai kha a ni a. He hna hi a rawn tih avang khan, a estimate amount hi a figure mai hi tunah ka sawi thei lo va. Estimated amount chhungah thun len a ni a. A last instalment hi nichina kan sawi tawh ang khan ni 8.2.2017 khan a rawn thleng a. A hna pawh thawh zawk vek tawh a ni a. Contractor te bill kan la pek zawh loh avanga official taka la hawng lo kan ni tih kha ka chhanna a ni.

S P E A K E R : Awle, zawhna 86-na zawhna neitu Dr.K.Beichhua i lo sawm ang.

Dr. K. BEICHHUA : Pu Speaker, ka lawm e. Food, Civil Supplies & Consumer Affairs Department changtu Minister zahawm tak hnena ka zawhna Starred Question No. 86-na chu-

- a) Ration-ah Maida hi sem a ni em?
- b) Maida supply tu firm hming leh proprietor leh address? Engzatnge kum 2012 – 2017 chhungin an supply?

SPEAKER : A Department changtu Minister zahawm tak Pu John Rotluangliana ilo sawm ang.

Pu JOHN ROTLUANGLIANA, MINISTER : Pu Speaker, member zahawm tak Dr. K. Beichhua Starred Question No. 86-na chhanna chu-

- a) Tun dinhmunah chuan ration-ah Maida hi sem a ni lo tih a ni a.
- b) Maida hi supply-tu an awm lo tih a ni.

Tin, hetah hian Pu Speaker, ka'n sawi belh duh chu Maida hi wheat brand allocation central sorkarin min rawn pek hi FCI atangin a mill neitute hian an la mai thin a, a hranpa in a supply-tu an awm lo a ni.

SPEAKER : Zawhbelhna, a neitu.

Dr. K. BEICHHUA : Pu Speaker, wheat brand ve ve a ni tho bawk a, atta lamah ka'n zawt daih teh ang. Ration - ah hian atta kha sem a ni em tih kha ka zawhbelhna pakhatna ni ta se. Pahnihna - ah chuan sem a nih chuan a her turin flour mill engzatnge kan neih? Eng flour mill nge tih leh approved a ni em? Eng engte nge approved an nih tih ka zawh belh bawk a. Tin, tunge a supply tu contractor hming tih ka zawh belh e.

SPEAKER : Awle, chhang turin Minister zahawm tak sawm ila.

Pu JOHN ROTLUANGLIANA, MINISTER : Pu Speaker, tun dinhmunah hian wheat allocation hi min pek loh avangin Atta pawh ration ah sem a ni lo a, churang chuan flour mill ah pawh pek tur a awm lova, tin, supply tu pawh an awm bawk lo a ni.

SPEAKER : Zawhna no. 87-naah kan kal thei ta a. Zawhna neitu MLA zahawm tak Pu John Siamkunga zawt turin ilo sawm ang.

Pu JOHN SIAMKUNGA : Pu Speaker, hon'ble Minister Environment, Forests & Climate Change Department changtu chhan atan heng zawhna te hi ka zawt e.

- a) Environment, Forests & Climate Change Department hnuaia NLUP hmanga eizawngtu (beneficiaries) awm zat min hrilh thei em?
- b) Environment, Forests & Climate Change Department hnuaia NLUP hmanga beneficiaries te hnena sum pek chhuah tawh total amount min hrilh thei em? (2012- 2017)
- c) Area cover zat min hrilh thei em?

SPEAKER : Awle, Chief Minister zahawm tak Pu Lal Thanhawla chhang turin ilo sawm ang.

Pu LAL THANHAWLA, CHIEF MINISTER : Pu Speaker, kan Session Hall hi nidang aiin a thim a, khing neuh neuh khi a thim a a dan tur reng nge? A tha zawk nge? Tin, khilai kan hnung lampang hawi hawi lo a kan hmuh ve na khi a thi a a chhia nge? In on lo nge tih ka'n zawt ve a ni zawhna dang ka neih ve loh avangin. (SPEAKER : Nakina Speaker chhan atan)

Pu Speaker, member zahawm tak Pu John Siamkunga zawhna chhanna-

a) Environment, Forests & Climate Change Department hnuai NLUP Bamboo Trade hmanga eizawngtu (beneficiaries) 3282 an awm thin a.

Member te tan a chian zawk nan leh pawn lam ami te tan

b) Environment, Forests & Climate Change Department hnuai NLUP hmanga beneficiaries te hnena sum pek chhuah tawh total amount min hrilh thei em? (2012- 2017)

Environment, Forests & Climate Change Department hnuai NLUP Bamboo Trade -a sum pek chhuah tawh zat chu ` 32,51,84,397.00 a ni.

c) Area cover zat min hrilh thei em?

Environment, Forests & Climate Change Department hnuai NLUP area cover zat chu 6564 hectare a ni.

Tin, hemi a number hi Pu Speaker, member zahawm tak ten an hriat atan a tira number ang zat 3282 hi a ni tawh lova. A chhan leh vang chu thil dang dang a awm a chung zingah chuan a dawngtu pahnih hi an thi a, an chhungte hnenah han pek zawm na tur atana hmang tangkai tur an awm loh avangin (pek chhonzawm) an chhungten an chhonzawm thei lova.

Tin, one crop one village avangin trade danga pakai ta 92 anawm a, chuvangin tunah tak hian family (chhungkua) 3188 ang a chhut a ni.

SPEAKER : Zawhbelhna a awm em? Aw, Pu Ruatkima.

Pu LALRUATKIMA : Pu Speaker, a relevant tho in ka hria a. Kan House Leader zahawm tak khan thawkkhat lai khan Bamboo Day kha kan hmang

thin a, Chapchar Kut tukah hman ziah tawh tur tih a ni a. Kum 2/3 chhung chu kan hmang niin ka hria a ka hriatsual loh chuan. Tunhnai kum 2/3 vel atang hian hman a ni leh ta lova, engnge a chhan? Kan hman loh chhana kha ka'n zawhbelh a ni.

SPEAKER : Minister zahawm tak chhang turin sawm ila.

Pu LAL THANHAWLA, CHIEF MINISTER : Pu Speaker, nia a dik a hman deuh ah khan a hun leh ni chu ka hre tawh lova kan hmang thin a. Tin, tun tum Chapchar Kut kan hman dawn pawh khan Chapchar Kut Committee-ah khan sawi rik zauh a awm a, mahse kan sawi ri zui ta lova. Anthurium Festival te kan nei a, Spring Festival te kan nei a, festival a tam lutuk kan ti nge ni ka hre lova. Engpawh ni se a chhan leh vang kan lo hman tawh thin si kan hmang ta lo thut hi hriat a pawimawh khawpin ka ring a, ka lo ngaihtuah zui ang e.

SPEAKER : Aw, hemi light eng lo kha current short a awm a ni tih kha zawhna chhanna a ni.

Zawhna no. 88-na a neitu Pu K. Sangthuama zawt turin i sawm ang.

Pu K. SANGTHUAMA : Pu Speaker, ka lawm e. Ka Starred Question 88-na kan House Leader zahawm tak chhan atan- Kawrtethawveng bul Serhmun khua sawn tumna a awm em tih hi ka zawhna a ni e.

SPEAKER : Chief Minister zahawm tak chhang turin i sawm ang.

Pu LAL THANHAWLA, CHIEF MINISTER : Pu Speaker, Kawrte-thawveng bul Serhmun khua hian anmahniin an rawn ngen a, churang chuan sawn chhuah tumna a awm a ni.

Serhmun khaw ho hi an fakawm khawp a , engemaw sorkarin a mamawh avanga sawn an tul hian a compensation a sawnna tur te pek vek tawh an nih hnu pawh hian innawr innawr, inkhalh inkhalh a ngai thin a. Anni hi chuan sorkarin a mamawh dawn tih an hriat avangin anmahni zawk hian ngenna leh remtihna an nei nghal a. Chhungkaw tin hnenah pawisa nuai 10 compensation kha pek tur a ni a, hetiang hian hmun dang dang a mi pawh kan pe thin a, mahse an in sawn lawk duh thin lo a ni. Anni hi chu anmahni ngeiin rem an rawn ti nghal sa thlap a an fakawm hle a ni. Heng ngenna leh duh na bawhzui hian Evironment, Forests & Climate Change Department-in theih chen chen ah sawn

chhuah an nih theih nan hma a la a, joint summary survey nei in chhungkua 238 an awm a ni tih finfiah a ni a. Record pawh peih fel a ni tawh a, he khaw sawn na atana pawisa ngai zat pawh Fourteenth Finance Commission Grant hnuai ah 2016-2017 pawisa ngai zat pawh Environment, Forests & Climate Change Department-ah pek a ni tawh a, Serhmun khaw mipui te sawn chhuah an nih hnun hian a rawn chhuah san Serhmun Village Council ram chu Dampa Tiger Reserve area ah rin luh tur a nih avangin Wildlife Protection Act 1972 in a sawi angin sawrkar-in notification a chhuah hnu ah Mamit District collector in enquiry la in Right To Settlement etc tih fel vek hnu ah a report chu Government ah a theh lut leh ang a, a enquiry report zul zui in Government chuan sawn chhuah Program a kal pui ang.

Chuta tana thil tul ang ang pawh sawrkar chuan chak takin a bawhzui mek a ni. Ka sawi tak ang khan helai ah hian harsatna pakhatmah a nei lo a, tiang khan anmahni pawhin rem an ti a, a lawmawm kan ti a, an fak awm kan ti hle a ni. Tin, Government of India Ministry of Environment, Forests & Climate Change, Wildlife Sanctuary leh National Park atang hian khua (Village) sawn chuah Scheme hi a nei ve sa hrim hrim a, hemi hnuai ah hian chhungkaw pakhat tan cheng nuai 10 teuh zel hi rate a siam sa a ni. Pu Speaker, he scheme hmang hian tun hma pawhin khaw thenkhat sawn chhuah an ni tawh thin a, tun hnai ah Thorang tlang Wildlife Sanctuary dinna khaw pahnih Kawnpui leh Darlawng khua te pawh sawn chhuah tura hma lak mek a ni a. Serhmun khua te pawh hi anmahni duhnaa sawn tum a ni a, hei hian Dampa tiger Reserve area hi nasa takin a zauh phah dawn a ni. Tin, India ramah hian Tiger population hi nasa tak in a tla hniam a, chuvangin, kan Dampa Tiger Reserve pawh hi central sorkar lam pawh in ngaihven a hlawh hle a, hetiang te hi keimahni zawkin ram kan zauh a kan lak phei chuan ngaihven a hlawh leh zual zel kan beisei.

SPEAKER : Pu Robiaka.

Pu LALROBIAKA : Pu Speaker, ka lawm e. Tuna Serhmun verification tih rual khan PCCF Pu Vanchhawnga ho te kha Zokhua ah hian an kal ve baw a, chu chu anmahni khua pawh hi sawn chhuah tur an ni e tih ang tiat in leh anmahni duhna pawh duh thlan tir an ni a, chu chu a buaithlak ang reng khawp mai a a tih dan tur chiah hi hriat a nih loh avangin eng eng emaw development thil ah hian tih tel

tur nge tih tel loh tur tih thleng in keimahni lamah pawh harsatna min siam a, hei hi enge a dinhmun chiah ni ta Zopui khua hi tih kha kan zawt ve leh nghal a ni e.

SPEAKER : Pu. K. Sangthuama'n zawt ve leh se.

Pu K. SANGTHUAMA : Pu Speaker, kha fiah fai takin kan House Leader in a rawn chhang a. Pu Speaker, i phal na in tawite han sawi ve ka duh a zawhna ka pek leh hma in khawngaih in. Forest hrim hrim hi ram an nei zau hle in ka hria a. Tuna House Leader zahawm takin a sawi ah khan an duh a a ti a in 230 lai awm ni awm in a rawn sawi a. Hmanniah min rawn phone a, a duh chu an awm a, a duh pawh an tam zawk a, mahse a duhlo kan awm a ni an ti a. Forest hrim hrim hian ram hi an ngah hle mai a, churang chuan kei chu ka ngaih dan in ram hi Forest pek vak vak mai hi a tha ber em aw tih sorkar hian ngun tak in a ngaihtuah tha in ka hria a. Khu pawh khu a ram zawng zawng nena Forrest han pek vek chuan in 230 khan eng ram nge an neih ang, hetia shifting cultiion ni lo pawh in huan, an in zawng zawng an laksak vek ang a, khawi hmun ah nge anmahni hi an dah ang a, khawi hmun ah nge an settle leh ang tih kha ngaihtuah tham tak a ni a.

Khaw hran ah khan va dah leh mahse khaw hran ram kha an neih sak ve dawn ta tho a. Churang chuan ngaihtuah nawn leh theih hi a tha viau in ka hria a. Hmun dang dang ah pawh hian a ni a, tin, Revenue lam pawh in Forest humhalh chungchengah leh ram humhalh chung chang ah dan thar an siam a, khang atanga pawh khan Forrest hian ram an ngah zia te chu a chiang vek a, kan luipui dung zawng zawng kan ram tha te min neih sak vek tawh a (Speaker : Demand sawi ho laia sawi ah ava itawm e, i sawi kha) a pawimawh em mai a, keima ngaih ah chuan, sorkar in a ngai pawimawh em chu ka hre hauh lo a. Kawrthah tlang dung zawng zawng pawh khu dan anga kan ti dawn a nih chuan khua zawng zawng khu an chhuah vek a ngai a, Forrest dan ah chuan chu chu kal phung a nih avangin kan ram a lo buai a kan ram a buai khan kan han saw khawm ta a. Kha tia kan han sawi khawm kha tam tak chuan mahni ram ngai in kir leh vek kan duh a, churangin tunah pawh khuan a duh lo engemaw zat an awm a, a duh chu a tam zawk an ni a majority mahse chuti chung chung chuan sorkar hian ngaihtuah nawn leh se tih kha waviin ah hian ka ngen duh a.

Tichuan, ka zawhna chu-

1) Engvanga sawn tum nge a nih?

- 2) Khawiah nge sawn an tum?
- 3) Cheng engzat nge chhungkaw khat tan tih kha chu a rawn chhang tawh a, ngailo ta sela.

Khua chhuah san khua chauh nge Forest hian lak a tum a, Serhmun ram zawng zawng tih kha kan House Leader zahawm tak hian min han chhang leh turin hemi zawhna hi kan zawt leh a ni e.

SPEAKER : Chief Minister zahawm tak zawhna chhang turin sawm ila, a vai khan a tawk tawh ang chu.

Pu LAL THANHAWLA, CHIEF MINISTER : Pu Speaker, Pu Lalrobiaka member zahawm tak zawhna kha, Zopui khaw chungchang kha survey emaw, engemaw pawh zu tih ni selangin, an report hi sorkar an la pek loh avangin, tunah hian a chhan theih loh a. Tin, forest ram tih zauh zel hi khawvel pum pui ah sorkar tin sorkar pangngai chin chuan an policy a ni. A chhan chu global warming ah te, deterioration in environment ah te, heng te avang hian sawrkar pangngai chin hi chuan an tum dan vek a ni. Chuvangin, afforestation policy hi an uar hle a. Tin, chungte avang chuan NLUP pawh hi UNO meuh pawh hian a ngaisang em em a ni. Tunlai global problem, global warming, deterioration in environment, seeking water resources khang ang zawng zawng kha NLUP ah hian a answer an hmu a ni. Chuvang chuan kan sawm pawh ni lo in, University of Minnesota atang tein an rawn kal a, UNO in agencies pali lai a rawn tir a, memorandum of understanding te sign in Aizawl khawpui ah office te an rawn nei a ni. Chutiang te chu a ni, chuvangin forest ram zauh zel hi chu sorkar pangngai chuan a tih tur a ni ve hrim hrim a ni.

Tin, National Forest Policy 1988 in forest cover hi India ramah a zau thei ang berin neih ni se a ti a ni a, chutiang chu a kalphung a nih avangin Forest Department ta a ni lo a, Forest Department enkawl chu government ta ani mai a, tin, chu chu beneficiaries te chu mipui hi kan ni. Amaherawhchu engemaw tia cultiion leh thil dang dang ah tul an awm thin a, chutiang a nih chuan a in biak rem dan te a awm zel a, kan inbe rem zel a ni a. Hei, Hydrel Project atan te hian riverine forest hi tam tak lak a ngai thin a, chung ah chuan kan in initiate a, remchang angin kan kal zel thin a ni, chutiang chu a ni a.

Tin, forest a lo awm hian nungcha te, chungleng sava te, lua nungcha te an lo pung lehin an lo kir leh a, chutiang chu a ni a, a chhan chu thil siam zawng zawng hnena chanchintha hril tura koh te kan ni a. Chuvangin thil siam zawng zawng hnena chanchintha kan hrilh na remchang hmasa ber pakhat chu forest area kan neih zau hi a ni. Tin, Serhmun khua hi Kawrtethawveng ram lamah an awm dawn niin a hriat a, tunah hi chuan chutiang chu a ni a. Engpawhnise, khaw han sawn hrim hrim hi ram buai lai, District Council hunlai atang tawh khan Mizoram ah chuan thil harsa ber tawpkhawk te zing ami a ni, lungrual thap hi. Khawi khua mah hi han sawn dawn chuan sorkar in a tih chuan emaw lungrual taka khawtlang tan pawh a tha ang chu a kal mai hi an awm lemlo a ni.

Entirnan, saw Sateek kan tih te pawh saw saw, a hnuaiah sawn Pu Chhunga ho a kan awm lai khan Aibawk ah sawn in leh lo engkim sak thap an nih hnu pawh khan an kal duhlo a ni. Chutiang deuh vek chu an ni a. Chuvangin khaw sawn hi a khua mipui tam zawkin an duh a nih pawhin duhlo hi chu an awm ve a ni. 'Ka pi lu kan phumna, ka pu lu kan phumna' tih ang te kha a chhan leh vang pui bera an neih thin a ni thin a. Chu chu sorkar ang pawhin hun rei tak atanga harsatna kan lo tawh tawh kha a ni a, District Council hunlai pawh khan kan hotuten committee ah min dah ve a, khaw tamtak kan tlawh a, a duhlo kha an tam zawk zel emaw ni chu aw tih tur a ni a.

Chuvang chuan khaw han sawn hrim hrim hi chu anmahni a khaw neituten an ngen a nih loh chuan thil beidawn thlak niin a lang a ni. Tin, tuna kan khaw sawn tur leh a bik takin Serhmun te pawh hi sorkar atangin tih luihna a awm lo. Hei hi thil lawmawm tak a ni a, tin, hemi Serhmun ram zawng zawng hi Dampa Tiger reserve ah rin luh tur a ni ang. Chutiang chu a ni a. Chuvangin helaiah hian a khaw neitu tan emaw a khaw thenawm tan emaw, anmahni a khaw mipuite tan emaw pawh harsatna awmlo tura beisei a ni a.

Tin, ka sawi tak ang khan forest cover hi a zau poh leh mihring a cheng te tan pawh a tha a ni. Kan lui kang chat mek te leh kan water supply, tunhmaa kan khawp kham thin kan khawp kham lohna chhan te pawh hi forest cover kan neih tam loh vang te a ni tih hi a factor pawimawh tak pakhat a ni.

SPEAKER : In zawt tawhlo mai dawn em ni? Aw le, 89- na ah kan kal thei ta a, zawhna neitu Pu Ngurdingliana zawt turin i lo sawm ang.

Dr. NGURDINGLIANA : Pu Speaker, ka lawm e, ka hming kha Ngurdingliana a ni a. I lam ziktluak lova kan lam sak che a ni. (Speaker : Ka lam tluan chhuak lo maw ?) Ngurdingliana a ni. Pu Speaker, i phalna bawk in tuna zawhna kan kalsan tak, insawn chungchangah khan ban ka phar a, i rawn hmu lova, ka Starred Question ka zawh hma in khami ah khan kan let leh lawk, a pawimawh si a.

Ka bial Mawmrang tlang bul thut ah khian Luangpawh khua a awm a. Sawn kan tum a, hei tunah pawh kan la bei fat fat a, MP fund 15 lakhs te pawh kan dil a, sawn kan duhna chhan pawh Mawmrang tlang bulthut a awm avang khian kum 3 kum 4 danah emaw hian hrileng, nausen emaw tlangval, putar thi thut thut hi an awm ziah mai a. Mithiamte rawn in enge a chhan ni ang kan ti a. Mithiamte thurawn min pekah chuan hemi tropical wind thli lo kal hi Mawmrang tlang hian a lo dang a ni. Kha thli kha tlangin a lo dan avang khan enge Mizo tawngin a sawhkhaw a, a moist a, boruak hrisel lo tak kha alo awm thin a ni. (SPEAKER : Demand kan sawiho laia sawi atan a tha ang tiang chu) chu chu khaw sawn chungchang ah khan ka ban phar reng a. (Speaker : zawhna hun alawm, sawina hun a ni lo) ka zawt dawn e.

Tin, a khawchhung ah hian puk rimchhe deuh mai a awm bawk a. Pitar, putar khi an awm mang lo a ni. A damrei ber pawh kum 70 an ni a. Chung avang chuan sawn hi kan tum a, pawisa awm thei ang ang kan bel a, a khawchhunga cheng tam zawk khian sawn an duh a. Amaherawhchu emotional sentiment vang mai maia sawn duhlo khi tlem an awm a. Chu chu Forest department te pawh hian Mawmrang tlanga ramsa thi tawh, extinct tawh tlem la awm, sanctuary-ah min siam sak se, nichina kan House Leader in a sawi ang deuh khan engemaw tlem compensation chhung tinah min pek chuan kumthar ah pawh hian in sawn hi kan inhuam reng a ni tih kha kan sawi hmasa duh a ni.

Pu Speaker, ka Starred Question 89-na Environment, Forests and Climate Change Department changtu Minister zahawm tak chhan atan -

- (a) Rung dil leh Tamdil te hi Wet land Conserion and Management Rules, 2016 scheme hnuai ah thun tumna a awm em ?
- (b) Awm ni ta se a khaw bulthut ami te tan eng hamthatna te nge awm thei tih ka zawt e.

SPEAKER : Chief Minister zahawm tak a chhang turin i sawm ang.

Pu LAL THANHAWLA, CHIEF MINISTER : Pu Speaker, member zahawm tak, Dr Ngurdingliana hming a lam dan kha buai tawhlo turin kan ngen pui a ni. Zawhna (a) Rungdil leh Tamdil te hi Wetland Conserion and Management Rules, 2016 Scheme hnuaiah thun tumna a awm em tih chhanna chu : Rungdil leh Tamdil te hi Wetland Conserion and Management Rules, 2016 Scheme hnuaiah thun tum an ni. (b) Awm ni ta se, a khaw bul khua te tan eng hmthatna te nge awm thei ? tih chhanna chu : Wetland Conserion and Management Rules, 2016 hnuaia Rungdil leh Tamdil te hi enkawl theih an nih chuan a bul khua te tan hamthatna awm thei turte chu sum leh pai hai luhna lam aiin ramngaw tha nungcha neih that lamah ani ang a. Management Plan emaw scheme te an ken tel ang ang ah chuan inhlawhna te a awm thei mahna.

SPEAKER : Zawhbelhna, zawhna neitu i lo sawm ang.

Dr. NGURDINGLIANA : Ka bial chhunga Tamdil te, Rungdil te leh tuna ka sawi, Mawmrang tlang te kha he House ka hrilh duh chu kan Minister, Forest changtu in alo hriat atan heng zawng zawng hi Forest-ah keini chuan pek kan phal a, a chhan chu tunah hian Mizoram Forest area, virgin forest kan tih hi 3% chauh a awm a. Chuvang chuan heng te a percentage tisang tur hi chuan hamthatna em em kan um lova, amaherawhchu climate change promote zel nan keini chuan kan inhawng reng a ni tih kha zawhna ai mahin kan inhuamna ka rawn sawi a ni e. Ka lawm e.

SPEAKER : Zawhna no.90 -naah kan kal thei ta e. A zawhna neitu Pu Lalthanliana, MLA zahawm tak zawt turin i lo sawm ang.

Pu LALTHANLIANA : Pu Speaker, ka lawm e. Excise and Narcotics department changtu Minister zahawm tak chhan atana ka zawhna te chu :-

- a) Aizawl Municipal Corporation huam chhungah permit neia zu zawrhna dawr engzatnge awm ?
- b) Zu zawrhna permit nei zawng zawng ten dawr an hawng kim tawh em ? (c) Ram pumah zu lei theihna permit engzatnge pek chhuah a nih tawh ?
- c) MLPC Act hman a nih avang hian zu in avanga thi kan tlem phah in hriat a ni em? Ka lawm e.

SPEAKER : Awle, department changtu Minister zahawm tak Pu R.Lalzirliana i lo sawm ang.

Pu R.LALZIRLIANA, MINISTER : Pu Speaker, ka lawm e. Member zahawm tak Pu Lalthanliana zawhna chhanna chu :

a) Aizawl Municipal Corporation huam chhunga permit neia zu zawrhna dawr awmzat chu :

Retail sale of Liquor - 68

Retail sale for consumption on premises – 2

Total : 41

b) Hawng kim lo

c) Ram puma zu lei theihna permit pek chhuak zat chu 71,230 a ni tawh.

d) Hemi chhanna hi Excise & Narcotics Deptt. in a nei lo.

SPEAKER : Zawh belhna.

Er. LALRINAWMA : Pu Speaker, ka lawm e, ka zawh belhna chu- ram pum huapah zu zawrhna dawr engzatnge awm tih a ni e.

SPEAKER : Pu Beichhua

Dr. K BEICHHUA : Supreme Court- in national highway atanga km engzatah nge zu dawr hi siam a phal, permit pek theih? Tin, hei hi zawm a ni em tih ka zawh belh a ni e.

SPEAKER : Pu Lalruatkima.

Pu LALRUATKIMA : Pu Speaker, naktukah kan debate dawn tho va, kan zawh duh chu vendor leh warehouse license fee engzat nge, engzah ve ve nge, renewal fee tunhnaiah tih pun tum a ni em? Tih punna tur engzat nge tih ka rawn zawh belh e.

SPEAKER : Tunah chuan Minister zahawm tak chhang turin i lo sawm tawh ang, a tawh ang chu maw.

Pu R. LALZIRLIANA, MINISTER : Pu Speaker, zawhna dang khangah khan a lo kal tho a, a lo chhuah hunah kan chhang turah ngai ila. Tuna an zawhna kha ka lo inring vak lo a, rampum huapah zu zawrhna engzat nge tih kha ka chhang thei mai lova, nakinah ka rawn pe dawn che u nia.

Tin, MLA zahawm tak Dr. Beichhua zawhna highway leh state highway atanga meter 500 a hla a zu zawrh hi April 1 atang hi chuan phal loh tur a ni.

SPEAKER : Zawh belhna .

Pu LALRUATKIMA : Pu Speaker, kan zawhna kha a chhuak ngei em? tih kha kan hre bawh si lo a. A hmasa khan unstarred, starred kha unstarred chhawp chhuah

a nih chuan chhan hman a nih loh chuan unstarred pawh a ni lovang tih ang deuh khan kan member zahawm tak te khan ngaihdan an sawi bawk si a. Khalaiah khan kan zawh khalh lo theih lo bawk si a. Chulaiah chuan zawhbelhna pakhat MLPC Act hi tih tawp tum a ni em tih kan zawt ve ang e.

SPEAKER : Minister zahawm tak sawm ila.

Pu R. LALZIRLIANA, MINISTER : Pu Speaker, MLPC Act hi naktuk lamah kan la sawi ho dawn tho va a ti a, amaherawhchu nimin lama kan MLA zahawm tak opposition lam ami te khan Dy. Speaker a thut hi chuan kan awm thei lovang an ti si a. A lo thut ni a nih hlauh chuan an zawt hman dawn bawk si lo a ni, an sawiho ve thei dawn bawk si lo a, kha lai kha kan sawi tel zauh duh a. Mihring damlo leh engemaw in min bawm ve thei te a ni a, tin hmanlohna te an neih chuan aiawh tur Deputy an nei a, chu lo pawh Chairman dang Panel of Chairman te an awm tho bawk si a, an in thut chhawk thin a, dan lo kha a ni chuang si lo a. A hriat duh kha han sawi a tha ang a.

MLPC Act hi kum 2 kan han hmang chauh a ni a, kum 2 kan hman chhung hian Krismas leh kumthar vawi 2 kan hmang tawh a. Helaiiah hian MLPC Act, total prohibition khap burna hnuaiiah ai khan mihring kan zalen zawk a, zurui an tlem zawk bawk a. Chuvangin ngaihtuahna thui tak hman a ngai awmin a lang a. Engpawh ni se, hei hi kan ti tawp emaw, ti tawp lo emaw a nih pawhin sorkar tan tlawmah lak tur pakhat mah a awm lova. Helaiia kan sawiho lai khan, a tha lo ang a tite an awm a. Hei hi total prohibition aiin a tha zawk ngei ang tih kan chiang chuang lova. Total prohibition ah pawh zu duh hun hunah khawiah pawh lei tur a awm a, a rui an awm reng a.

Ngawlvei camp kohhran lamin kan siam reng bawk a. Chuvangin ko in thlak zawk teh ang, heti zawng hian kan ti mai a ni a, la control chung hian a duh tan zu tha lei theih turin han chhawp chhuak ila a tha ang e, tiin sorkarin a siam a ni a. Chutah chuan kan House Leader ngei hian, 'hei hi a tha lo a nih chuan sorkar in a ti tawp leh mai ang' a ti a. Chuvangin kum hnih khat han tih a, han tih tawp leh lo ni ta pawh ni se sorkar tan tlawmna tur a awm reng reng lo tih kha helai hmuna kan member zahawm tak ten in hre vekin ka ring a ni.

Chutiang a nih lai chuan a zirchiang tur ruat a ni a, hengah hian naktukah in tel loh palh takin khawngaih takin lo ngaithla ula zirchiang tur te pawh kha helai House ah hian kan la puang lova. State prohibition council hnuaiia zirchiang tura ruat te

kha Minister, Excise & Narcotics Department hi Chairman a ni a, Parliamentary Secretary, Excise & Narcotics Deptt. hi Vice-Chairman a ni a. Tichuan official te hi chu Commissioner & Secretary, Excise & Narcotics Department Member- Secretary, Commissioner of Excise & Narcotics, Mizoram. Superintendent of Police, Aizawl District Deputy Secretary, Excise & Narcotics Deptt., Deputy Commissioner of Excise & Narcotics, Deputy Secretary, Law & Judicial Department Under Secretary Excise & Narcotics Department Assistant Commissioner of Excise & Narcotics enforcement, Superintendent of Excise & Narcotic, Aizawl District leh non-official te chu Upa Prof. Lianzela, Member, Dr.Lalchhuanawma Tochwawng, hei hi a ni lo maw kha, khalai chiah kha chu ka chiang lo ve, Dr.Lalbiakzuala, Dr.Lalhrekima, Dr.Laldinliana Varte, Rev.Lalengkima, Upa J.H. Ramnghinglova, Pu Dominic Lalhmangaiha, Pu K.L.Liana, Upa R.K.Thanga, Upa Lalbiakzuala, Pu Vanlalrema Vantawl, Upa Prof. C.Lalkima, Rev.Dr.K.Lalrinthanga, Rev.K.Lalrinsanga, Lt.Col.S.A.Lalramhluna, Pu Lalnunkunga Sailo a ni a.

Kha Committee kha vawi 1 kan thu tawh a, chumi Committee chuan a zirchiang leh zual tur study group hi din ni se a ti a. Chu study group chu tunah hian dinfel a ni tawh a, vawi khat thutkhawmna kan nei tawh a, kan nei tawh han ti ila, kan tel vena pawh a ni tawh lova. Amaherawh chu a hminga hemi chairman ka nihna leh Minister changtu ka nihna ve ah, a vawikhatnaah chuan tiin kan in ko khawm a. Tah chuan keiin ka la hova, hetah hian mi 7 kan ruat a Pu Dominic Lalhmangaiha-Member Convener a ni a, Lt. Col.S.A. Lalramhluna – Member a ni a, a dang member te Dr.Laldinliana Varte, MZU lam ami a ni a, Dr.Lalbiakzuala, Surgeon, Dr.Lalhrekima, Upa Lalbiakzuala, YMA President, Pu Vanlalrema Vantawl, MJA President te an ni. Hengte hian chiang leh zualin a tul ang angin, midang te pawh research nei te pawh an ti ang a, an duh chuan hmun dangah India ram state dangah te pawh an zin thei ang a.

Tin, Mizoramah pawh a tul ang angin sakhaw hotu te, NGO hotu te, mimal te ploitical party te pawh an duh chuan an kawm ang a an thu thuin. Sorkar mitmei veng miah lova kan ram tan a tha ber tur ngaihtuah chungah he thil hi tih a nih avangin nangmahniin, free takin engkim in ti ang a, chu chu kumin kum tawpah hian December thlaah hian emaw preliminary report te chu han pe turin kan beisei a ni, kha deuh duah kha a ni. Ka lawm e.

SPEAKER : Zawhna 91-naah kan kal thei a. A neitu Pi Vanlalawmpuii Chawngthu sawm ang.

Pi VANLALAWMPUII CHAWNGTHU : Pu Speaker, ka lawm e. Public Health Engineering Department changtu Minister zahawm tak chhan atan ka Starred Question 91-na- Khawlailung, M.P. Model Village atan department in eng angin nge hma a lak? Ka lawm e.

SPEAKER : Department changtu Minister zahawm tak Pu Zodintluanga sawm ang.

Pu ZODINTLUANGA, MINISTER : Pu Speaker, member zahawm tak Pi Vanlalawmpuii Chawngthu Starred Question 91-na chhanna chu- Khawlailung hi M.P. Model Village a nih vang ni lovin sorkar programme kallai mek NRDWP Fund atangin Improvement of Khawlailung Model Village Water Supply Scheme hi thawh mek a ni a. Tin, Varhva Lui pump turin DPR buatsaih mek a ni bawk tih a ni e.

SPEAKER : Zawhbelhna a awm hran lo maw? Zawhna hun pawh hi a tawp ti tih mai. Tunah chuan Laying of Papers-ah kan kal ang a. Aw, chumi hma chuan kan zinga awmlo, awm hman ve lo member zahawm tak 3, Pu J.H. Rothuama, Pu S. Laldinglana, Pu Z.S. Zuala te vawiinah hian kan zingah an tello a ni tih House ka'n hriattir a ni.

Tunah chuan Laying of Papers-ah kan kal ang a. Kan Chief Minister zahawm tak hian 8 lai lay tur a nei a. House dawhkana paper- te lay turin i sawm ang.

Pu LAL THANHAWLA, CHIEF MINISTER : Pu Speaker, i phalna leh House remtihna in a hnuaiia regulation-te hi he House dawhkanah hian ka rawn pharh e. Pu Speaker, a hran hranin ka rawn ti ang nge, vawikhatah ka rawn ti vek ang?

SPEAKER : I lay ang a, a hming kha i chhiar ang a.

Pu LAL THANHAWLA, CHIEF MINISTER : Aw le, Pu Speaker.

- i) “The Joint Electricity Regulatory Commission for Manipur & Mizoram (Metering for Grid Connected Renewable Energy) Regulations, 2016”.
- ii) “The Joint Electricity Regulatory Commission for Manipur & Mizoram (Fees, Fines & Charges) (First Amendment) Regulations, 2016”.

- iii) “The Joint Electricity Regulatory Commission for Manipur & Mizoram (Metering for Grid Connected Renewable Energy) (First Amendment) Regulations, 2016”.
- iv) “The Joint Electricity Regulatory Commission for Manipur & Mizoram (Electricity Supply Code) (Second Amendment) Regulations, 2015”.
- v) “The Joint Electricity Regulatory Commission for Manipur & Mizoram (Electricity Supply Code) (Third Amendment) Regulations, 2016”.
- vi) “The Joint Electricity Regulatory Commission for Manipur & Mizoram (Electricity Supply Code) (Fourth Amendment) Regulations, 2016”.
- vii) “The Draft Joint Electricity Regulatory Commission for Manipur & Mizoram (Forecasting, Scheduling, Deviation Settlement and Related Matters of Solar and Wind Generations Sources) Regulations, 2016”.
- viii) The Joint Electricity Regulatory Commission for the States of Manipur & Mizoram (Consumer Grievance Redressal) Regulations, 2016” Khang zawng zawng kha regulation ka rawn lay theihthe chu an ni, Pu Speaker. Ka lawm e.

SPEAKER : Aw le, a copy kha member-te hnenah sem ni se. Aw le, tun thla tahrik ni 21-ah khan zawhna 68-na, ballot no. 58-na, member zahawm tak Dr. K. Beichhua zawhna chhanna kha tih dik ngai a awm a. Chumi tih dikna statement chu he House-a lay turin Minister zahawm tak Pu Zodintluanga i sawm ang.

Pu ZODINTLUANGA, MINISTER : Pu Speaker, ka lawm e. Starred Question 68-na, Dr. K. Beichhua zawhna (b) - na hi – DPR ` 2498.14 tih hi lakhs tih hi kan lo tih hmaih palh a, hemi correction ah hian DPR hi ` 2498.14 lakhs tih kan rawn chhut belh a. Khami kha Pu Speaker, i phalna leh he House remtihna in – “Statement Correction on the replied given on the 21st March, 2017, Starred Question no.68, Ballot No.58” chu he House zahawm takah hian ka rawn lay e.

SPEAKER : A copy kha member tin te sem ni se. Aw le, tunah chuan member zahawm tak Pu Lalruatkima’n, amah Chairman on Public Accounts Committee a nihna angin report present tur a neih ang ang House-ah hian rawn present se la. I lo sawm ang.

Pu LALRUATKIMA : Pu Speaker, ka lawm e. Vawiinah hian Public Accounts Committee Chairman ka nihna angin Twenty First leh Twenty Second Report pahnih he House zahawm takah hian ka lo present dawn a. Twenty First Report hi “Report of C&AG of India for the year 2011 & 2012 relating to Power & Electricity Department” a ni a. Twenty Second Report hi “The Report of C&AG of India for the year 2011-2012 relating to Public Works Department” a ni.

Pu Speaker, i remtihna leh Public Accounts Committee-in min authorise angin 21st leh 22nd Report of PAC - te chu House-ah ka present e. Ka lawm e.

SPEAKER : Aw le, a copy kha member zahawm takte hnenah sem ni rawh se.

DEPUTY SPEAKER : An sem zawh chuan Financial Business-ah kan kal anga. Budget Discussion and Voting on Demands ah kan lut ang a, vawiin hian Minister pahnih Pu Lalsawta leh Pu C. Ngunlianchungka te demand kan la ang a. Minister pahnihte demand hi kan tih dan thin angin kan la khawm leh mai anga, a rualin. Kha, a pawh hle mai, thil hriatthiam loh a awm a, kan opposition-te an chhuak a. Amaherawhchu, (interruption)

Pu LAL THANHAWLA, CHIEF MINISTER : Pu Dy. Speaker, inthiamlohna pawh i nei tur a ni lova. A chhan chu, mi House-ah chuan thusawi te hi an inchuh thin a ni. Keini kan inkhek dan hi ka hrethiam lova, chumi chuan sawi phawt sela, a bawplawk a lak tur a awm ang em, tih lampang chan in kan inchang emaw chu aw tih tur a ni a. Opposition-te pheichuan, House kalphungah chuan, ka sawi hman lo palh ang e, tiin an chuh sawk sawk zawk tur a ni. Hmanni khan i hawi kual i hawi kual a, hetah hian ka thu reng a, ‘sawi duh an la awm em?’ i ti a. A tak takah pheichuan i tan khan a tlawm thlak zawk mai awm mange aw tih te ka ngaihtuah a ni. Chutiang chu a ni a, mi ramah chuan an inchuh luai luai thin a ni. A tlangpuiin opposition-in an chuh hmasa tur a ni. Chuvangin, i tan hian inthiamlohna tur a awm miah lova. House a member-te hi i hnungah kan ding tlat a ni tih ka hriattir duh che a ni.

DEPUTY SPEAKER : A lawmawm khawp mai. A hmingin Law-ah Master Degree ka nei a, Court-ah rei tak ka practice ve a. Sorkar hna pawh hi Superintendent niin sorkar hna atangin ka bang a. Helai kan inkaihhraina dan hi ka hrechiang ve in ka hria a. Kan inkaihhraina ah hian dar 4 thleng thukhawm tur kan ni tih avanga sawi duh an awm tawh loh hnu a dar 4 nghah char char tur a ni in ka hre lova. Tunhma chuan

Budget Session hi zan thlengte an ti thin, an ti a. Sawi duh an awm lohva zan an nghah tlat ka ring lova, tunhma in. Sawi duh an awm em? ka ti a, ka hawi kual reng a, tuna kan House Leader sawi ang khan. Minister ka sawm tawh hnu ah, ‘kan phar’ an ti ta chauh a. Minister kha thu leh rawh tih thu a awm tawh lova, Chair atangin. Chuvang chuan, decision ka siam tawh a, khami hnu a tih leh kha.

Tin, Press Conference-te an nei tihte ka hria a. ‘A hma pawhin Pu Lalruatkima mawi lo takin a lo ti tawh a, hnawhchhuah ah a lo vau tawh,’ te an ti a. Khami tum khan Pu Ruatkima khan MIZOFED buhfai supply chungchangah zawhna a zawt a. MIZOFED enkawltu Co-operation Department changtu Minister Pu Lalrinmawia Ralte in a chhang a. Chuta a zawhna atangin retailer buhfai sem chhiat thu ah a kai a, chu chu Minister zahawm tak chuan, ‘kha zel kha chu kan Department chan a ni lova, Supply Minister in a hre zawk ang a,’ a ti a. Member-ten an zawt si a, Supply Minister kha chhang turin ka ti a. Chutia a chhan lai chuan, ‘a ni kan zawt hleinem,’ tiin a rawn ti buai zel a. ‘Thu rawh, zawhna in zawt a, record theih pawh a ni lo ve,’ ka ti a. Khang kha record-ah a awm vek a, Assembly-ah. ‘Thu rawh, khatianga lo tihbuai hrim hrim i tum a nih chuan House-ah i thu lovang,’ ka ti mai a ni. Kha kha a ni a, khami avang khan he House tihbuai a, he House-a ka thut laia kawhmawh bawl hrim hrim an tum ni ah ka ngai deuh mai a, kei chuan. Khami, ‘i chhuak mai ang,’ ka tih kha an sawichhuak leh ta chat a, khami avang khan.

Tin, nimin khan, a hrim hrim in, party meeting kan nei, an ti a, Chu chu wawiin te pawh hian an la nei leh dawn te pawh a ni mahna. Session aiin an ngai pawimawh zawk a ni ang e. Aw le, tunah chuan...(interruption)

Pu LAL THANHAWLA, CHIEF MINISTER : Pu Dy. Speaker, min lo hnawtchhuak a nih pawhin, min suspend a nih pawhin, you are within your rights, danah khan a awm vek a. Untruly behaviour te leh Speaker Chair zah loh lutuk te, khang ho kha in hnawtchhuak thianga a, in suspend thianga bawka a, eng chen nge in suspend ang tih chu nangmahni thu vek a ni a. Helaia member-ten kan question phak a ni lo, amaherawhchu, dan pel a in chet erawh chuan thudang a ni a. Tun thleng hian dan pel a che kan Speaker-te hi in la awm lova, tun hma atang tawhin. Chuvangin, Rotekawla Sepa ang hrima hetiang intih hi Chair zah lohna zawk a ni.

Pu TT. ZOTHANSANGA : Pu Dy. Speaker, minute khat chauh. Social media lamah khan a dik lo lam khan dik awm takin an thehdarh nasa mai a. Nimina kan proceeding kha a video clip-te kha member-te hi min sem thei lo em ni? Helaia ‘ban ka phar’ an tih an phar lohzia tihchianna video clip-te kha kan nei thei ang em tih kha ka zawt duh che a. Tin, chutih rualin vawiinah hian an manifesto SEDP tlangzarh an tum hrim hrim a. Chuvangin, anmahni hi an vui hrim hrim lam ni lovin, sawtah an party lamah an kal dawn ni in ka hria.

DEPUTY SPEAKER : Kan House Leader sawi ang khan opposition tan chuan sawrkar thil tih sawiselna tur emaw, khang ang thil an bial mamawh sawi tur emaw atana hun tha tak a ni a, heng sawihona hun hi. Sawi tur an nei lo a ni ang e.

Video clip chungchang kha chu Assembly lamin kan lo en ang a, khalai tak kha a lan chian chuan tih tum ila a tha ang.

Tunah chuan Pu Lalsawta, Minister zahawm takin a demand te hi House-ah rawn submit sela, i lo sawm ang.

Pu LALSAWTA, MINISTER : Pu Dy. Speaker, Governor remtihna leh House remtihna in he House zahawm takah hian a hnuai ka demand: te hi he House zahawm takah hian sawi ho turin ka rawn pharh a ni. Ka lawm e.

Demand No.	Purpose	Amount
1	2	3
4	Law & Judicial Department	20,44,59,000
8	Taxation Department	16,12,79,000
9	Finance Department	16,65,82,13,000
14	Planning & Prog. Implementation Department	81,51,25,000
	TOTAL	17,83,90,76,000

DEPUTY SPEAKER : Awle tunah chuan Minister zahawmtak Pu C.Ngunlianchnunga a demand no. 18 - Printing & Stationery Department ` 13,30,48,000, Demand No. 30-

Disaster Management & Rehabilitation Department ` 20,99,47,000, Demand No.34-Animal Husbandry & VATERINARY Department ` 69,48,20,000 ,a vain ` 1,03,78,15,000 te House ah rawn submit sela, ilo sawm ang.

Pu C.NGUNLIANCHUNGA, MINISTER : Pu Deputy Speaker, i phalna leh Governor remtihna in ka department enkawl Demand No. 18, Printing & Stationery Department ` 13,30,48,000, Demand No. 30 Disaster Management & Rehabilitation Department ` 20,99,47,000, Demand No.34-Animal Husbandry & VATERINARY Department ` 69,48,20,000, a vaiin ` 1,03,78,15,000 hi 2017 – 2018 atan he House ah hian ka pharh e.

DEPUTY SPEAKER : Kan sawiho dawn ang a, Minister te pahnih chanpual, member te minute 10 kan inpek kha a tawk mai em?

Pu R.ROMAWIA, MINISTER : Khawngaih takin nimin thil thleng atang khan ka ngaihtuahna kha ka hmang ang reng a, tih dan fel zawk a awm thei em aw? Member sawi duh te hi chuan first hour ah hian ban hi phar sap sap ila, nangin i lo chhinchhiah ang a, tikhan koh tawh chin leh koh loh chin pawh kha a lang ang a, phar hmasa phar hnuhnung pawh ti lo in kan sawihona boruak a nawm zawk nan pawh, han in chhawk deuh te pawh a awm theih nan, khatiang khan ti ta ila kan House boruak, kan participation pawh a kokim deuh ang em aw ka ti a. Sawi tur in la awm em ti a in auh in auh thin hi a buaithlak a, khati laia first hour emaw a sawi duh tur kan phar emaw, tin, ka sawi duh e ti kha chu member te pawh hian hming pelut lawk nghe nghe ila, chutiang chuan boruak, nimina thleng ang inpuh tawanna kha ven theihna a awm ang em aw tih te kha ka ngaihtuah a, chu chu kan sawiho hma in kan ti ri a ni.

DEPUTY SPEAKER : Thil tha tak a nih hmel e. Amaherawhchu tuna kan kalphung ah chuan tunge sawi dawn le, kan ti a, a sawi tur khan an phar a, khatia phar loh na na kha chuan mi sawi rawh u, tih tlat kha helai atangin a theih loh a, churang chuan sawi duh an nei dawn nge dawn lo a hriat si loh.

Pu JOHN ROTLUANGLIANA, MINISTER : Pu Speaker, khati lai kha kan sawi ve leh lawk, kan kalphung pangngai kha a tha reng a, nimin khan an lo lawm lo

deuh a, an lo chhuak a nih pawhin ka la hrethiam khawp mai, ka ngaih ve danah chuan, mahse Deputy Speaker thut chungin kan thu dawn lo tih kha chu he House hi a zahloh thlak zawkin ka hria a. Chhuvang chuan kei ka duh danah chuan tun session chhung hi chu thu tawh la ka ti a ni. Hei hi member ten an tih loh tur tawp an ti zawkah ka ngai a ni.

DEPUTY SPEAKER : House Leader leh Speaker te thu thu a nih chu kan thut leh thut loh chu. Le, tunge bul han tan ang le. Pu P.C Zoram Sangliana.

Pu P.C ZORAM SANGLIANA : Pu Deputy Speaker, Mizoram House- a thil thleng ngailo a engamah hmaa House chhuahsan ringawt zel mai hi, nimin lawk National news kan en te chuan Maharashtra- ah chuan December thla thlenga Speaker in MLA a suspend te kha, wawiin ah March kan hmang chho chauh a nih laiin, Chair duhloh zawngin, House zahawmna ti chhe zawngin, Chair thu an awih loh avang te, Chair ngenna anga an awm loh avang te khan Speaker- in December thla thleng MLA engemaw zat a suspend kha a ni a. Vawiin ah chuan i veilama member te hi anmahni leh anmahni an in suspend zawk a ni he House - ah hian. Mipuiin he House- a thu tura an rawn dahna bial te hian an vote leh duh ang em tih ka ngaihtuah a ni. Rorelna ah thil thleng pakhata an lungawi loh avang ringawta House chhuahsan zel hi, I thinurna ni in tlakpui suh se tih kha an chhiar khat ngawtin ka ring, chuvangchuan a pawl ka ti.

Pu Deputy Speaker, wawiinah kan tangka bawm i ti mai ang, kan tangka vawng tupa in demand a rawn pharh leh thingpui pawlh atan pawh tui tak, rethei, harsa, leimin leh harsatna tuar thintuten kan in nghah fakna, Minister pahnih demand pharh hi sawi thui vak pawh ngai lo in a tha sa a nih vang hian pass dil nghal mai se a tha awm mang e aw tih te, (vei lama mite an awm tawh lo bawka) ka rilru ah an awm thut thut a, amaherawhchu tlem- a -zawng tal han sawi ka'n duh a.

Kan Finance Minister budget speech ah leh budget a rawn pharh hi Pathian khawngaihna zarah kan hotute kaltlang leh mipuite kaltlangin helaia kan lo thut ve tawh thinna atanga kan chhut let vang vang hian hetiang a chianga member te budget min kawhmuh hi hun kal tawha, Finance Minister te ka demna lam nilo sela, ka la hmu ngailo a, hei hi lawmawm ka ti em em a, Finance Minister leh Finance Department a thawktu te zawng zawng hnenah lawmthu ka sawi duh a ni. Hetiang a tih hi chuan a fiah ta em em a, han ti ve ta khanglang ila, kan lo hriat thiam thin loh, hei hi enge, enge kan lo tih thin te

pawh kha fiah takin min lo kawhmuh ta a, chulamah chuan ka cheng thui vak lo mai ang a. NEDP sum hmanna tur chungchanga economic survey 2016 – 2017 han en hian kumin ah hian sorkar - in hma lak atumna hi a mipuite hria in hma a la a ni tih hi, helai hmun thut tir tu mipuite hre chungin kan Finance Minister hian kan House Leader kaihraina hnuaiah hemi hi a rawn pharh a ni tih hi a chiang em em a, min ti lawmtu a ni a. Kan sawi fo tawh angin sorkar hi chuan mipui leh kuthnathawktute tana remruatna fel, facilities a buatsaih dawn a ni tih hi budget bu han keu te leh a speech han ngaihthlak leh han chhiar atang hian a chiang ta em em a. Chung ah te chuan kawngte laih sak an ni ang a, godown te buatsaih sak in market yard te, khawl lian mimal tana man to lutuk ang chi te pawh kha a bun sak dawn a ni tih han hriat ringawt pawh hian, vawiin ah chuan rambuai thim chhah in min chim laia kan sawi ngam miah loh hmasawna atana rahbi tuka chumi kawnga kalna tur kha kan Finance Minister in, Parliamentary Secretary nen, Finance Department- a thawktu te hian an rawn chhawp chhuak ta hi lawmawm ka ti a. Heng hna tam takah hian kut hnathawktuten thlai an thar te, an ran vulh te a tam belh chhah dawn a ni tih hi a chiang ta a, phurna kha ava pe ta a ni. Tunah chuan a market hawiin a rawn pharh ta a, kum 8 hma lo lak tawhna thuam famkim lehna tur programme a rawn neihna tak mai hian a ti lawmawm a, entrepreneur leh mihausa ten an lo leichhawn sak leh an kalzelna buatsaih sak chiang tak maia Mizopa thluak, Mizopa sum bawm hai chhuah tumna budget a ni hi ropui ka ti a ni. Chuvangin he thil hi lawmawm ka ti tak zet a ni. Kan ram hausakna hi a tak takin kan hmang tangkai lehzual dawn a. Reteihna khur atangin kan hotupain NLUP hmangin Mizo mipui, chhungkua nuai chuang bul min tan sak tawh a, chu chu din chhuahpui tam tak an awm a. Hetih ruala ka rilrua awm chu Pastor lar tak pakhat-in (a hming ka sawi lo mai ang a) a sawi hi, Market Economy-a kan han luh dawn hian, “Exodus from subsistence level to market economy,” tia vawiina budget kan han thlir, kan han sawi hoa kan Finance Minister-in a rawn pharha sawina hun kan neih lai hian han sawi chhuah ka’n duh a ni.

Tun session-ah hian a budget kan pharh, amah bikin a demand a rawn sawi hma hauh atangin kan Finance Minister, kan Planning Minister ni bawkin a remruatna fel thu te, amah fakna thu te kan han ngaithla thin a, a lawmawm ka ti a, kei ka tawmpui a. Mahse han ti ta ila, Finance Minister leh Parliamentary Secretary-in ngaih loh lamah lo ngai lo sela. A thawk tak taktu, zankhaw tairek thlenga lo thawktu Department Officer-

te, thawktu dang zawng zawng IV Grade thlengin an pi pute kha an ven a ngai tho va. Khang an thawhrimna zawng zawngte hi vawiin ah hian hmuh theihin a buin, a phekin chhiar theihin, tute tan pawh chhiar theih, hmuh theihin min han pharh ta a. Hetiang hi kum thar ah pawh chhonzawm zel ta ni se.

Chutih rual erawh chuan ka sawi fo tawh thin, Consultative Committee-ah pawh ka sawi thin, chep tak leh hah taka March thla vela Budget Session tan thin ai hi chuan, Planning leh Finance lam te hi an Minister ho hian han tang leh ta se, state dangte pawhin an tih theih hun January thlaah te, haadam deuh hian a kar awlah te pawh chawlh lawk te pawh nei vein, Parliament-ah chang ni lo, state dangah pawh an tih ang hian, Arunachal-ah te pawh an ti ve thin a. Heng angte hian han ti ve thei ila chu kan haadam deuh zawk ang tih te pawh a rinawm a. Kum thar budget puitling min pharh sak leh hunah chuan chungte pawh chu min han tihsak leh thei se tih hi vawiin ah hian kan rawt nawn leh a ni e.

A bik takin bialtu kan nih vena atang leh thenrual engemaw zat te kan lo neih vena atangte pawhin Pu Deputy Speaker, GP Fund chungchangah te hian min tibuai ve nual a, kan hotute chang ni lovin. Chung hunah te chuan ka hmuh chian em em mai chu Department Officer te, a bika kan sawi lehna thin chu, office chawlhni pawh hian an lo thawk asin mawle. Chuti khawpte chuan mipui tan Finance Minister ho hian an lo thawk a ni tih te hi min han hmuhtir a. Chu chu eng nge a chhan? Financial Management fel, tha kan nei a ni.

House Leader, Chief Minister a ngaihna hria, Minister tin te, thawk khat lai pheikha chuan amahin Chief Minister-in a enkawl chang ni lo Minister hrang hrang enkawlte kha a room - ah, a Secretariat-ah kovin tikhan hma an lakpui a. Kha khan sorkar officer-teah pawh hian phurna (incentive) a pe a. Mipuite thawh chhuah atanga, i ti mai ang, hlawh la an ni, (tawng mawi lo ni suh sela) tih te hi he sorkar hian a takin a hriatpui a. Phurna nen hna an thawk ta a nih hi tih te hi kei ka hmuh dan a ni a. Chuvang chuan a ngaihna hria, India rama Finance Commission pawha member ni thei Chief Minister he ramin a neih hlawkna chu vawiin a kan Finance Minister demand kan han sawi ah hian tarlan ngei hi ka duh a ni.

Annual Financial Statement hnung lamah khan Pie Chart hmangin kan sum hmuhna leh kan hmanna kimchang kha, Parliament lamah pawh an la tih ngai miah loh,

colour ngat khan min han pe lehngal a, hengte hi a chhuanawm a ni. Finance Department mai bakah pawh hetah hi chuan Printing and Stationery Department te pawh hi han fak tel thain ka hria a. A lawmawm a, hetiang te min han hmuh tir ta te hi lawmawm ka ti tak meuh meuh a.

A demand-ah hian a mal te tea chutah khatah tia kei tehlulin va sawi ai chuan Finance leh Planning-in an hmalakna-te ; tin, Taxation Department kaltlanga kan ram mipuite tana rawngbawlina zau zawk , rawngbawlina awmze nei, sum leh pai tam zawk an ni ta te; tin, Law and Judicial lama kan hmasawna zawng zawng te, keini kan bialah te phei chuan building engemawzat kan Finance Minister, Law and Judicial Minister hian min sak sak ve tawh a. A hawn theih tep a, min hawnsak hun pawh kan nghakhlel hle a ni.

Demand no 18, 30, 34-a Minister zahawm tak demand-ah hian Printing and Stationery-a hmasawna te tunah khan kan han hmu ta a. Kan budget bu leh lehkha an rawn print, thil hrang hrang an rawn tih atang ringawt pawh hian he Department hmasawna hi kan lo hmu ta a, hengte hi lawmawm ka ti a. Hengte hi an harsatna awm reng tur chu a part khawl tha pui pui German siam an neih, heng te hi repair a lo hunah khan khawngaih takin Finance Minister lam hian pawisa an rawn dil hunah khan lo pe sela, nut bolt leina tur tih vel bawrah khan, ka sawi te lutuk deuh a ni mai thei a, khangah khan tikhawtlai/tih buai ni lo se tih hi Printing and Stationery sawi rualin anmahni kaltlanga malsawmna kan hmuh wawiin ah hian kan dawhkanah pharh a ni a, kan hmu a, chungte avang chuan helaiah hian ka'n sawi duh a.

Disaster Management, Demand no. 30-naah hi chuan, khawkheng tuar thin, ruahpui vanawn thlipui tuar thin, rap ina la khawsa mekte tan, leimin tuarte tan, zep tur a awm lo, hmarcha pho ro duh tan pawh, chhawhchhi khawng duh tan pawh he department hi an van tangkai in kan va mamawh em! Chuvangin he Department tana, (ka zo tep), hmalakna awm hi member te hi a chhawrtu hlei hlei kan ni a, kan bial mipuite hnenah, keimahni inleng min rawn ngamtlakte hnenah helai hi harsatna awm miah lovin hei session chhungte pawh hian kan Minister hian bundle 10 velte chu min pek loh phei chuan insawi bat kan nei nual tawh a ni. Kha vel kha a ni tawh a, hengte hi nachang a rawn hre leh dawn a, a lawmawm hle mai a, lawmthu te pawh ka'n sawi duh a.

Animal Husbandry chungchangah thil chi hrang hrangah, sa thianghlim zawrhna tur an han buatsaih atang ringawt te hian Pu Deputy Speaker, tun Christmas/Kumthar boruak kha nimin lawk a la ni e, i thlir let ang. Aizawl khawpui bikah hian, he Department-in ran talhna hmun thianghlim-a an talh hi veng pangngai deuh ho chuan chuta mi kher chu ei an tum tlat tawh a ni. A dang an buatsaih leh mek, corporation dangin an buatsaih leh mekte pawh hi tihpuitlin thuai thuai, tihpuitlin zel a nghahhlelhawm khawp mai. A kawhhuhtu an ni a. Chumi bakah bawnghnute te, sa chi hrang hrang thianghlim, keimahnia kan han thar chhuahte kan han ti ve thei ta te hi a lawmawm a. Hengah hian lawmawm ka tih em em mai chu NLUP atangin a ni emaw, anmahni Department scheme pangngai atangin emawa mipuite hnena malsawmna va thlen tura an tih chu mipuite hlimna, lawmna an thlen tlat hi kei ka bial chhung bikah tun hnaiah hian lawmthu kan sawi duh a ni. Chuvang chuan he department hian mipuite tan rawng a bawl a. Kan hotuten fing leh fel tak maia ruahmanna an lo siama hi a tawp na atana Pu Deputy Speaker, ka'n sawi duh chu kan hotupa ho hian, ' kan Minister te hi an corrupt em mai, an chuti em mai, tih tur awm si lova, House hi chhuanlam tur zawng ngar ngarin chhuahsan dan i zawng mai ang aw, 'House chhungah sawi ila an thil tih that sawina tur remchang kan siam hnem mai mai a ni si a, keini chhuak ila chawhma ah an zo zel ang a, chuvangin i chhuahsan zel mai ang u,' tiin nang hi a target-ah an hmang mai mai che a ni. Pu Speaker, nang hi ka tih kha min ngaidam la, Chair zahawm tak kha an hmang mai mai niin ka hria a. Hengte avang hian Chair zahawm takin i rorelna, a rorelna hi kei chhuanawm ka ti a. Mizoram House-a chung zinga tel ve theia kan awm ringawt pawh hi lawmawm ka ti a. Vawiina kan Finance Minister zahawm tak leh kan VATy Minister kan ti mai ang e, anni demand rawn pharh hi lawm tak leh phur takin kei pass pui ka duh tih ka rawn sawi a ni e. Ka lawm e.

DEPUTY SPEAKER : Sawi tur kan awm em? Aw, Pu Hmingdailova Khiangte.

Pu HMINGDAILOVA KHIANGTE : Pu Dy. Speaker, ka lawm e.

Kan Finance Minister zahawm tak leh kan VATy Minister zahawm takte demand pahnih hi han sawipui hrim hrim pawh a chakawm a. Tin, general discussion-ah khan ka sawi lo a, ka thangbo avangin. Amaherawhchu han sawi ve ngei ka duh a thiamlo takin.

Demand no.9 atang hian tan ila, Finance Department. Kan Minister zahawm tak hian kum kal tawh, kumhnih chhung kha Year of Consolidation a lo

maintain a. Chu a lo maintain chuan financial control, financial management tha tak he sorkar hian a nei a ni tih hi a tilang chiang hle a.

Tilang chiangtute hi sawi teuh lo ila; pahnih khat han sawi ila. Sorkar hnathawk tam takin hun hmasaa GPF withdrawal ti hleitheilo khan harsa lutuk lovin kan Finance Minister zahawm tak leh kan Parliamentary Secretary, Finance in min sanction sak hlawm a. Sorkar hnathawk pawh an lawm hle in ka hria.

Tin, hei tun hnaiah kan hriat angin central sawrkarin an rawih ngei ngei Hindi teacher, centrally sponsored scheme hnuaiia an rawih, thla 10 lai mai hlawh an lo la lo reng tawh mai a. Kan sawrkarin a khawngaih hle a. Mizoram sawrkar budget atangin kan Finance Minister in heng Hindi teacher 1,300 zet thla 4 hlawh tur a lo nei reng mai te pawh hi kan vannei tlangin ka hria a. Mi te lawm zawng, mi te lawmna tur sawithei khawp a financial position tha tawh tak kan lo nei hi a ropui a. An hnenah hian lawmthu sawi awm tak a niin ka hria.

Tin, kum 2014-2015 atanga 2015-2016 inkarah khan kan per capita income hi a lo pung nasa khawp mai a. 11.27% ngawt maiin a lo pung a. A lo punna chhan hrethiam vek awmkhawm kan ni a. Khatiang ang pung thei tura kan Finance Minister leh a thawhpui zawng zawng ten ro an rel thiam, sawi leh sawi hnu, financial management tha tak an lo nei hi ram pumpui hian kan vanneihphah niin ka hria a.

Tin, Pu Dy. Speaker, kum 2017-2018 budget han thlir ila, lawmthu han sawi mai tur a awm hlawm a. A hmasaberah chuan sorkar hnathawk ten thla tin hlawh lak theihloh an nei dawn tawh lo. Hei hi a ropui hle in ka hria. A chhan leh a vang te chu kan sawikim vek tawh lo ang a.

Tin, state owned tax receipt kha a pung dawn bawh a. ` 311-318 cores atangin ` 397.71 crores in a pung dawn a ni. Helai hi han sawibelh deuh hlek ka chak a. Mizoram hian kumtin a kan budget, a ni lo theilo in ` 8,000 crores aia chung kan mamawh chho zel dawn mek a. Chuta kumkhata kan revenue thawhlawm ve hi a tlem lutuk a. Chumi tipung thei tur chuan kan Finance Minister hian theihtawp a chhuah mek a.

Tin, kan sorkarin, Pu Lal Thanhawla kaihhruai sorkar hian huaisen takin he ram hi intodelh tura a buatsaih avangin chhiah lakna ngailo ah te chhiah lak dan tur an rel mek a. Tin, lak tawhna atang te pawhin mipui tana na lutuklo turin a lakbelh dan te pawh an buatsaih mek a ni.

Mizo hian chhiah pek hi kan lo hreh viau ni te pawhin a lang a. Kan ram an han teh a, diktaka area zau zawng teh lovin, a chanve vel emaw teh kha kan tum deuh fo mai a. A chhan chu chhiah a tlem nan tiin. Mahse a tehloh ram pawh kha kan la intineitu tho bawk si a. Hengah te hian a kristian ram lo emaw a kristian rilru lo viaua ngaihtuah theih viauin ka hria.

Sap ram kan ti lo theilo a. Khungah te chuan miharsa zawk ten sawrkarin assessment an siam vek a. Sorkarah chhiah an la chhun theih loh chhung hian hrehawm an ti ngawih ngawih a, an zak ru a ni. Chung chhungkua te chuan theihtawpin hna an han thawk a, chhiah pawh sawrkar ah chhnglut ve thei a an lo awm takah chuan anmahni kha an lawm a, an hlim a. Tunah chuan sorkarah chhiah ka chhung ve thei ta an ti a, an hmai te pawh a thal ve ha tawh a ni awm e. Chungte chu kan hriat a tha a.

Huaisen tak a Pu Lal Thanhawla kaihhruai sawrkar hian he ram hi intodelh tur a a buatsaih chhohna ah hian mipuite pawh hian sawrkar ah hian chhiah kan chhung ve tur a ni. Kan theih ang ang, a tam thei ang tih rilru kan put hi a hun tawh viau in ka hria a.

Tin, chung bakah chuan tun budget tharah hian han hmuh mai tur pawisa pung a awm a. Chu chu Police Department tan hian TE ah ` 218 lakhs ngawt maiin kum hmasa atanga han chhut khan a pung a. Tin, motor vehicle ah te pawh ` 76 lakhs zetin an pung leh a. Uniform leina te pawh an lo harsa hle aniang a, tunah hian ` 340 lakhs in uniform leina tur pawh a lo pung leh ta a ni. Hengte hi kan ram tan a luchhum leh banchhum pawh huama hnathawktute an nih avangin an mamawh thumthat thinlung pu- a kan Finance Minister zahawmtakin hetiang ang pawisa an ruahman hi a lawmawm tak meuhin ka hria a.

Tin, chu bakah kawng siamthatna tur te ` 39.50 crores, PMGSY atan ` 200 crores, NEDP atanga lakchhuahin ` 113.19 crores. Tin, kan banphak mai a awmlo

NABARD atang thleng pawhin ` 80 lakhs hisap a lo ni hi kan hotute hian he ram harsatna kawng tinreng a a neih mek te hriain phuhruk dan leh tihfel dan hi a ngaihtuah a. A tawpah chuan finance/sum a awmluh chuan engmah a tih theih si loh a. Heng zawng zawng hriaa kan Finance Minister-in hetiang ruahmanna a nei hi a lawmawm tak meuh in ka hria a. Amah leh a hote chungah lawmthu kan sawi e.

Tin, tawite in demand no.34, Animal Husbandry & VATy Department Sawi tur tam tak a awm. Han sawi mai duh pakhat ka nei a. A changtu Minister zahawm tak hian a Department hi a enkawl hneh hle in ka hria a, a ngal pawh a chak a. Tunhnai mai ah khan NLUP a Vawk trade changho te ta tur khawtual ami Vawkte an han lei khawm a, an han sem kha a remhriat thlak hlein ka hria a. Vai ram atanga an lak te hi chu kalkawngah te an thi duh a, hrite pawh an lo kai duh te pawh a niang. Mahse khawtual ami lei chawpa an sem hi remhriat thlak ka ti a, lawmawm ka ti ngawt mai, churang chuan a chungah lawmthu kan sawi ve ani.

Demand No. 30-na Disaster Management and Rehabilitation Department hi ka hmaah khan lawmthu te pawh an sawi a, lawm leh zelna tur te pawh a awm a ni tih thute pawh kha an sawi a, kan han support zel a. Tawite kan sawi duh chu Mizoram hi fur natna hmun a ni a, furte hi a na em em a, kan lei a saptawng te hman mai ila a soft a, a solid si loh avangin ruah a sur tam chuan leimin kan nghah fo mai a. Chungah te chuan inzirna lam awareness hi kan Minister zahawm tak hian a uar hle mai a. College tinah te, School tinah te he Disaster Management respond group te hi an awm fer fur mai a kan Police bakah. Churang chuan a chungah hian lawmthu sawi tur a tam a. Tin, tun hnai lawk pawh khan College pakhat Mock exercise te an nei a, khatiang zel khan kan nei a nih chuan vanduaia te pawh hi lo thleng mahse a thlamuan thlak viau dawnin ka hria a. Tichuan Pu Deputy Speaker, kan Minister zahawm tak pahnih Pu Lalsawta leh VATy Minister zahawm tak Pu Ngunlianchunga te demand hi he House zahawm tak hian pass ngei turin ka rawn support ve a ni e. Ka lawm e.

DEPUTY SPEAKER : Le, tunge han sawi ve leh ang le, Pu R.L. Pianmawia.

Pu R.L.PIANMAWIA : Pu Deputy Speaker, vawiih demand sawi chak awm tak tak mai sawi theihna hun kan neih avang hian lawmawm hle in ka hria a. Finance Minister chanpual ah hian nidang aia kan Finance Minister-in engkim mai felfai taka a rawn ruahman theih tak avang hian a lawmawm hlein ka hria a. Tin, ka sawifo

tawh angin Mizo tawng ngeia fiahfai taka a rawn ruahman thin hi a lawmawm tak takin ka hria a. Tun hnu zela Finance Minister lo awm leh tur te pawhin ani atang hian in zirin ti vel zel tawh se tih ka ngen duh bawk a.

Tin, sum leh pai dinhmunah ngaihtuahna a hmang thiam a, fiamthuin ka ti a Finance Minister awm tawh te hi chu an sam hi a ro rap rap mai a. Tuna kan Finance Minister hi chu a mawm deuh hlap reng mai a. Chuvang chuan a lawmawmin a chhuanawm ka ti a, ngaihtuahna hmang thiamin a puibawmtu department lam te pawh an tangkai tha tawk a ni tih a hriat a. Tin, Finance-a thuho te pawh luhchhuah nasa ber pawl ka nih ka in ring a MLA hoah hian an fakawm hlein ka hria a. Tun hma deuh khan department hote kan dawrkual ve nasa thin a. Department pakhata mi pakhat phe chu kan dawr ngun ve si a, sa plate leh thingpui pek hmasak loh chuan biak tawng zawh a ni ngai lova. Chutiang chu department hotute hmuh tur leh tawn tur an awm ta lo ringawt mai pawh hi a lawmawm hlein ka hria a. Finance Department bakah Planning te pawh a luhchhuah tam pawl ka nia, mawl deuha kan va luhchhuah pawhin fel takin engkim mi an lo tih sak thin a, an inkaihhruaina a lawmawm hlein ka hria a, a chhuanawm bawk a. Tin, sum leh pai an han sem darhna kawngah Finance Department hian an sawi tawh ang khan Home Department-ah kan Police department te ngaihsakna tawngka ni lova a tak ram an rawn ti lang hi a lawmawm hlein ka hria a. Keini bial te phe chu Home Department ti hek ber leh hmang tangkai ber kan nih ka ring a, an dinhmun hi ka hrechiang thawkhat hian ka hria a, an khawngaihthlak em em a, Petrol an han dawn VATe pawh hi a la turin lo kal ta se an hmun an thlen leh khan a zo tawk vel chiah chiah a, thlakhat quota a nia. Chutiang dinhmuna ding chuan kan mamawh engkim kan himna tur ram himna tur kha an ngaihtuah a ngai bawk si a, an khawngaihthlak em em a. Chutiang dinhmun te hriaa ruahmanna fel tak neia Home Department a kan Police ho tana ruahmanna puitling tak tak mai hmuh tura an rawn chhawpchhuak thei hi a lawmawm ka ti a. Tin, kan Planning Department te pawhin kan hmasawna tura ruahman naah theitawp an chhuah zia hi kan lo la hriat ve loh avangin tunah hian kan hre ve dawn tan chauh a, an tangkaina leh an inpekna avanga ram hmasawna kan neihna turah pawh project hrang hrang kal danah te ruahman na leh an inpekna chhuanawm tak tak kan hmuh hian a lawmawm ka ti a.

Tin, Law Department hi kan hmanh tangkai si a, duhthawh thil han sawi ila, a thawktu lama hi an tlem deuh niin a lang a. Department hrang hrangin VAT tur hi an thehlut nuk nuk reng a, khami lo zir chianga lo ti tur khan a thawktu lam hi an chau hle niin ka hria a. A thawktu te hi an phunchiar lova, harsat thu an sawilo mai pawh a, an thiam deuh phei chu ni se ang chhuak ta sela, tuma hnial rual lohin an an chhuahna hi thudik a ni ang tih a rinawm a. Chuvang chuan anni bikah hian duhthawhna thu kan sawibelh duh a.

Tin, kan Minister zahawm tak Pu C.Ngunlianchnunga department chan pawhin min hriatchian angin an tello hian kan khawsa thei hlawl lova. Heng Tarpoulin leh Silpoulin tih te pawh hi a mamawh tam ber bial kan ni bawh a, kan mamawh hi duhtawh phuhruk lo mahsela, min phuhruk sak hle a ni tih ka sawi duh a a lawmawm hlein ka hria.

Tin, tarpoulin leh silpoulin min pek mai bakah hian chhiat tawh te tana rangva pek mai tur an in ralring reng theite pawh hi a lawmawm hlein ka hria a. Chhiat tawh atanga ni thum chhungin rangva mamawhte min la pe chhuak zat zat ani, chuvang chuan a lawmawm hlein ka hria. Tin, anni department DM & R hi a Mizo tawng chuan dah dawn ila “ Mangan laia tanpui theitu hnai reng department” tih tur an ni a, a lawmawm hlein ka hria. Anni atang hian mangan nikhuaa min tanpui tu tur SDRF te an han din a, heng te avang hian tunah chuan vanduaina leh harsatna kan tawh pawh nidanga kan buaina thinah khan kan ziaawm ta hle mai a. Tun hnai khan Tuirialah Sunhluchhip mi tla an awm a chungah te pawh chuan YMA a an lo training thiam tawh ho ten an lo tanpui a. Tin, chumai bakah hmanrua engkim an lo ruahman sak a, MAP a an lo dah Tower light te mi an hawhtir bawh a. Luipui kamah thim zinga awm mai tur Tower Light te hmanh hian hma kan la thei a, heng an hma lakna te hi a chhuanawmin min ti awlsam em em a ni.

Tin VATy Department ah hian kan bial hian duhsakna a dawng teuh tawh a, dawnna tur dang pawh kawng min siam sak mek a ni tih kan hriatin kan Minister chungah pawh lawmthu ka sawi duh a. Kan bial khi a dung a sei ve ang reng a, kan duhthusam phei chu a la ni lova, doctor min pek te an tha em em chung in duh angin an vil hneh tawh lo va. Tin, VFA hi tih belh theih hram ni se, tunah Finance Minister ruahmanna nei thiam tak a awm bawh a, VFA tlachham taka an awm hi chu hriat sak chi

niin ka hria a, department aiawh pawhin ka ngen sak a. VFA hi engemaw zat chu laksak ngei ni se tih ka ngen duh bawk a ni.

Tin, Printing & Stationnery ah hian nidanga kan tih theihloh thin te tih theihna turin khawl tha tak tak an rawn bun ve ta a, Zirlai Bu te, Mizoram Calendar te pawh helai hmun ah ngei min chhut sak thei ta a, a lawmawm hle in ka hria. Anmahni ngaih ah chuan an la in duh tawk lo mai thei a, tunhma lakah chuan rualawh chu a phuhruk thawkhat hle niin ka hria. Hetianga hma an la hi lawmawm ka ti tak meuh a. Tin, department hrang hrang te mamawh tur stationnery te pawh tunhma lamah khan kan sawi tawh thin a. Department hrang hrangte pawhin kha kha an zawm turah kan ngai a, khatiang ang chhe mai mai lo tur, rintlak/laktlak an han nei chho thei zel te pawh hi lawm awm hle in ka hria a. Thil thalam ah inelna kawng an zawh dik viau in ka hria a, a lawmawm tak meuh meuh a. Kan Minister te pahnih demand hi ka rawn thlawp a, mahse sum leh pai hi VATy bikah hian tun aia tam deuh hi tih theih dan awm sela duhawm hle in ka hria. Ran chaw hi kan buaipui ber a ni a, thingtlang mite tan ranchaw hi duh thu a sam lo khawp mai a. Thingtlang mi te tan ranchaw hi duh duh a lak mai tur a awm lova, a awm chhun pawhin tun ai-in a rate la tlawm thei sela a duhawm hle in ka hria. Wheat Vai te hi anni atang hian pe chhuak thei sela, sum leh pai, a capital tur te hi deptt. tan hian rua hmanna awm thei sela tun ai hian VATy Department hian ran vulh tute hi nasa zawkin an arh chhuah tir thei ang tih ka ring a. Sum leh pai, theh chhuah dan tur awm leh zel sela tha hle in ka hria. Chu chu Pu Dy. Speaker, ka sawi theih chin ni se. Ka lawm e.

Dy. SPEAKER : Hun in hmang thiam viau zel e. Tunge han sawi ve leh angle? Pu T. Sangkunga.

Pu T. SANGKUNGA : Pu Dy. Speaker, ka lawm e. Vawiin ah kan Minister pahnih te demand sawinaa ka tel thei hi lawmawm ka ti hle mai. Hmanni khan All India Service chungchangah East India Company in covenanted post an siam atanga All India Service, ICS te, IAS te lo awm chho a ni ka'n tih khan in, 'Mohenjodaro atangin a tan lo chauh a ni' min ti a. Vawiin chu a aia bul leh zualah tan ka duh a. Kan hriat angin Law Collage - a kan kal lai chuan kan teacher min hrilh hmasak ber pawl chu khawvela dan awm hmasa ber chu "Pathian - in Evi leh Adama hnenah 'thei eng pawh he huan chhung ami hi in ei thei a, chhia leh tha hriatna thei tih chauh lo chu' tih hi khawvela dan awm hmasa ber a

ni e” an ti thin a. Chuvangin Law & Judicial Department demand-ah hian khawvela dan awm hmasa ber atangin kan tan ta daih a nih chu, Mohenjodaro aiin a upa hle a ni.

Tichuan, separation of judiciary kan han neih takah hian kan rama thubuai lo tam zia a lo lang ta a. Kan lo changkan tak vang te pawh a ni ang a, Judicial Service officer-te hi Sunday te pawhin office an kal reng mai a, Krismas-ah te pawh ka court dawn an ti a, an kal reng mai a. Hetiang khawp hian Judicial Service te hi tunhma MCS te nena an in kawp lai ai kha chuan a va lo dang ta em em ve tih hi ka ngaihtuah a. Training lamah lah Allahabad-ah , Delhi-ah kan training dawn hi an ti reng mai a.

Hetiang service pawimawh em em maia in daih lo lutuk, a bik takin (nimina Aizawl DTO an sawi ang deuh te kha a ni a), Aizawl-ah hian an in daih lo nasa lutuk a, thubuai nei te an kal thlawn nasa lutuk a, hming an sign-a hawn leh hi a ni reng mai a. Hei hi kan Law Minister, Finance changtu Minitier hian lo hre deuhvin tih pun hi a tha awm mang e aw tih hi ka ngaihtuah a, an hriselna te pawhin a tuar thei hle dawna ka hriat avangin ka’n sawi chhuak duh a ni.

A dawt leh ah chuan demand no.8-na Taxation hi a pawimawh a, kan sum hnar an lo ni ta a. Tuna kan sum hmuh tamna te pawh hi tax khawn atanga lo awm a ni mai a. Taxation Department an din tirh te ka ngaihtuah a, state kan nih dawn tep U.T. kan nih lai khan ` 42.07 lakhs kha an kum khat tax khawn a ni a. Kuminah hian February kan thleng tawh a, March kan la thleng lova, chuti chung pawha kan tax hmuh hi vaibelchhe zahnih leh point sawmruk pakua Taxation Department-in an khawn a ni. Chuti a nih chuan state kan nih dawna an tax khawn kha a let zaruk sawmkua paruk in a pung hman a ni. Tuna kan kal dan en phei hi chuan GST hi kumin 1st July atanga hman tur a ni ti in hmannia GST Council-in a tih tluk anga a kaltluan chuan kan tax hi a pun lehzual ring ta ila. A chhan chu bungraw siamchhuaktu ni lo, a leitu state te kha a hlawk zawk kan nih dawn avangin nasa taka kan Taxation Department hi improve ngaiin ka hria a, a thawk a te hi an fel fu mai a, MCS-ah te hian kumtin hian an tling zel mai a, an la fuh niin ka ring a. An kalsan post te hi a ruak leh thin a. GST Council-in thutlukna a siam tawh si chuan an post ruak ho hnawhkhah hi ngai pawimawh ila a tha awm mang e tih hi ka ngaihtuah a. Kan Minitier chak tak hian post awl ang ang te pawh hnawhkhah sak tura tan lak a ngai mang e ka ti a ni.

Tin, Accounts & Treasuries kan tih U.T hlima kan Finance Deputy Secretary, Pu Rozika ten an enkawl kawp lai te khan, (amah kha kan in hnaih bawk a ka hriat zawng tak a ni a), thawktu an chaurau in an khawngaih thlak em em mai a. Amaherawhchu, tuna an in improve nasat zia leh pension te, G.P Fund te, pensioner leh thi chhungte tana an hmalak chak zia hi fakawm ka ti a. Tin, hmannah pension regulation thar chungchanga Best State for subscriber Record Maintenance lawmman an han la hial te kha a lawmawm a, Accounts & Treasuries-a thawk te fel zia a ti langin ka hria a. Anni pawh saw an in daih loh zia saw ka hria a. Tunah sawn U.T leh state upgradation laia thawk te an pension sup sup mai si a, thi engemaw zah an awm reng mai bawk si a, mipui mamawh tak meuh meuh khawih an ni a. Anni service pawh hi improve ngai tak zet zet in ka hria a.

Tin, kan Minister Pu Ngunlianchunga demand 3 zingah hian VATy hi ka awm tawhna zinga pakhat a ni a, hma an sawn chak zia hi ka hmu ve reng a, lawmawm tak zet zet in ka hria a. Lawmawm ka tih zual pakhat chu artificial insemination hi a ni a. Mihring pawh laina hnai innei chu piangsual an awm duh a, eng emaw dik loh na an nei duh a. He harsatna pumpelh tur hian VATy Department a ka awm ve zawk lai khan Liquid Nitrogen Plant, Lunglei a dah tur Europe ami kan lei a, Lungleia va dah daih chu a uiawm mang e aw kan ti kan ti a, Aizawl ami a chhe tawh si a. Tunah hian hetiang chiah hi Selesih a dah atan an lo lei a. Hetah hian bawngpa chi Europe a mi emaw Delhi a mi emaw zuk lei ila, hetah hian han dah tha ta ila kum 100 pawh a vawng tha thei ta, kum 200 pawh ni sela a liquid a awm chhung kha chuan a chi a vawng tha thei si a. Kawlkulh a kan kal in bawng neitu pakhat bawngpui chu ama fa khan a lo rai mai mai a, hnute a nei tam duh awm lo mang e ka ti a. Tin, Burma sial Run lui kam ami te khi a tet em em nachhan chu unau an in rai a, mahni nu te an rai leh a. Chutiang chu a nih avangin bawngpa chi (semen) dah that theihna an neih belh tur hi ropui ka ti a ni. Vawk ah phei chuan India ramah field level-a kap rai awmchhun an ni a, an hmasawna hi ropui ka ti. Thingdawl, Selesih, Lunglei leh Mampui-a Calf Rearing Centre an nei te hi farmer ho tan a tha em em a ni.

Tin, Mizoram, Manipur tlang ram, Nagaland leh Arunachal te hi sial vulhtu awm chhun kan ni mai a, a sa hi a to chak si. Pi leh pute atangin sial talh ngaisang chi kan ni a, lungphun na ah te, inneihna ah te sial talh kan duh thin. Ka bial khi Zoram

pumah se tamna beer a ni a, khaw riat ah sial an vulh a, khaw khat ah 300 te a awm a. Aizawl lama kan thiante ho hian lungphun nan te, mo lawm nan te ‘sial kan duh, i bial lamah min lo ngaihtuah teh,’ an ti deuh reng a, se-pa-chal te ka la thla thin a ni. Sial vulh a hlawhtlinlohna ber chu barbed wire indaihlohna hi a ni. Sial hi mi lo leh huana a chhuak thin hi an buaina a ni a. Kan sorkar-in barbed wire tlem-a- zawng chu a pe a, mahse a la daih lo nasa em em a. NEC - ah te crore khat emaw, crore hnih vel ngaihtuah sak in project siam ila, hneh taka hung mai tur a ni a. Kan House Leader zahawm tak leh Planning and Finance Minister zahawm tak te hian ngaihpawimawh sak ula ka duh hle mai. Tuna a awm ang ringawt hi chuan mi lo leh huanah sial a chhuak fo mai a, a hungna tur hi an problem ber a ni. Sial kan neih zel theihna turin barbed wire i lei ang u. Central- ah BJP an lal a, bawng lak chhuah an awih tawh baw si lova, China-in Burma sial leh bawng an la nasa baw si a. Chuvangin, Mizo bawng leh sial lei tur hi a tlem chuan kan ramah hian sa-ah harsatna kan nei dawn a ni. Hetah hian tan lak a tha hlein ka hria a.

A dawt leh ah chuan Disaster Management-ah hian hma nasa takin kan sawn a. A thawktute an fel baw a, a mamawh leh chhiatna taw tak tak te tan silpouline leh rangva te harsatna awm lova he department in heti taka hma a sawn hi lawmawm ka ti hle a ni.

A dawt leh ah chuan Planning & Programme Implementation Department (demand no. 14-na) hi ka lo awm ve tawhna a ni a. Vawiin ah Plan Fund a lo bo chho tur te hi lungte pawh a leng a. Tuna officer senior zawng zawng lakna Recruitment Rules kha ka kuta chhe pui puia ka ziak hmanga lak vek an niin ka hria a. Vawiin ah chuan a senior zualte chu an lo pension tan leh tawh a. Department changtlung tak Pu Rualzakhuma IAS, Pu Hminga, Pu J.C. Japanruna etc. te ho a phur taka kan thawhna a ni a. Kan officer fel tak tak te plan pawisa a awm loh hnu ah pawh kan House Leader-in hmanna tur a lo la hre leh zel te hi lawmawm ka ti a. NEDP te pawh hi anni hmanga kan siam chhuah a ni a. Heng te pawh tangkai taka an rawn hman chho zel tur hi lawmawm ka ti tak zet a ni.

Printing & Stationery Department hi kan office mamawh engkim help nei lo a min pe thintu te an ni a. Stationery materials hlep nei lova an supply khan revenue an hmuh bakah corruption a check nasa em em a, challan hmanga thil lei vek a nih avangin.

Xerox paper aiah chumi chu ka la duh tih kha a awm thei lo a ni. He department hi chak zawka kan Minister in a hruai hi lawmawm ka ti a, hma pawh an sawn nasa a ni.

Tichuan, kan Minister pahnihte demand Law & Judicial Department, demand no. 4-na te, 8-na Taxation Department te, 9-na, Finance Department leh 14-na, Planning & Programme Implementation Department te, 18-na Printing & Stationery leh 30-na, Disaster Management & Rehabilitation te, 34-na AH & Vety te hi pass pui ka han rawt bakah Pu Deputy Speaker, sentence khat lek, Vety-a Sial awmna ramah Vety Doctor post awm zawng zawng kan fill-up vek kha, tunah an la chhuak leh vek tawh a. Post fill-up a har em em mai a, VFA leh Vety Doctor dah hi department dang post ruak dahkhah ai mahin a har bik em ni aw tih tur a ni. An damlote an au chhuak thei si lova. He department hi ngaihthah an nih reng chuan sa demand a sang chak ropui si a, phai lam atanga lak chhuah a harsa tawh bawk si a, helai hi kan Finance Minister leh kan House Leader te pawhin min hriatpui ka duh a ni. Tichuan kan Minister 2-te demand support pahin Pu Deputy Speaker, ka'n sawibelh a ni e. Ka lawm e.

Pu H. ZOTHANGLIANA : Pu Deputy Speaker, ka lawm e. Kan Minster zahawm tak te pahnih demand kan sawiho dawn a, kan pass dawn Chiang sa bawk hi a lawmawm a kawngkhat ah chuan.

Kan hotuten an sawi tawh bawk a, sawi lo thei lova chhung lama tur tu hi a awm ve a. Kan opposition member te chet dan hi chu Pu Deputy Speaker, i thutna ah khan thu zawk ila chu, 'in chak e mai, rei deuh hlek hi lo chawl law law mai rawh u' ka ti mai awm mang e aw ka ti a ni. An chhuanlam hi a fahrah fahran em mai tih thu ka'n sawi ve zawk duh a.

Demand no.4-ah hian ka sawi duh chu thawktute an fakawm khawp tih hi a ni a. Chutih rualin kan member pakhatin a sawi ang khan an fakawm viau rualin an indaihlo em em a ni tih chu a lang thin a ni. Keini pawhin kan hriat ve phak chinah pawh hian an kutchhuakte belhchian dawl tak a ni a. An hnena Department hrang hrang ten thu leh hla kan thlen te uluk takin an lo zirchiang thin a. In nghahnatlak ni a an lan rualin a thang rei thin hian eng eng emaw harsatna, rokhawlhna a siam chang erawh hi chu a awm thin a.

Chuvangin, mihring han dah belh dan te hi awm se aw tih kha ka han sawi ve duh a.

Nikuma kan budget bu ah khan Lawngtlai hmunah Judicial building leh quarters te sakna tur atan cheng nuai zariat dah niin ka hria a. Kha kha kan Finance Minister - in min hriat sak theih chuan ka lawm hle ang, enge a chin ti in ring te kan fan ve nasa a ni tih ka'n sawi duh a.

Pu Deputy Speaker, i phalna in kan hotute ngaih dan a ni em tih hlauthawng chung a thil pakhat ka han zeh tel duh chu, kan Minister zahawm tak tak te hian an nau te, an thutpui te thusawi hi chu menah an thlak duh a, an react duh lo fova. Opposition thusawi hi an ngaipawimawh bik lutuk a, tha deuh deuh hian an chhang a, an naute ngawih ngawih thusawi hi ngai ah min neih sak thin a, duh leh office lamahrawn sawi ang hmiang min ti deuhvin ka hria a; a dik tho rualin, helai hmun meuhva kan han sawi ve hi chu angkhat rengin opposition te an ngaih pawimawh ang hian min ngai pawimawh ve se tih ka ngenna a ni a, kan sawi tel ve duh zawk a'ni.

Tin, Taxation hmalakna a fakawm tih ka hria tun ang reng hian tang sela Zoram tan chawimawi pawh an phu hle a ni. Kan budget bu-a a landan ang hian State's own tax revenue leh non-tax revenue tling khawm hi kan revenue receipt atang hian 8.5% vel awrh a ni a. Hei hi a la tam lo khawp mai a, chutih rualin thenkhatin an sawi fo chawmhlawm state kan ni a, kan budget za zela sawm pawh kan tum zo lova, pahnih/ thum vel lek hi kan tum phak tawk a ni tih an sawi thin erawh hi chu kan ni lo deuh a ni tih kan sawi duh a. Chulaia pawimawh tak mai chu 'share of Central taxes and duties' hi central sorkar atanga India rama state pakhat kan nih ve avang liau liaua kan phu ang tawk sorkar laipui in kan chanvo ni sa min pek a ni. Tun tuma kan budget - ah pawh hian kan total revenue receipt hi vaibelchhe 8173.31 a nih laiin 'share of central taxes and duties' hi vaibelchhe 3801.90 lai ani a. Share of central taxes and duties leh kan thawhchhuah ve liau liau keimahni own revenue kan belhkhawm chuan kan total revenue receipt atanga chhut hian 46.51 % lai a tling a. Chuvangin inthlahrung em em tur kan ni lemlo a ni tih hi Zoram mipuite pawh hian kan hriat thar ve a pawimawh in ka hria a ni. Chutih rualin thil pakhat

rilrua lo lang chu, zak em em bik tur kan ni lo ve, kan phu ve reng hi central sorkarin min pe bawk a ni kan tih lai hian, political party thenkhat in nimirpiah lawk thlenga, ‘ independence sual hi kan la bansan lo a ni, kan sorkar leh hunah chuan hnianghnar takin kan kal dawn a ni, hmasawna a zuan in a zuang ang. Tin, Switzerland of the East kan siam ang,’ an han ti talh talh hi chu a dawn tawi thlak deuh em aw ka ti a ni.

Tin, Finance chungchanga ka han sawi duh pakhat chu tun kum ral mek chhungah hian NEDP hnuaiyah ka hriat sual loh chuan cheng vaibelchhe 250 hnathawhna tur atan dah a ni a. Hemi atang hian thil dang zingah Agricultural link road te laihna turin MLA bial hrang hrang ah cheng nuai 50 te, 75 te dah a ni deuh den den a, a lawmawm hle a. Chutihrualin kan lawm a kim lo a ni ka tihna lai chu kan Speaker zahawm tak pawh huam telin Autonomous District Council pathum area- a MLA te bial hmaih bik kan ni tlat mai kha chu rilru a kalh deuh khawp mai a, khawngaih takin kan hotuten kumtharah hi chuan hetiang hi ruahman a nih leh hunah a hmaa hmaih tawh te kha duhsak bik deuh dan te min hriat sak thei hram hram sela kan va lawm dawn em ka ti a ni.

Kan sum ruahman dan te hi keini sawi thiam phak bakin a tha a, ‘ a tha a ni, a lawmawm a ni,’ ti mai ah hian a kim tawk viauin ka hria a. Hemi bul pakhat chu kan House Leader Pu Lal Thanhawla hian Finance Minister tur a thlan thiam em vang a ni. Leader tha chuan leader tha a chher chhuak thin an tih te pawh min hriat chhuah tir a. Kan Finance Minister a awm reng chungin, amah ka zahlohna lam ni miah lo se, Finance Minister - a dah a nih tirh khan, mi tam tak pawh an ni hial maithei, khawi emaw kil kil ah chuan, ‘ a tha dawn emaw ni le, ani hi Ukil kha a ni a, defence lam khel chi a ni a, Finance Minister atan chuan Pu Hawla hian a ruat fuh chiah lo ang a,’ tih sawi rik te pawh a awm a ni. Nimahsela, kan han kal zel a, tun thleng hian a lo fuh a, a lo tha thlawt a ni. A mi hraina hnuaiyah hian Zoram mipui tan hian thlamuan na tur a awm, kan him, kan dam, hma kan sawn, kan kal, kan tlan zel dawn a ni tih hi a langin ka hria a, lawmawm ka ti a ni.

Printing & Stationery chungchang ah hian sawi tur tam tak ka hre lova, hmana kan sawi thin department hrang hrang te hian sorkar dan ang tak in an mamawh te hi Printing & Stationery kaltlang ngei hian la sela, anni pawhin an thil lak te hi

department dang ten an hman duh tur, hman tlak, quality tha la ve bawk sela, chu chu sorkar tan a tha ang a, kan Zoram mipui tan pawh a hlawk bawk ang ti kha kan sawi thin a. Tunah pawh hian ka han sawi nawn leh duh a ni. Khawl tha pui pui te an nei teuh a, heng te hi tun aia tangkai leh zuala hman dan a awm ngei ngei ang tih ka ring.

Demand no. 30- na, Disaster Management & Rehabilitation Department chungchangah hian sawi tur chu a tam na in, pahnih khat lek ka'n sawi duh chu kan Minister Pu C. Ngunlianchunga hi, a coat ka ti dawn nge, blazer an ti zawk emaw ni, ang deuh hlek ka hak vang pawh ni chuang hauh lo in, a fakawm ve hrim hrim a ni tih ka han sawi duh a ni. Engemaw chhiat that thil, rikrum thil lo awm palh se keini ho ten kan han hriat ve meuh hi chuan a hmun a lo thleng reng tawh a, a hnu lawk ah T.V ah a lo lang zut zut a, a lo kaw k kwal hrep a, chumi khami chu a tih sak, a kalpui, a tawiawm. Kan Minister zahawm tak Pu Pate-a pawh hi a fakawm ka ti, Cabinet Minister zawk a ni na vang vangin, tawng mawilo a ni em lovang chu maw, MOS hna tul ah a tawiawm fo mai a, chutiang chuan kan hotu dang te pawhin an tawiawm tha em em thin bawk te hi an fakawm a, Zoram mipuite min thlamuan thin a ni.

Emergency hrang hrangah an tih tur hi an ti deuh zat zat mai a, in kang a lo awm palh in a rang thei ang berin chhawmdawl na awm thei ang ang te an pe a, an chhawmdawl thin a, rangva te mi an pe a, heng zawng zawng te avang hian an fakawm ka ti em em a. Fak loh na lai pakhat erawh chu ka nei, 'Minister ka ni tawh a, Zoram pum hi ka bial a ni,' tih hi a thupui khawp mai a, ka coat ang coat ha a nih na lai hi a dah pawimawh lo lui deuh emaw ni aw a chang chuan ka ti a. Lawngtlai ah te sawn kan play ground neih ve chhun ang ni nghal deuh thaw pakhat a awm a, chumi chhanhim nan chuan hnathawh a ngai nasa hle mai a, (a tul zia sawi nan kan thluk ang chi kha ka rawn telh chhoh leh a nih kha Pu Dy. Speaker). Minister a nih hlim atang pawh khan thahnemngai takin kan sawi pui ngar ngar a, 'ni e, kan ti dawn nia, a pawimawh alawm,' a ti a. Kan bial chhung ve Sangau - ah pawh chutiang deuh bawk case chu a awm a, a mitin a hmu a, amah ka zui tum pawh hian min zuk thlirpui ngial a, 'ngaih pawimawh hmasak ah kan neih dawn nia,' a ti a. Mahse, Zoram minister ani hi a hre leh lutuk deuh mah mah emaw chu aw ti turin saw lam saw keini chu, mahni kan ni a kan in hrethiam deuh ang chu a ti emaw ni, tlem te hi chuan min ngaihthah deuh bik emaw chu aw ka ti a,

ka vui deuh hlek a ni. Hmalam ah chuan min ngai pawimawh deuh thei se a lawmawm dawn mang e aw ka ti.

Dy. SPEAKER : Dar 1 a ri a, i zo thei dawn tawh em?

Pu H. ZOTHANGLIANA : Ka titawp mai ang aw Pu Dy. Speaker. Chuti a nih si chuan khalam chu ka sawi tawh lo mai ang a. Kan Minister zahawm tak Pu C. Ngunlianchungah hi facebook leh whatsapp lam social media lamah te pawh a han lar hluai a, hrisel loh na in a tlakbuak tih thu te kan hria a, pawl kan ti a, nimahsela, amah ngei in kei ngei pawh min hrilh angin Pathian khawngaihna zarah kan doctor ten rang takin an hmu chhuak niin kan hria a; chuvangin, ‘ phai lamah kan zu kal ang a, Pathian zarah ngaihtuahawm ka ni lova, dam tha takin ka lo haw leh thuai ang,’ a ti a, thlamuanawm in ka hria a. He House kaltlang leh Pu Dy. Speaker, nangmah kaltlang in kan Minister hi Zoram mipui ten tawngtaipui turin ka han ngen a, ka han sawm duh bawka ni. Heng kan Minister pahnih te demand hi lawm takin ka rawn support a, pass ngei ka rawn dilpui a ni e. Ka lawm e.

Dy. SPEAKER : Pu T.T. Zothansanga a pharlawk a, kan chawlh a hun tlat mai a, chawhnu lamah sawi thei turah ngai ila. In coat hak ang kha kei pawh ka nei ve a nia. VATy Minister hian a CEM lai khan min present a, House ah hian lawmthu ka han hrilh e. Kan chawl ang a, dar 2-ah kan thukhawm le dawn nia.

2:00 Pm

S P E A K E R : Chawhma khan mi pangain an sawi a, PuT.T.Zothansanga tunah sawm nghal ila.

Pu T.T.ZOTHANSANGA : Pu Speaker, ka lawm e. Vawiin ah kan opposition te an awm lo va, khua a har khawp mai a, kawng leh lamah chuan an tih tur an ti lovin ka hria a. An tu leh fate thleng hian an inthiam ang em aw tih ka ngaihtuah a. An hotuten, ‘ tlak lamah kal rawh u,’ an ti ang a, an kal dial ni hian kan hre mai a.

A hmasa berin demand no. 14 - na Planning chungchang kha han sawi zawk duh ka nei a. Planning chungchangah hian tun kan sorkar hian a ti tha khawp mai a. Helaia han din hian leh lam leh lam han in compare mai hi a awl khawp mai a. Ka rilruah chutiang chu a rawn awm bawka. 1998 atanga 2008 inkarah khan, khami hunlaia sorkar te khan kum 10 chhung khan work sanction an tih zawng zawng kha cheng nuai khat hlir in nuai 1,72,512 kha an pawt chhuak hman a ni. 2015 chinah khan keini sorkar

hian nuai 3,75,730 kan pawt chhuak tawh a. A vaia kan thehluh te nen a lo thlen hunah chuan nuai hlir nuai 7,13,036 kan pawt chhuak dawn a ni. A let tam takin tunah hian hma kan sawn a ni tih kha tunah hian kan sawi duh a.

Tin, kan Finance Minister ka lawmpui duh em em, a lawmawm kan tih em em chu kum tin mai hian kan hriat than deuh mai chu “Treasury-ah hian sum chuti zat, chung bak chu lak chhuah theih a ni rih lo. Sum, engnge K.Deposit” tih ri ang te pawh tun tumah hian kan han hre ta lo hrim hrim pawh hi a ropui ka ti a. Hmanniah zawhna leh chhannaah khan 7th Pay Commission hi tih tumna a awm em tih te kha an rawn zawt a. Keimahni sorkar tho hian 2009 khan Sixth Pay Commission kha kan lo implement tawh a ni. Kha kha a ropui khawp mai a. Khami kan implement avanga kum khata kan sum sen zawng zawng kha vaibelchhe 181, nuai 23, 1542 a ni a. Vaibelchhe 181 zet kha kum khata kan sen belh a ni. Chu chu hlawh ringawtah a ni a. Pension-ah vaibelchhe 45, nuai 68, 47688 kha a ni a. Tichuan kan implement avanga sum sen zawng zawng kha kum khatah vaibelchhe 226 zet a tling a ni. Kha kha ka’n sawi duh chhan duh chu khatiang dinhmun a kan han awm chhoh lai karah school 337 kan han promote bawk a. Khatianga sum lamah tih belh tur hlir mai awm chhoh laia kan Finance Minister in huaisen takin inrenchemna programme rawn ti chho a. Tunah harsatna awm lo a nuam taka kan han kal thei hi a lawmawm ka ti a, kha kha ka sawi duh a.

Tin, Pu Speaker, kan sawi’duh zawk chu hmanniah te pawh kan ngaithla a. Tuirial compensation te pawh kan ti dawn tawh e, kan han ti a. Kha kha ka rilrua thil lo lut pakhat nakinah kan Finance Minister in min rawn sawifiah sak se tih duh ka nei a. Tuirial compensation-ah khan vaibelchhe 4 vel pek a ni tawh a, vaibelchhe 21 kha la pek loh a awm bawk a, a neuh neuh ka sawi lo ang a. Khami kan la pek loh kha engtingge an rawn tuam mum tak tih lai tak kha hriat ka chak a ni. Chak takin kan chhonzawm e kan tih lai hian compensation bang an kal pui dan kha, Finance- a hma an lak dan te kha min rawn hrilhfiyah thei se, kan ti a. Tin, politician ten case an awrh an awrh a. Nuai 882 case kan tih te pawh kha engtingge tun demonetization hian a effect em ? Harsatna an tawh phah em tih te kha min rawn hrilhfiyah sela ka duh a. Tin, chubakah NEDP kan han ti a, vaibelchhe 250 term kal lai kan tih lain tunah 750 in kan han ti chho mek bawk a. Helaiah hian kan kal dan tur leh kan hlawhtlin dan tur ruangam, a lo vision ang chi te pawh kha min rawn hrut tel sak se a tha in ka hria a, mipui ten kan hriat theih turin.

Tin, chutih rualin kan sum dinhmun tlema a lo that hret takah hian sorkar hna lak belh chungchangah hian rilru a in sawhsawn deuh em ? Kan la thei dawn tawh em tih te thleng khan min rawn reflect chhoh sak se ka duh khawp mai. Kha kha kan Finance Minister - in min rawn hriat kan duh a. Tin, chutih rualin, hei Supply kan chang a, kan buhfai bill hi a chak hleithei tlat lo hi tlemin rawn tih chak dan hi a awm in ka ring a. Office-ah an chho zar zar a, a chhuk lam hi chu chhuk deuh puat tawh mai se hi ka duh thin a, a hotu lian in an pass tawh chinah hi chuan. A chhuk lamah te pawh hian ala kal muang mah mah hian ka hria a. Chuvangin Finance - ah khan tute emaw engemaw an committee avanga file tang ang chi kha chu awm tawh lo se ka duh khawp mai a. Kha kha Finance bikah chuan ka'n sawi leh ni sela.

Pu Speaker, demand no. 4-na Law & Judicial ah khan Champhai District Court tur nimirah kan House Leader te pawhin min hrilhfhah a, reilote ah lungphum kan phum dawn tih te kha an sawi a, ka lawm khawp a. Chutih rualin tun hunah hian Zote khaw chungah lawmthu ka sawi duh bawk a ni. Zote ten compensation pakhatmah awm lo in an ram thalai tak zau tha tak mai, kan han zawh chhin pawhin 'in duh tawk a ni em?' ka'n ti a, "E, a tha khawp mai" tia Department - in min chhan theih tur khawpa ram zau compensation cheng khat pawh tel loa min pek avang khian Zote khawtlang chungah khian sorkar pawhin lawmthu a sawi a tha ka ti a. Tin, a bialtu ka nihna ang pawhin a lawmawm ka ti a, kha kha ka'n sawilang duh ni sela.

Tin, kan Law Minister chungah ka'n lawm leh na em em chu Session case a tak taka kan kalpui theih hma in, a temporary in min kalpui thei dawn niin ka hria a. Chumi atan chuan IIDC, Champhai Zote ami industry hnuai ami khi hotuten min phalsak a. Chutiang chuan ruahmanna High Court Judge te nen kan han nei thei ta te hi a lawmawm ka ti a. Ka'n sawi tel hram duh chu eng development pawh ni sela, Champhai - ah Zote leh Hmunhmeltha - ah khian a thlawnin ram tam tak kan nei a, chu chu hmun dangah ram in neih loh na ami kha development kan bial chhungah rawn sawn zung zung turin ka sawm che u a ni. VC te nen kan sawiho vek tawh a, kan inthurual a, development nghahna tur hi Mizoram - ah hian ram khilalah khian kan ngah a ni tih kha min lo hriat tel sak ka'n duh bawk a ni.

Tin, Pu Speaker, demand no.-30-na DM & R chungchangah khan a lawmawm ka ti khawp mai a. Hmanni ah khan chanchinbu ah khan Mizorama silpauline kum 5 chhung ami kha an rawn tarlang chuai mai a, han en thuak kha chuan, 'e he! heti em em, heti em em te chu kan mamawh em ni,' han tih tur awm khawp khan a lang a. Mahse kum 5 chhung ami daih kha a ni kha kha, kum 5 chhunga kan mamawh a ni a, kha kha a lei ko zawnga han ngaihtuah thuak kha chuan, dik thuaka a lan lai khan a tam lutuk miah lo a ni tih kha ka'n sawi duh a.

Tun hma kum 10 hmalamah pheii te kha chuan Champhai - ah silpauline 300 a rawn chhoh kha chuan in 150 hi chu Block President inah an dah tawp nghal mai a ni. Khatiang kha kan hun hmasa lam te a lo ni a, tunah hian kan silpauline sem dan te hi tha ka ti a. Amaherawhchu chutih rualin District Headquarter - a kan pek tam tak hi chu kan MLA te kuta pek tam hi a tha em aw ka ti a. A chhan chu a khawpui hnaih lo lam hian an chang lo fo mai a, chuvang chuan MLA te kuta pek tam hi a that chang hi a awm dawn in ka hria. Khalai te kha min lo chhinchhiah sak sela ka'n duh a. Tin, chutih rualin chhiat tawh chungchangah min duhsak thin a, rang deuh deuh in silpauline min pe thin a (Speaker : I hun i hmang zo.) Ka zo tep Pu Speaker, ka lawm e, ka zo tep e. DM & R atanga tanpuina lokal hi a muang deuh lek lek hian ka'n hre thin a, chu chu ka'n sawi nise.

Demand no. 34-na Pu Speaker, a tawp tak takna atan. Champhai ah ran talhna hmun tha tak mai kan Minister in min rawn sak sak a, khi khi engtikahnge kan hawn ang tih kha min rawn react sak sela. Tin, chutih rualin NLUP kan hlawhtling a, khawchhak tlangdungah ran kan ngah khawp mai a, Pathian zarah ran vulhtute an lawm a. Chutih rualin NEDP sum atangin em ni ka hre lova, ran kan khuahkhirh na tur barbed-wire min rawn pek theih na tur min rawn ngaihtuah sak sela a tha ang. Min ngaihtuah sak loh chuan Pu Mathana Department Horti lam te, Agri. te hian an tuar an tuar mai dawn a. Chuvangin ama mi leh sa te kha chu min rawn hung sak hram sela kan ti a ni.

Tin, Champhai - ah khian CHAMUL kan nei a, CHAMUL pawh khi min rawn enfiah sak se. 2015 atang khan a kal hleithei tawh lo a, hnathawktute

an hah si a, theihtawp an chhuah a, engmah an hmu let hleithei si lo khi kan mangang a, khilai te khi min rawn hriat rualin VFA hi kan tum angin kan han nei thei lo te pawh hi pawl kan ti a. Kan dam ang a, Pathian zarah tluang taka kan kal chhoh lai karah kan Demand te hi kan kalpui chho turah ka'n ngai a. Kan Minister pahnih ten an demand an rawn sawi hi lawm takin ka rawn support a ni. Ka lawm e.

SPEAKER : Awle, Pu Lalrinliana Sailo kha a phar a, kan ko dawn a, kan koh hma in hei opposition te min rawn zawm leh tawh a. Kan Parliamentary Affairs Minister nen lo tel ve leh hram turin kan sawm vang a ni a, kan sawmna an ngai pawimawh a, an hnenah lawmthu ka sawi a. Sawi tawh thin angin chawhmeh hi enganga tui pawh ni se hmarcha leh chi a tel loh chuan a tui tak tak thei lo. Chuvang chuan an mahni tel lo hi chuan House hi a tui tak tak thei lova. Chumi bakah an thawh hlawk ve em em a, Mizoram mipui te tan hian. An thusawi te, an rawn rawtna te hi mipui tan a hlawk em a, chuvangin lo tel ve hram tur in leh Demand hrang hrang pass ah hian tel ve tura kan sawm na an ngai pawimawh a ni. Chu chu ka'n sawi duh lawk a ni e. An mahni an lo tel leh avang hian lawmthu kan sawi a ni.

Tunah Pu Lalrinliana Sailo i lo sawm ang.

Pu LALRINLIANA SAILO : Pu Speaker, ka lawm e. Hmarcha leh chi , helam kha chi kan nih hmel a.

Demand sawiho in kan hotuten an sawi nual tawh a. Law & Judicial ah hian kal lawk ila. Tunah hi chuan Mizoram pumpui chhutin mipui te hi an hlim in ka hria a, court leh harasatna dang kawng ah te hian. Hetia a hrang a Judicial leh Executive te a hranga an han awm ta hi a hmuhnawm khawpin ka hria a. Kan Law Minister hi law lam thiam a lo nihna ah a kaihruai tha hle in ka hria a, thil hrang hranga ka han chhut hian hma kan sawn in ka hria a, a lawmawm khawp mai. Chutih rual chuan hei Fast Tract court te kan ti chho a, heng te hi sum leh pai a nihna angin a fel em? A hmu tur ten an hmu em aw tih te hi rilru ah a awm ve mai mai a. A tlangpuiin Law & Judicial Department hian tunah hi chuan ram an enkawl dan ah, ro an rel danah fak an hlawh hle in ka hria a, kan Minister pawh ka congratulate a ni.

Finance - ah hian kan bul thum ber chu finance a ni tih kan hria a, kan Finance Minister hian a uluk hle mai a, thil a ti mai mai lo a. Tin, kan hria a kan sawi tam tawh a, kum hma lamah fiscal measure an siam a, a lo sawt hle a ni tih a lanna chu tuna budget kan han pharh tak te leh kan han sawi laih laih atang khan a hriat a ni.

Thingtlang ah hian (thingtlang bial kan ni a) a hriat khawpin ka hria a. Chuti taka han manganna leh sum leh pai vang ngawih ngawih ang te kha a awm lo a, management kan thiam hle in ka hria a. Kan CM kaihhruaina hnuai ah Finance Minister hian uluk tak maia Financial a enkawl hi a thlamuan thlak hle in ka hria a. Tuna a budget speech - a, a rawn tarlan hrang hrang te han en hian, thingtlang lam kaw k te thil hrang hrang an sawi tawh a, an sawi tam tawh a. Kut hnatawktute leh rethei zual te kaw k deuh tlat maia budget an han siam hi a thlamuan thlak hle in ka hria. A tha a ni tih a rin theihna chu Opposition Leader zahawm tak pakhatin a rawn helh chat mai a, kan lo lawm ruk veng veng lai kha a rawn man chat mai a, Finance Minister kha vote zawna oriented a tih sak a. A ni reng lah tak a, thil tha tih in a ni vote kan zawn dawn ni. Kan policy siam dan te, kan management reng reng ah hian thil tha tih te kan vote zawna tur a ni a, churang chuan a tha khat a nih a rinawm a ni.

Chutih rualin Pu Speaker, duhthawh na lai kan nei ve deuh a. Kha question - ah te kan hmu a, Health Care Scheme - ah Asian Development Bank atanga pawisa kan lak hi vaibelchhe 155 leh singruk sangsarih za kha ala awm ni a chhut niin ka hria, bank - a kan dah a hi, kan Minister zahawm tak hun a ni lo mai thei a, kan Finance Minister hun a ni lo mai thei baw k a. Englekawle, bank - a kan invest kan chhut khan Apex Bank - ah khan (za ah cheng 9.05%) kan dah theih laiin, bank dangah khan cheng 8 leh tih khan kan dah hlawm a ni a. Khalai kha kha ai khan chhut leh zual deuh hlek a tha em aw ka ti deuh a. Kan Finance Minister in an credential kha a sawi a, bank hrang hrang credential kha en chu a tha meuh mai a. Amaherawhchu, Apex Bank te ang hi chu kan Zoram ta liau liau a ni a, khata kan dah khan, kan chhut khan a him baw k ang a, an credential a tha baw k a. Cheng vaibelchhe nga leh nuai khat chuang kha kan save dawn in kan hmu a. Kha kha engemaw ti a bank a kan han dah a mature hun ah chuan, kha mi ang khan kal deuh ta rawt mai ila a tha lawm ni ka'n ti deuh a ni. Tin, bank hi an campaign chak ve a, kha laiah khan thahnem ka'n ngai deuh hlek a. Apex Bank - ah pawh khan an credential a that avangin dah ta ila, engmah hlauhthawn na tur leh phut

dep dep na tur kha awm in ka hre lo a. Chuvangin helaiah hian thahnem kan ngai deuh a ni. Apex Bank - ah khan dah se interest rate tha in.

Chutih rualin Pu Speaker, kan Finance Minister amah ngau ngau a ni lo maithei a, kan CM pawh a ni maithei a, hemi lekhathiam hna neilo te tana PMGP kan tih, lekhathiam hna neilo ten loan an lak theihna chi hi bank hian an pe tha duh lo a, harsatna an tawk a, chhuanlam tur an siam dawn chuan an siam thei khawp ang. Amaherawhchu, khawngaihna leh duhsakna thinlung nen an kal loh chuan bank rules leh an dan hrang hrang hi kan Mizoram ah chuan tribal kan nihna angin kan pha lo fo in ka ring a. Hei hi kan Finance Minister chak tak hian titi puina te nei in, leh kan CM zahawm tak pawh a tih sa leh a ngaihtuah sa pawh ni se han ti leh deuh se a duhawm hle in ka hria a. Kan zirlai ten an rawn zirchhuak a, lehkha an thiam a, sorkar hna a awm mai si lova, mahni in tunnun leh tum te tan khan loan in hawng hi kan han thlang ve a, tikhan industry trade an han thlang a, mahse bank lam an tawp leh fur mai si a, hei hi problem lian tak niin ka hria a, chu chu ka'n sawi a ni.

Pu Speaker, demand no. 30-na Disaster Mangement & Rehabilitation - ah hian kan Minister hi a chak hle mai a, a thlamuan thlakin ka hria a. TV - ah kan en thin a, chhiat tawhna emergency thil ah a thleng zat zat mai a, ka fak a ni. (Speaker : I hun i hmang zo) ...

Pu LALRINLINA SAILO : Pu Speaker, ka ding khat a ka'n dil teh ang che. Tin, ka fak em em nachhan pakhat chu sum leh pai renchem na ah te tunah hian silpouline `1440 vela lei thin kha `730/740 vel in an lei zar zar dawn ta a. A quality a inang tho in kan hria a, Consultative Committee - in kan han pawt kual chhin a ni a. Khatiang khan silpouline pakhat ah hian `700 chuang an hlep zar zar dawn a ni. Tin, an thawhhona hi a tha niin ka hria a, a ropui ka ti tak meuh meuh a, Pu Speaker, ka fak duh a ni.

Pakhat chauh kan ti leh ang a, AH & Vety demand no. 34- na ah hian kan Minister hi ka fak a ni. Doctorate degree nei a ni lova, MA a ni lo, amaherawhchu a quality ka ti tak meuh meuh a. Amah atanga hre miahlo in Sunday School- a kan hunawl a kan thawhpui te atanga ka hriat, ka lawm em em a awm a, he House - ah hian sawi sak ka duh a. An cadre review a tih sak a ni, Pu Speaker, kan Minister hian. Hetah hian amah chauh lo pawh Cabinet leh Chief Minister hnenah hian lawmthu ka sawipui tak meuh

meuh a ni. Tunah chuan Jt. Director pahnih an lo nei thei a; tin, Director kha an upgrade bawk a. A ni lah tak a, kan Veterinary doctor te hi allopathy leh hemopathy doctor te nen hian an in fiamthu thin a, ‘nangni aiin kan thiam zawk,’ an in ti thin a. ‘Allopathy mihring enkawltu te chuan an natna an sawi a, keini chu an natna an sawi ve thei lova, kan enkawl dam a ni,’ an ti thin a. Chutiang chuan technical mi an ni a, an phu em em a ni. Chuvangin an service hetiang cadre review an tihsak hi he sorkar hian a hnathawk te hi a ngaihtuah a ni tih a chiang em em a. AH&Vety Minister hi ka fak ngawih ngawih a ni.

Tin, pay laklawh deuh mai grade pay 6100 te pawh 6600 - ah an tichho a. Tin, chumai ni lovin ti leh se ka duh em em an tih tak loh sum leh pai in a daih tak loh avanga an tih tak loh ti se tih em em ka nei a, Pu Speaker, chu chauh chu ka’n din pui ang e. Mobile Veterinary dispensary hi Mobile clinic tih an tuma, an ti leh lova, engemaw tiin a hming an thlak dawn niin ka hria a. Mobile clinic ang chi, mobile Veterinary dispensary hi block level tina an tih tum hi ti hram se, chumi atan chuan sum leh pai pawh hi kan Finance hian va hawh pheih leh se ka’n ti deuh a ni. Hei hi a tangkai dawn a, mipui tan a tangkai dawn em mai a, vawk thianghlim, sa thianghlim, bawng thianghlim, ran thianghlim leh hrisel tha kan neihna tura Vety ten a hma an lakna leh kan Minister hmalakna hi a tha ka ti a, ka’n thlawp a ni. Kan Minister zahawm tak tak te demand hi ka rawn thlawp e.

SPEAKER : Awle , Pu Er Rinawma i lo sawm ang.

ER LALRINAWMA : Pu Speaker, ka lawm e. Vawiiinah demand 4- na, 8- na, 9 -na te leh 14- na te, tin, 18,30,34 te kan sawi dawn a ni a. A vai vai chuan kan sawi thei lovang a, kan sawi loh te kha kan ngaihpawimawh loh lam ni lovin, mahni vei zawng te leh tha tih zawng te sawina hun remchang niin ka hria a. A hmasa bera ka’n sawi duh chu Finance chungchang hi a ni a. Ni e, kan budget pharh te kan lawm tlang anih ka ringa, fakna ri te kan ti ri nasa a, tun tumah erawh chuan duhthawhna lampang hi a engamah hmian han keuh nghal deuh chawt chawt mai ila ka ti a.

Sorkar hian inrenchem na lamah hma kan han la e, kan han ti a, Finance Department lam te pawhin Office Memorandum te pawh an han chhuah a. July ni 8, 2014 khan Office Memorandum - expenditure management, economy measures and rationalisation of expenditure tih te kha an chhuah a, a lawmawm ka ti a. A hnukung ber

phek 2.10 section ah khan 'ceiling on diesel and petrol' tih kha department lam ten kan hman dan tur chianguang deuh maiin a rawn tarlang a, hei hi a tha khawpin ka hria a.

Amaherawhchu demand for grants hi kan en a, object head of accounts tih ah hian POL Head tih hi a awm theuh mai si a. Department tlemte in POL Head – a pawisa an dah a, Finance ngei pawh hian kan dah lova. Hei hi engeni a chhan aw, tiin ka ngaihtuah a, POL hi kan hmang ngailo nge ni, eng angin nge helai hi kan in control dan le tih hi hriatchian a tha awm mang e tih ka rilru ah a awm a ni. Heng kan demand for grants ah Demands 49 zingah hian 7 chauh hian POL Head ah sum an dah a ni. A dang zawng hi chuan POL head hi kan ti awl vek a. Other charges- ah kan dah teuh mai a. Helai hi chu enge a chhan leh vang hun lo kal turah en chian a tha in ka hria a.

Tin, mak ve leh deuha ka hriat chu a pumpui thu ah chuan Home Department lam hian Secret Service Expenditure an nei a, a awm viau mai a. Tin, Excise & Narcotics Department lam te pawhin an nei a, a awm leh viau bawk a. Amaherawhchu engtingge MPSC lamp te pawh hian an neih ve aw ka ti a. Thil mak ve tak a nia, MPSC in a Secret Service expenditure atan `20 lakhs lai 2012-18 BE ah an dah ve a. Heng thil te pawh hi keini a zirchiang ve thiam vaklo te kha chuan hriat thiam har kan ti tih kha ka sawi duh a. Engpawhnise, hun lo kal leh zel turah chuan heng other charges kan dah vak vak mai te leh POL head awm reng bawk si a, kan dah awl duai mai lai te hi enchian a tha hle a ni tih kha ka'n sawi ve duh a ni.

Tin, a dawt leha ka sawi duh chu kan sawi rik fo thin tunlai kan hna han kal pui dana hi sawi deuh ngai awmin ka hria a, nidang ah pawh kan sawi fo tawh a. Works department ni lo ten hna kan thawk vak vak mai a, contract lam hi kan tui pui viau niin ka hria a. Han bih chian deuh pheichuan department hian mahni hna a lo kal hi enkawl vek kan tum emaw ni aw a tih theih a.

Helai hi kan ngaihtuah chian a ngai a. Consultancy firm te kan ruai a, a tha e. Lehkathiam ten hna an lo hmuhna a nih kha chuan duhthusam a ni. Amaherawhchu khalai karah khan heng works department ni lo te hian hetiang Finance Department in consultancy firm te rawih phalna an pekah hian ka rilrua lo lang ta chu works department ni lo ten hna an thawh hian Government of Mizoram (Allocation of business) Rules 2014 hi a kalh em tih hi ka ngaihtuah a ni. Chanchinbu - ah khan kan lo hmu in ka ring a. Khatah khan Urban Area Rent Control Act chungchanga Governor thu chhuak chu

chanchinbu ah te pawh kan hmu a ni. Allocation of Business hi dan chungchang sawina a nih thu kan hmu a. Heng hna kalpui dan ah sawiselna engmah sawtna awm silo in mahni chan chan kan ti ta mai niawm takin kan enkawl ta mup mup mai lai hi ngaihtuah tham a tlingin ka hria a. Hei hian kalh tam tak a nei niin ka hria a. Tin, chungte pawh chu lo ni se, Office Memorandum August 20, 2014 - a an chhuah ah hian check list on proposal for administrative approval and expenditure sanction of finance concurrence tih hi an chhuah a, helaia an rawn ziah section 9, sub-section 7 - na ah hianin department ten PWD countersign tel lo in; department, SE nei chin te chuan 100 lakhs chin an thawk thei ang a, EE nei chin chuan 60 lakhs chin, SDO/AE (Civil) in 30 lakhs chin, JE in 10 lakhs chin tih te kha a rawn ziah thliah thliah a ni. Heng te pawh hi kan zawm leh chuang pawh kha a ni bawk si lo a. Chuvangin engang ber hian nge kan kal tih lai kha ka'n sawi duh a ni.

Hnathawktu pawn lama kan va ruai a nih pawhin kan kalphung leh kan nihphung hi chuan awmzia nei se, Rules of Law ang a kal hi a pawimawh ber a ni tih hi ka sawi duh a. Miin an lo ti thei a nih chuan an fit a, a tha e, dan hnuaiah a awm a nih pawhin a tha e. Amaherawhchu keimahnin thawh tir kan duh avanga kan duh duh kan ti kual nia lang hi chu thil hi Pu Speaker, ngaihtuah chian hi ava ngai em tih hi ka sawi duh a ni. Tunah hian a nihna takah phei chuan consultancy firm kan rawih tam tak te hi chuan DPR an siam a, an thawk nghal bawk a ni. Heng hi chu thil mak tak a ni. Chung an DPR siam te pawh chu a tha e, a tha lo e pawh kan va ti ngawt thei lova. Amaherawhchu khang te pawh kha technical miten ennawn leha khatianga an DPR te pawh kha technically in a tha tawh em tia ennawn ve leh tho tho ngai awm tak a ni a. Tin, chumai piah lamah DPR angin hna kan thawh tir a, a tlangpui thu ah kan kalphung pangngai ang kha chuan hetiang rate awm sa hian tender kan han chhuah ve a. 5% a tlawm in emaw hna kan han kalpui a ni a. Tunah erawh chuan DPR rate ang ang khan an thawk tawp tawp mai a. Lehlam ah sorkar in sum leh pai ren a ngai kan tih lai kara DPR ang ang a kan pe pawp pawp mai lai kha thil ngaihtuah chian ngai tak leh sum leh pai inrenna kawng ah pawh thil pawimawh niin ka hria tih kha ka sawi duh a ni.

Tin, DPR siamtu consultancy firm te kha work execution ti tuah kan han hmang zui lehngal ta bawk a, hei pawh hi ngaihtuah tham tak a ni. Hei hi India ram dan ang tak phei chuan thil diklo niin a lang tlat mai a. Helaiah hian 'Participation of

consultants in tender guidelines-regarding' tih hi Govt. of India, Central Vigilance Commission hian 2004 kumah hian thu a rawn chhuah a ni. Tichuan, Office Order No.75/12/2004 tih a ni a. Pu Speaker, i phalna in ka'n chhiar ang e- ' The Commission re- iterates the recommendation made by the Committee that the consultants firm hired to provide consulting service for the preparation or implementation of a project and any of its affiliates will be disqualified from the subsequently providing goods or works or service related to the initial assignment for the same project' tiin a ziak nghe nghe a ni. Chuvangin, consultant DPR siam tur a an rawihte kha work execution ti tur khan an rawih nawn kha a thiang tawh lo reng reng tih kha chiangkuang takin Anjana Dube a ni. Deputy Secretary hian lehkha a lo thawn darh tawh a. All Chief Vigilance Officer hnenah pek darh vek a ni he lehkha hi. Chutih lai karah chuan keini chuan duh duh danin kan practice a hei hi thil fel niin a lang lo a ni.

DPR siam tur hi kal hrang mai sela, kan lo telh ve duh a nih pawhin khang consultant-te pawh khan ti mai sela. Amaherawchu, thil zawng zawng kan pum hmawm tir laiah hi chuan kan ti lutuk lo maw tih ka ngaihtuah a. Tin, lehlamah tualchhungah contractor tam tak te kan nei ve a a lehlamah kan PWD-te leh midangte pawhin contractor registered tam tak an nei ve tho a. Khang zawng zawng kha kan kal kan dawn a nih chuan, zep thu pawh a awm lova, ruling worker tam tak vuina pawh hi a ni ve a ni, ka'n sawi sak law law ang e. Heng an vui vaina pawh hi kan hriatsak a tha ve a ni. PWD hnuaia contractor te pawh an fit ve a, an mahni pawhin hnathawk tlakah pawh an inngai ve a. Amaherawchu, vawiin ah chuan anmahni hi zuankahlen an ni ta mai emaw tih turin kei ve a kar hnenah pawh hian vui thu an sawi ve nak nak a ni tih ka'n sawi duh a. Engpawhnise, consultancy firm kan ti a, a tha. Amaherawchu kan dan leh kan kal kawng hi chuan a nih phung hi zawh rawh se tih ka sawi duh a ni.

Tin, work department ni lo ten hna kan thawh theih dan tur bithliahna pawh helaia Delegation of financial power to officiating under the government of Mizoram chu Finance Deptt. ngeiin kum 2016 khan a lo chhuah tawh a, engahmah hian kan ngailo nge ni? Gazette-ah hian 1.9.2011 - ah khan kan chhuah a, mahse work department pawh ni lo hnenah he notification pelin hna kan pe pawp pawp mai hi nakinah kan Finance Minister zahawm tak pawhin min rawn hrilhfiah sak thei se a lawmawm khawp ang. Tin, heng work department ni lo te hian hnathawh dawnin Accounting System fel tak an neih a

ngai a, khangte pawh kha a awm kan hre bawh si lova, engtingge bill te pawh hi an siam tih te pawh kha ngaihtuah tham a tling leh zel a ni tih pawh ka'n sawi duh a. A lo felfai a nih chuan a tha a. Amaherawhchu, zawhna a awm a ni tih kha vawiin ah hian ka sawi duh a ni.

Tin, a dawt leh ah chuan kan Minister zahawm tak Pu Ngunlianchunga demand hi sawi ka duh a. Ani hnenah hian keini thingtlang bialtu tan pheii chuan silpauline te hi kan mamawh ngun khawp a, kan va lut a, kan va ti ve deuh rawk rawk a, hlawhchhamin min haw tir ngai bik lova. A hminga MLA ve ta chu hum haw neiin kan haw ve zel a. Tin, mipuite lakah pawh hmai mawh lutuk tur min lo veng ve thin a, kan lawm hle a ni tih kha ka sawi duh a.

Range pawh kan ti a, kan vanduai thei deuh nge ni, chhiat tawh neuh neuh, leimin tih te, kangmei leh engemaw kan tawh kan tawh mai . (Speaker : I hun i hmang zo a nia). Pu Speaker, tlemte a ni tawh ang. Khatiang khan kan han thlen thin a, amah in ngaihtuahna te min lo siamsakin ruahmannate min lo siamsak a, kan lawm em em a ni tih ka sawi duh a.

A tawpa ka duhlai, mahni bial sawi loh theih a ni lova. Lungpho - ah khian rante an vulh a, a hmaa VFA kha Supervisor - ah a kaisang a, enkawltu mumal kan nei tawh lova. Min lo hriatsak leh hram hram se ka duh a. Amah mimal tak pawh vawiin ah hian he House zahawm tak kaltlang hian naktuk an kalna tur atangin dam leh lawm taka a lo haw ka duhsak thu ka'n sawi nghal a ni e. Pu Speaker, ka lawm e.

SPEAKER : Pu Sangthuama.

Pu K. SANGTHUAMA : Pu Speaker, ka lawm e. Vawiin chawhnu lamah hian Minister pahnih demand kan sawiho dawn a ni a. A hmasain Demand No. 18, 30,34 tawi te te in han sawi ta ila.

Printing & Stationery Deptt. – hei hi a that rual rual hian a hlawhtling lo hle mai a. Chuvang chuan department awm mai mai a ang a. Hei hi sawi a zing tawh a, kan session apiang hian sawi a ni a. Hmasawn theihna an nei tawh em tih te pawh nakinah Minister-in a ka rawn sawi ang a. Pawisa ei hektu mai a ni em, nge ni kan session inkarah hian hmasawnnate an nei tawh em tih kha nakinah a la rawn sawi turah ngai ila. Amaherawhchu, duh thu a sam thin lova chu chu nakinah kan la ngaihtla turah ngai tai la.

Tin, Disaster Management & Rehabilitation Department hi ni e, kan minister hi a fakawm khawp mai a. Helaiiah hian engkim mai ah hian ngaihtuahna a hmang chhova a lawmawm hle in ka hria a. In kang pawh a lo tam a tin, leimin te a lo tam a, han vah deuh ruai ruai te a ngai a. Ka hma mi in a sawi ang khan in a kan chang te hian range kan han dil a awlsam takin min lo pe zel mai a, a lawmawm khawp mai a. MLA nih ang chuan a chung kan khuhsak ringawt mai thei silova chutihlai chuan rangva neih ang ang te min pe thin a. Tun chawlhni pawh khan ka bialah in a kang a, tlai thim dawnah ka zuk kal a, tah chuan a chung tur kan han dil a, awlsam takin min lo pe mai a. Chuvang chuan, a hnenah pawh hian he House chhungah hian lawmthu sawi ka duh a, lawmthu ka sawi a ni.

Tin, silpauline chungchang kha nichinah lawmthu an rawn sawi tawh a. Silpauline hi ka duhthusam ai chuan kei chuan a chhe deuh hlek ka ti a. Hei hi ngun taka ngaihtuah deuh chu a tha, sum tam tak kan seng ve a, tlem a ngaihtuah ngun chu a ngaiin ka hria a. Thil hi han fak satliah ringawt nilovin polytarpauline emaw ni kan supply tam ber hi, hei hi chu duhthu a sam lo deuh a ni. Engpawhnisela, kan minister hian lo enchiang chho zel se la, tha deuh hlek a tih theih chuan, a to hret pawhin a that chuan a daih rei a, a tlawm ringawt avanga a daih rei chuan si loh chuan a hlawk loh dank ha thuhmun reng a ni a. Chuvangin, tha hret si, a man to hret pawh khan ngaihtuahna nei se la a hlawk zawkin rinna ka nei a. Hetah pawh hian lawmthu sawi tur tam tak kan nei a, lawmthu ka'n sawi nghal ni se la.

Tin, Vety-ah hian hna tha takin an thawh rual hian bawngsate, vawksa te, arsa te hi duh angin kan la intodelh lo fo mai a. Hetah hian tan la viau se a tha in ka hria a, bawngsa phe chu mi tam tak hian vawksa aimahin an duh tawh a, a to hle a, kg ah `400/- lai a lo ni tawh a. Kan ram atang hian thar chhuah kan nei mang lo tlat hi, heng sa ah hian tan han la leh sauh sauh se tih hi vawiinah hian ka'n sawi duh bawk a ni. Kha kha ni mai se la Demand pathumah kha chuan.

Finance Minister chanpual hi Demand No. 4,6,9 leh 14-na a ni a. Law & Judicial Deptt. ah hi chuan public awareness hi nei tam ila. Nimin lamah thil tam tak kan ngaihtuah a, kan ngaithla a, chutah chuan kan claim theih tur te, vanduaina kan lo tawh a kan va sawi a, kan va claim tur tam tak a awm a. Hei hi mipuiin kan hrechiang tawk lova

chuvangin hei hi kan minister hian lo hria se la. Tun aia uar zawk hian public awareness hi TV-ah te, radio-ah te, chanchinbuahte a tam thei ang hian rawn ti leh se tichuan kan tangkaipui ngawtin ka ring a, hei chi ka'n chah duh veleh nghal a ni.

Tin, Taxation Department hi chu thui tak sawi lo ila. Tax awl ruk hi thil awm thei tak a ni a. Kan minister hi a viak tha bawk a, a ngaihtuah peih bawk a. Chuvangin, tax awl ruk te a awm em, a awm lo em, kan tax hmuh tur ai tlem kan hmu em, tih ang ah hian ngaihtuahna lo seng leh se tih vawiinah hian ka'n sawi leh duh bawk a ni.

Ka sawi tam duh ber chu, 9-na, Finance Deptt. chungchang hi a ni a. Kum kalta ah te, a hmasa lamah te economical measure nasa takin an la a, kan Finance Minister hi thil a ngaihtuah peih a, chik takin a ngaihtuah thin a. Thurawn pawh a la peihin ka hria, thurawn han zawm mai pawh hi a hnial lovin ka hria a. Tha zawk tura mi in an ngaih an rawn chuan chu lama kal mai pawh chu a hnial thin lova. Tin, a lo tha lo te chu a awm anga, a tha zawk tam tak te pawh a lo awm anga. Chuvangin, tuna a ngaihndan leh a rilru hi pu tlat se tha in ka hria a. Chuvangin, helaiah hianin ngaihtuahna hmang chho zel se ka duh a.

Tin, pakhat lehah chuan, chutih rual rual chuan, kan pawisa han collect leh pawisa kan hmuhna hi, hmanah pawh helaiah hian ka sawi tawh a, Pu Speaker, sawrkar hnathawkte hi mi 50,000 vel zet an ni a. Mizoramah hian mi nuai 12 vel kan awm a, nuai 11 leh a chanve hian sorkar atanga hlawh la lo kan ni a. Chuvangin, mi 50,000 velin Mizoram pawisa, sum hi thlatin hlawh an la a, chuta tang chuan, kan budget-ah khan 100 a 35 leh point engzat chiah nge ka hre ta lo, chutiang vel chu sawrkar hnathawk hlawh ah hian kan hmang ni awm tak a ni a. Heng hian tax an chawi lova, chhiah eng eng emaw pawh an chawi lova. Kan chhiah chawi chu thingtlang rethei zawkte nen a inang tlang vek mai a, 2500 hi professional tax an chawi chauh a ni a. Chuvang chuan, heta tang hian, hmanah pawh ka rawt tawh a, enge maw tiin kan sawrkar hnathawkte, Mizoram budget atanga hlawh la te, 100 a 35 chuang la hnen atang hian lak ve dan hi ngaihtuah ta ila.

Khu Tamil Nadu-ah khuan sorkar hnathawk atang hian medical reimbursement tur hi pawisa an cut sak a, a zat chiah ka hre ta lova. Hman deuha ka chhiar khan thlatin `175, `178 tih te, khatiing khan a inang lo thluah a. Khata tang khan

kum khatah chuan sawrkar hnathawk a nuai a nuai tam tel an awm a, chu chuan maktaduai vaibelchhe tam tak an lo thawh ve ta a, an ni tan khan harsa tham a awm lova. Hetiang ang zawngte pawh hi kan Finance lam hian ngaihtuahna rawn nei ta se. Kan sawrkar hnathawkte pawh hian chumi kawngah chuan an hnial bur lo mai thei a ni. Chuvangin, an hnen atang pawh hian pawisa engemaw zat, MR Bill atanga an thawh ve theih dante hi ngaihtuah chhohna kawng lo dap leh ta sela. Tichuan, sumah hian engemaw chen, MR ah hian a khuh thei in ka ring a. Chu chu vawiinah hian sawi ka duh tlat a.

Tin, chu mai ni lovin, anmahni hnen atanga pawisa lak ve dan hi ngaihtuah ta ila. Central lamah chuan Income Tax 100 ah 30-te, 25-te, 20-te, Pu Speaker, sorkar hnathawkah an la thin a. Chuvangin, an hlawh hi pung mah se 7th Pay pekte chu an tan a awl em em mai a ni, 6th Pay te pawh kha awlsam takin an pe mai, 7th Pay pawh awlsam takin an pe leh mai. Chuvangin, chutiang a nih chuan an hnen atang khan 30%, 25%, 10%, 15% an la leh a, an hnenah tam deuh a lut mai a ni. Keini chu hlawh hi han san pawh ni ila, a dik chiah chuan, a vai khan an la ta vek a, sawrkar in chan let pakhatmah a neih loh avang hian hlawh pun te pawh hi a harsa thin a ni a. Chuvangin, heng pawh hi sorkar hnathawkte nena sawiho a, inhrethiam tlang a, kan ram harsatna hrethiam tlang a sorkar hian ngaihtuahna a hman phawt chuan, sorkar hnathawk hi hetiang kawngah hian an khawng tlat a rin lohna ka nei a.. Chuvangin, thurawn helaiah hian pek ve ka duh bawka ni.

Tin, nimin piah lamah te pawh an sawi tawh a, kan budget hi a budget hrim hrim chu a tha khawp mai a, pawisa pawh a tam a, kuminah hian 8803.1 a ni a, a tam em em a, a lawmawm a. Chutih rual rual chuan, an sawi tawh ang khan, hemi kan pawisa neih chhun vaibelchhe 8803.1 hi a hman dan a dik phawt chuan kan ram tan hian hman that theih tak a ni a. Thil tam tak a thawk thei a, development pawh tam tak a thawk theiin a rinawm a. Chuvang chuan, kan Finance Minister atang hian kan House Leader-tenen, kan zavai hian tha zawka he kan pawisa neih ang ang hi kan hman theihna turin (SPEAKER : I hun i hmang zo.) strick deuh takin tun kum kal mek turah hian ngaihtuahna siam tlang ta ila, Pu Speaker, tawi te, minute khat emaw chauh, a that ka ring a. Pa hian pawisa ngah viau ta ila, Pu Speaker, a dik chiah chuan, hman sen loh nei mah ila, kan fate hnenah kan zu pek a, a hmanna dik lo a an hman a, an tih an tih chuan,

kan pawisa neih khan a daih tak tak lo, thil tha a thlen thin lo ang chiah hian a ni a. Sorkar pawhin sum kan han ngah a, hmanna tur dik tak tihian kan han zam a, Finance Minister-in dik takin a hmanna tur chu chuti zat chu a ni e, hetiang hi a ni a, tih a rawn chhawp chhuah hian, hemi a chhawp chhuah hi keini MLA-te, kan zavaiin sorkar hnathawkten ngaihtuahna ngun tak kan neih lohva, kan tih leh mai mai chuan, kan ram pawh a than loh phahna a ni a.

A dik tak chuan, kan rama sum lo lut hi tha takin hmang thei ila chuan chuti em em a kan ram hi rethei tur ni in a lang lova. Chuvangin, kumin atanga kan budget a lo danglam takah hian kan kal dan hi ram pumpui in, sawrkar hnathawk nen, a mipui nen hian ngaihtuahna thar, rilru thar hmang ila chuan kumin a kan budget hi chhuanawm tak a ni, a tam em em a ni. Nakumah pheih chuan tun ai tam hi a lo kal leh anga. Amaherawhchu, kan hmandan in a zir nge zir lo, Financial Year leh atang khan, kan sum tam tak, budget a an rawn siam hi a tangkai em, a tangkai lo em tih chu chiang takin a lang mai dawn a, kum khat hnuah hian. Chuvangin, vawiina heti laia kan Finance Minister ka'n ngen deuh ber chu, theihtawp chhuah a helaiiah hian tan la turin ka'n duh a. Pu Speaker, tawite, pakhat leh chiah.

Kan ngaimawh theuh, Health care chungchang kha, nichinah ka hma mi pawh khan a rawn sawi tawh a. Apex Bank hi a rintlak em em a, in dahna hi, a rintlak em em a ni, loan pawh Mizoramah hian an pe tam em em. Tin, MUCO Bank pawh hian loan an pe tam em em. Hetianga kan Bank rin em em ho ai hian a percent a chhut in an pe tam daih zawk. Hei Biakin sakna atan te an pe a, tin, thil dang dangah an pe a, loan an pe tam em em a ni, Apex Bank leh MUCO Bank – te hian: Hei hi Mizoram atanga kan Bank neih chhun ve tak tak a ni a, chuvangin, sawrkar hian hre deuh sela, an tih theih tawh dah teuh sela, tihna pawh a ni chuang lo. Anmahni capacity, an tih theih ang tawh hi chu, khawngaihin, lo duhsak teh u. Mipui pawhin kan chhawr a ni, kan chhawr khawp mai, kohhran pawhin a chhawr. A duh apiang kohhran Biakin sak na atan an pe a, an rul leh a. Chutiang ang chu Apex Bank leh MUCO Bank hi an ni a. Chuvangin, dah leh tur a awm pawhin hengah hian duhsak deuh turin vawiinah hian House a thuneitute ka'n ngen a ni e. Chu chu ka sawi theih tawh ni mai sela, Pu Speaker. Ka lawm e.

SPEAKER : Aw, Pu Lalthanliana.

Pu LALTHANLIANA : Pu Speaker, ka lawm e. Hun dangah chuan kan Budget bu-te ka keu ve thin a, a headwise hian kan hmanna turte ka'n analyse ve thin a. Tun tum chu ka rilru ka thlak deuh a, nichina ka hma hma leh ami sawi ang deuh khan, POL-te pawh hi session engtik tum nge maw ni khan ka sawi tawh a, a thenah an dah a, a thenah an dah lo a, hei hi engtizia nge maw ni ka ti a. 'khangte chu token mai a ni a, mamawh hunah kan tih belh mai alawm,' tih ang deuh khan min chhang a.

Chu bakah chuan financial year a han tawp dawn a, supplementary budget vbc 1000 chuang pass a ngai leh tho a, BE te kan ti a, revise a ngai leh tho a. Chuvangin a bu hi a chipchiar lutuk a. Major leh minor work te han ti han ti thin mah ila, hmanna tur tak tak kha keini ang chuan kan hre chiang si lo a. A chhehvel hi han sawia ka tum a ni, tun tum chu ka ko kan thlak deuh teh ang ka ti a.

Kan Finance Minister zahawm tak budget demand no. 4, 8 leh 9 te hi ka sawi hmasa duh a, ka'n sawi pawlh deuh bawk ang a, a thliar hran te pawh hi ka thiam tak tak lemlo bawk a. A hmasa berin Law & Judicial ah tan ila. Law te pawh hi a tam zawkah chuan a enforce tu chu Police te hi an ni deuh mai a, court lamp te pawh an ni tho ang a. Hmanni khan kan budget ka'n en a, police ho hamthatna tur leh tih chakna tur thil tam tak pawisa dah a ni a. Kha kha a tha ka ti a, a lawmawm ka ti a. Tin, chhiah chi hrang hrang ah tan kan la nasa a, a lawmawm khawp mai a, mipui pawh chhiah pekah kan harh thar chho zel ni pawhin a hriat a, hei hi thil lawmawm tak a ni a. Chumi a lanna pakhat chu 2015- 2016 ah khan AMC ah property tax an collect chu nuai za sawmparuk sing ruk sang sarih a ni a, tun kum financial year awm mek 2016-2017 ah hian nuaih zahnih sawm a lo kai ta daih maia, a pung khawp mai a, nuai sawmkua pathum singthum sang thumin a pung ta daih a. Heng te hi AMC lamin hman dan tur fel takin an duang a, essential public utilities ah te leh administration atan te hman an han tum a, mahni intodelh tura ngaih AMC tan chuan a tangkai dawn mang e aw ka ti a.

Tin, budget kha kan hmu a, July thla atangin GST kan la dawn a ni a, hei hian kan revenue a ti pung dawn a ni tih a hriat bawk a, a lawmawm khawp mai a. Kan budget bu ah khan 2017 – 2018 ah kan chhiah hmuh tur kha GST leh sales tax atang khan vaibelchhe zahnih sawmriat panga a nih thu kha kan hmu a, chutah chuanin hmanni pawh ka sawi tawh a, kan sawi nawn leh duh chu motor spirit leh lubricants te, petrol leh diesel tih vel atangin chhiah vaibelchhe sawmsarh pakua leh nuai sawmkua pakua a tel

a ni. Kan chhiah hmuh tur atanga petrol leh diesel leh lubricants atanga kan hmuh hi 26.31 % a ni daih mai a, oil hian an contribute nasa dawn hle mai a hei hi chhinchiah tlak niin ka hria a. Zu hian 18.07 % a contribute thung a, a difference hi 8.24% daih a ni. Chuvangchuan hei hi chhinchhiaha ngaihven tlak a niin ka hria a. Pu Speaker, hei hi ka'n sawi duh na chhan chu helampang atang hian sorkar hian hma a la a, department te pawhin hma an la a, a lawmawm khawp mai a.

Tunlai hian petrol te, diesel te hi Guwahati atangin an lift thin a, Silchar atangin a tih theih loh avangin a phurhna tur tank lorry lampangah harsatna a awm thin a. IOC - a in register tank lorry te hi an indaih tak tak lo a, state dangah te an lo pawt peng ve thin bawk si a, kan lakluh hnem poh leh petrol/diesel te hi Mizoram -ah hian chhiah an chhung hnem dawn tihna a ni a. Chuvangin helam ah hian chhiah hi kan duh chuan tan kan lak that hi a va pawimawh tih hi ka ngaihtuahna ah a awm a. Petrol - ah ngat phei hi chuan chhiah hi 20% an chhung a ni, diesel -ah hian 12% a ni a, petrol tank lorry pakhat 12 kl ringawt pawh hian nuai khat singhnih sangsarih zaruk sawmriat pathum leh pawisa sawmnhnih pakua (tank lorry pakhat litres 12000 phur hian) a chhung daih a ni. Diesel atang pawh hian singsarih leh zahnih sawmnga leh pawisa sawmli pali vel an chhung daih a ni. Chuvangin kan ramah hian a luh tam a pawimawh a ni, hun harsat lai deuh hlek te a lo awm a, nimin piah lawk, hmanni lawk khan khu lampang ah an nuar a, kan harsa deuh a, traffic a jam phah viau mai a, helam ah hian tan lak a pawimawh hle mai, chhiah min pe teuh tu an ni si a tih hi ka ngaihtuahna ah a awm a. Silchar ah rail kawng te a that a, khulam atanga material te an lift that theih chuan chuti lutuk chuan a ngailo maithei a. Tun angah chuan anni hi a number a chhiar chuan tlemte an ni; mahse Mizoram tan tam tak an contribute a ni. Hei hi sawi uar tlak niin ka hria a, ka'n sawi uar a ni.

A dawt leh a ka sawi duh chu 1st Mizoram Finance Commission - in local bodies te sum hman tur an chhiep fel a, an ti tha khawpin ka hria a, 15% municipal tan an han chhiep sak a, hei hi vaibelchhe 15 nuai 39 sing 5 sang 6, 2015-2016, 2016-2017 - ah khatiang ve ve kha an pe a, nichina ka sawi ang khan Municipal Corporation pawh mahni intodelh turin kan beisei a, hei hi tangkai takin an hmangin ka ring a, a lawmawm khawp mai a. Hemi share of state owned tax revenue, state tax revolution hi Finance

Commission hian an chhep tha ka ti a, an ti tha khawp mai a, an fakawm ka ti a, ka'n sawi duh bawk a.

Chu baka ka'n sawi leh duh chu demand no.30 - na Disaster Management & Rehabilitation hi a ni a, a changtu Minister hi (SPEAKER: I hun I hmang zo ti tih mai.) a fakawm khawp mai a. Mahni bialah han lut lawk ila, ka bial-ah AIE, Architechture Interior Engineer ho, lei min a min zel lohna tur atana danna hna thawktu sum tamtak senga thawktu te ho saw an term a tawp tawh dawn niin ka hria a. Thal laiin hna an thawk a, fur a ni dawn chauh si a, an la thawk zo chiah lo a an chhuak dawn si a, han uibet hleihtheih a ni si lo a, engtinge ni ang? Fur khat tal saw chu a demand neitu ni chiah lo mah se kan Chief Minister pawh , eng department ber emaw hi a nih loh chuan DM & R atang te in emaw, fur khat tal chu min vil saktu tur hi ka va han duh tak e aw ka ti a. A thawktute hi nichin khan ka han sawi tak na in, an thawk tha khawp mai a, sum pung ah emaw, a hlep emaw em em beisei lemlo, an beisei tho ang a, mahse an Local Council te nen te, khawtlang mi te nen an thawk ho tha a, hemite hian thil tam tak an thawh chin tur atana bithliah bak bak te pawh an thawh sak a. Mahse kawng tawite la pawh loh lai te a la awm a, sawng te pawh saw sum ngaihtuaha tlemazawng min tih sak theih ang em aw tih kha sawi titih, dil titih, ngen titih in ka'n sawi deuh a ni. A bialtu ka ni a, min chhuahsan chuan tunge kan auh tak ang tih ka ngaihtuahna ah a awm a. Ka fund te nen, eng eng emaw kan lo ti ve a, khang kawngte kha ala pawp lo deuh si a, chung chu ka'n sawi duh a. Tin, thil tam tak lehlamah sawi ka duh bawk si a, sawi tawhlo mai ang.

AH & VATy, demand no.34 - na hi kan sawi duh chu keipawh vawk ka vulh a tum khat kha 10 ka vulh a, pakua an thi a, hri avanga ran 9/10 (sawma pakua) Pathian hnena pek ni lo han thi ngawt chu a uihawm duh khawp mai. Pathian hnena pek ni se chu rilru a nuam veng veng in ka ring a. Mahse chutiang deuh chuan hri te hi a leng thut thut a. Khatla - ah sawn Epidemiological Centre an tih hi ka rin dan in helam danna hnathawhna tur laboratory te a ni ang chu, an nei hi a lawmawm ka ti khawp mai. Ran hri avangin Zoram kan buai a nih hi maw! Hei hi kan Minister tan pawh achievement ropui tak a niin ka hria a, ka lawmpui khawp mai.

Tin, Ramrikawna ran chaw siamna khu ka ngaihtuah thin a, ran chaw hi tunah hian metric ton 60 vel hi kan nitin mamawh a nih ka ring a. Metric ton 60 te chu a tam em! quintal 600 vel tihna a ni a, a kg phei chuan chu aia tam chu a ni a. Ran chaw

her chhuahna khaw l tha deuh mai an bun mek khu a lawmawm ka ti a. Sum renchem te kan sawi a, intodelh te kan sawi a. Kan sum tam tak khulama liam thla zut zut tur dan na chikhat niin ka hria a. Ar tuina te, ar chi hrang hrangte an han siam thar mai bakah a chaw turte siam turin hma an la hi a lawmawm ka ti a. Eng ang pawhin la se a capacity hi 8 metric ton vel tur a ni a. Nilengin darkar riat thawk ta se, chu pawh chu a theih dawn loh tih kha a chiang a, chungte ngaihtuah chuan heti zawnga tan an la hi a lawmawm ka ti khawp mai. Hei achievement tha tak tur a ni. Mahni rilrua lian lian ka'n sawi ve a ni, ka inthlahrung hle mai. Pu Speaker, ka lawm e.

SPEAKER : Pu K. Beichhua.

Dr. K. BEICHHUA : Pu Speaker, ka lawm e. Kan sawi nghal zung zung mai ang a hun a tlem si a. Demand No. 4, Law and Judicial Department chungchang hi han sawi ta ila. Mizoramah hian ka hriat phak ang chin leh (law lama mi thiam kan ni lova), District dang dang ka'n ngaihtuah hian tuna kan kalphung hi tha thawkhat viauin ka hria a. Kan Minister zahawm tak law lama mithiam a nih vang a nih te pawh ka ring a. Nikum lamah khan i bial leh ka biala kan capital Siaha-ah chuan Fast Track Court hawn a ni a. Fast Track Court saw an hawng a, a lawmawm viau a, lawmthu pawh ka sawi a; tin, a awm ve viauin ka hria a ni, Aizawl, Lunglei, Saiha tih thin kha a ni a. Chuvang chuan district senior kan nihna zawnah Fast Track Court kan neite saw chu kan nei ve tawh turah ka ngai a. Chutih lai chuan tuna kan dinhmunah saw chuan District Session Judge kan neih theih lohna tur saw a awm lemin ka hre lova. Pakhatnaah chuan financial implication engmah a awm lova, man power indaih lohna a awm lova, thil dang budgetary provision-ah pawh fel thlap tawh a ni bawk a. Tuna kan tih tur chu notification chhuaha gazette saw a ni tawh maiin ka hria a ni. Chuvangin kan Law Minister zahawm tak hian chu chu min lo hriat sak se. Engpawhnise, judicially chuan nghet takin kan ding thei tawh a, mahse administratively hian kan ding nghet thei tlat lo. A chhan chu eng vang nge kan tih chuan Lunglei atang sawn administration saw rawn kenkawh vek a ni tlat mai a. Chuvangin saw saw District Session Judge nei thei ngei turin kan Minister zahawm tak hian hma min laksak thei se tih ngenna ka siam duh a. “Case in la nei tlem alawm” pawh min ti thei. Case chu ding tir te chauh kan la ni a, neih tam ngaihna a la awm lo. A la kal deuh ang a, appeal tur tam tak te pawh an la rawn awm vein ka ring.

Chutiang dinhmun kan nih avang chuan ka ngenna chu min tihhlawhtlinsak ngei pawh ka beisei a, ka ngen nawn leh bawk a ni.

Pu Speaker, hun a tlem em avangin tawi te tein ka sawi mai ang a. Demand no. 8 – na Taxation Department hi revenue hrang hrang lo luhna tur kawngka a nih avang hian tun atangin mipui hian a pawimawhzia te pawh hi kan hre chho zel ang a. Tin, a pawimawh reng bawk a. Heng avang hian rilruah a pawimawhna lai leh kan mamawhna zawn hi awareness mipui hnena kan pek hi a pawimawh hlein ka hria. Chutih rual rual chuan a department pawh hi kan tihchangtlun deuh a, infrastructure emaw, man power emaw, thil dang dangah te pawh hian tihchangtlun chhoh hi a tul chho dawnin ka hria a ni. Chutih laia ka vei deuh chu office atan District tam taka mi in kan hawh, kan luah hawh, rents-a pawisa kan hman hi ka ngaihtuahin, kum hnih thum rents-a pawisa kan hman hian office hi chu a sak theih mai lawm ni tihna rilru te ka nei a. Chuvang chuan Taxation hian District tin office tha tak hi din thei ta se. Tuna kan kalphung ka ngaihtuah hi chuan kan din theih lohna tur pawh awmin ka hre lova. Chutiang chuan Taxation Department lamah hian hma la thei ila a pawimawh hlein ka hria a. Chutiang chiah chuan Siaha District-ah Siaha -ah pawh khian ram tha tak kan nei a. Mi in luah ngai lova mahni office tha tak neih theihna hmun tur, quarters te nena neih theihna hmun tur kan nei a. District hla taka awm kan ni bawk a, office tha tak a hun chhung ngei hian min sak sak se tih kha vawiinah hian advantage ka rawn la ve duh deuh bawk a. Thil dang sawi tamna hun a awm loh avangin mahni bial lam hi sawi uar deuh ila thain ka hria a ni.

Demand no. 9 Finance Department Pu Speaker, kan han sawi hi chuan, Department dang kan sawi ai hi chuan kan harh fimin ka hria a, muthlu te pawh hi kan awm mang thin lovin ka hria a, a pawimawh ngang a ni ang. A pawimawh a ni, sum leh pai lo hian tumah kan awm thei lo va, sorkar pawh a kal thei lo va. Chutiang chuan kumin kan budget tur chu pharh a ni ta a, budget tha tak a nih pawh kan beisei a. Kan Opposition Group Leaderin a sawi angin, ‘Kan hman dan azirin’ a tih ang deuh khan ngaihkan ka nei ve deuh reuh a. Management hi vawiina kan budget that leh that loh tehfung tur chu a ni dawn tlat mai a. Chuvangin management lamah hian sorkar chauh pawh ni lovin mipui pawh hian theihpatawp chhuaha tan kan lak hi kan ram tan a ni tih hriaa hma kan lak a tha hlein ka hria a ni.

Chutih lai chuan consultancy leh firm kan hmang nasa a. Member zahawm tak khan nichinah a rawn sawi tawh a, tuna kan kal dan phungah hi chuan consultancy leh firm kan hmana te hi anmahni question kan set tir a, anmahni question chu anmahnin an chhang bawk a, anmahnin mark an inpe leh bawk a. Chutiang deuh chuan consultancy leh firm kan hmante hi tuna kan practice-ah hi chuan a kal deuh roh tlat hian ka hria a. Helai hi kan en chian deuh hlek a tha hlein ka hria a ni.

Year of Consolidation kum hnih kan puang, a lawmawm, kan Minister pawh a tang, nasa takin a tang a, a hlawhtlinna tam tak pawh kan hmu. Chutihlai chuan inrenchemna chhungkuaa kan puan chuan chhungkaw nu leh pa hi kan inenchian ve ngai hlein ka hria a. Example set tu tur kan ni a, fate ‘Inren rawh u, inren rawh u’ kan tih rual rual hian keimahni hi a example tur, an entawn tur kan ni tih inhria ila. Kan sum leh pai hman danah hian keini helaia roreltute leh department hrang hranga hotute, kan ram tana theihpatawp chhuaha thawktute hian example kan set hi a pawimawh hlein ka hria. Entir nan, thlawhna, helicopter kan hman tam lutuk ang chi te pawh hi inrenchemna kum nen chuan tlem chuan a in hmeh lo deuh hlekin ka hria a. Hengte pawh hi kan inbih a thain ka hria.

Tin, hmanni khan C&AG Report atanga lottery te kha ka rawn sawi a, Minister pawh khan min lo react bawk a. Hengte pawh hi keini account leh finance lama thiamna nei lo tan chuan keimahni irawm chhuak a ni lo tih hi min hriatsak a thain ka hria a. C&AG Report-a kan hmuh, anmahni thil ziah kan rawn sawi chhuak ve a ni tih lai kha min hriatsak sela. Tin, C&AG Report hi sorkar hian rintlakah a ngai em tih laite pawh kha a tul chuan keini ang junior lungmawl te chu House-ah te pawh hian nakinah min han hrilhfiah se a tha hlein ka hria a ni. Chu chu Finance-a ka sawi ni ta se.

Demand no. 14-na, Planning and Programme Implementation Department hi a pawimawh ve hle mai a. A pawimawh ber han tih zel theih deuh tur an ni tlangpui a. Wawiina demand kan sawiho te hi kan ram kalphung ruhrel duangtu tur leh plan siamtu an ni a. Chuvangin mihring, chhungkua emaw, keimahni hrim hrim, mimal emaw, plan kan siam dik leh dikloh in kawngro a sutzia chu hretu vek kan ni a. Chuvangin plan kan siamah hian kan rilrua lian ber tur a tha ka tih riau chu GSDP hi engtingge kan chawikan ang tih hi kan rilruah lian ber se a pawimawh hle in ka hria a ni.

Tuna kan rilru puthmang, Mizoram mipui rilru puthmang hrim hrim, a tu a te pawh ni ta se, vawiina sorkarna kalpui mektute in ni e kan intihna pawh a ni chuanglo. Tunah hi chuan chawpchilh leh awlsam taka mipui lawm lampang plan hi kan rilru hian a hawi deuh berin ka hria a. Helai hi chu kan insiamthat a pawimawh hle in ka hria a ni. Tunah phei hi chuan Act East Policy te a ni chho dawn a. Chhim lam te pawh saw chhimkun ti mai lo a Act East Policy a lo hlawhtlin hun ah engtingge kan lo hmachhawn ve ang tia sawlama infrastructure, ram thanlenna tur, ram kan lo inpuahchahna tur, industry/factory leh ram inrelbawlina ruhrel infrastructure tha tak te; chhimlamah sawn rilru kan hawi ve hi a tul tawh lawm ni. Central atang pawhin Act East Policy, 'Look' tih chauh pawh duhtawk tawh lovin, en ringawt chu a tawh tawh lo ve, a thawh a thawh a tul tawh e tih rilru nen ke an rawn pen chho a. Chung avang chuan keinin plan kan siam te pawh hian chutiang rilru pu chuan plan siam ila a van tha dawn em tih Pu Speaker, ka sawi duh bawka.

Demand no.18, Printing & Stationery Dept. nikum lamah te pawh khan kan sawi thin a. VATy Dept. ngei ngei pawhin an lo dawr manglo te kha kuminah te hi chuan kan Printing & Stationery Dept. hi a changtu Minister thuhmun, VATy phei hi chuan a dawr that viau tawh ka ring a. Chu chu nakinah ama hnen atang pawhin kan ngaihthlak beisei ila. A pawimawh hle a hei hi keimahni kan intodelhna, kan revenue ni tel thei department pawimawh a nih avangin ka rawn sawi duh a.

Tin, Demand no.30, Disaster Management & Rehabilitation Department pawimawhna chu sawi ngai lovin kan hre vek a, lawmthu sawi ka duh a ni. Silpoulin dawn apianga min thartem ve zel hi Minister dang ho hian zir ve ta se a van tha dawn em! A tih ang te hian min han pe ve liam liam se opposition ho hi kan va han hlim dawn em tih hi ka sawi duh a. A chungah hian lawmthu sawi tur tam tak ka nei a, ka sawi bawka a ni.

Demand no.34, Animal Husbandry & Veterinary Department hi vawiinah hian a pawimawhna hi mihring kan changkang chho zel ang a. kan hre chho tulh tulh dawn a ni. Tun dinhmunah pawh hian a pawimawhna hi kan hre viau tawh, awareness kan nei viau tawhin ka hria a. Mihring leh ransa te hi inzawm tlat kan ni a. Kan inzawm tlat avang hian natna te pawh hi kan intawm deuh vek mai a ni. Vety lam natna a hluar chuan mihring lam pawh hi a hluar ve mai. Chutiang dinhmuna ding kan nih avang

chuan vawiina kan Vety Department hmalak chhoh zelah hian tun aia chak zawk, (tunah pawh hian chak takin hma an la a, a lawmawm a.) leh remhre zawk leh fing zawka lak chhoh zel hi a pawimawh hle a ni tih ka sawi duh bawk a. A tawp berah chuan Pu Speaker, Siaha - a kan bawng te hi Lawngtlai lamah min khalh thlak sak vek mai a. Ka rindan chuan a thar, a hnute tha chi minrawn pek ka ring a. Chuvang chuan kan Minister zahawm tak hi Siaha - a kan bawng hi Lawngtlai lama khalh thlak vek anih tak si ah chuan a hnute tha chi ngei, tam tawk, khawngaih takin Siaha ah minrawn pe ve se tih a tawp berah chuan ka ngenna a ni a.

Tin, Vety atang pawh hian lawmthu sawina tur tam tak kan nei a. Vawk note sem apiangin opposition lam te pawh min tharthem ve zel a. Hengah hian a chungah lawmthu sawi tur tam tak kan nei a, lawmthu kan sawi bawk a ni tih kha Pu Speaker, ka sawi ni se. Ka lawm e.

SPEAKER : Pu Ruatkima.

Pu LALRUATKIMA : Pu Speaker, hun tha tak mai min pek avangin ka lawm e. Vawiinah hian kan minister zahawm takte, Pu Lalsawta leh Pu C.Ngunlianchunga te Demand kan sawiho a ni a. Kan sawihona te a lawmawmin ka hria a. a Demand-ah kan han lut deuh zar zar ang a. Sawitur kan awm tam tawh lo maithei a. Kan sawi duh chu Demand no.4, Law & Judicial ah hianin lawmthu in bul han tan ila.

Hei kan Zofate ti mai teh ang, kan Mizoram chhulchhuakte mi pathum (3) lai mai High Court Judge kan lo awm ve ta hi a lawmawmin ka hria a. Hengte hi kan dinhmunah Mizo fate dinhmunah a awm ngai ang tih pawh kan la hriat ngailoh kha a ni a. Amaherawhchu tiang dinhmun an thleng thei a a ropui hranpa ve in ka hria a. Chu mai a la ni lo a, Supreme Court Judge thlengin kal thei tur Mizo fate zingah dan lam thiam, mithiam chungchuan kan la nei ngei ang tih te pawh ka beisei a. Tin, chutih rual chuanin High Court building tur tunah sawn kan han sa a.

Chutih lai chuan Pu Speaker, Memorandum of Settlement la hlawhtlinlohna awmchhun niin ka hria. Hei hi engnge kan sawrkar lam pawhin kan bawhzui chak tawk lo nge ni. Engnge ni thil awmzia hi ka hrethiam chiah lo a. Vawiin thlengin seperate High Court kha kan la neilo a. Sawlaiah building te kan peih anih chuanin kan la nei ve thuai turah te ngai ta ila.

Tin, kan Demand ah hian Lok Ayukta a hranpa a kalpuina tur dinna turin pawisa tam tham tak nikum lamah te pawh kan dah tawh a. Kumin lamah te pawh kan han dah zel a. Kuminah hi chuan kan beisei ang kan nei thei turah te pawh kan ngai bawka a.

Tin, vanduaithlak takin thil thleng nikum lamah Lunglei ah Court beihna te a han thleng a, a pawl hle mai a. Mizoram ah khatiang kha tuman thleng se kan duh hauh lo ang a. Venhimna lamah te tan kan lak a tul khawp mai a mipuite pawh. Hemi kawngah hian thubuai, thu chhia thu tha rem kawngah hian inzirtirna te pawh kan neihthat zel hi a tuln ka hria a.

Tin, Pu Speaker, hei nimin lamah te pawh kan han sawiho a. Court witness kal that leh thatloh chungchangah hian inzirtir kan ngai khawp mai a. Tlawmngai pawl ang ten, khawtlang ang ten thubuai hlabuai kan han nei a. Chungah te chuan thuhretuah te kan han tang a. Mahse a tawpah witness an kal thatloh avangin khawtlang khan thiamloh kan chang lek lek fo mai a. Kan chang fo te pawh a ni ang ruihtheih thil man chungchangah te pawh.

Hengah hian TA/DA tlem vang lam ni lo khan court sawn nasat lutuk, hearing hun sawn nasat lutuk te pawh kha a ni ve thei a. Hengte pawh hi kan hotuten min enfihsak a tha khawpin ka hria a. Tin, Legal Service Authority te pawh tihchak zel a mipuiin a dan kan hriatna kawngah te inzirtir a, khami kawng a mipuite kaihhruai zel a te pawh kha kan tihtur ni te pawhin kan hria a.

Tin, Pu Speaker, Advocate General kan han nei a. A viak a tha khawp mai a kan veng hnehlo lek lek emawni chu aw tih theih a ni a. Kalna apiangah helampang vei mi te chuanin an sawi a. Thubuai lam aiin engemaw thil dang interest hi a ngah deuh nge ni tih chang te pawh hi a awm zeuh zeuh thin a. Hmanni lawkah te pawh kan Assistant Public Prosecutor te emawni, khangte pawh khan min han bansan a ni a. Theihtawp chhuah a sorkarin thubuai kan hmachhawanna ah te pawh chakna kan chan ngei theihna tur pawhin keimahnin sorkar ukil te pawh an inbuatsaih ngun a tul hle in ka hria a.

Tin, demand No. 8 na Taxationah hian, Taxation hi kan in nghahna kan sum leh pai inghah na tak tak an ni a. Chutah chuan an laluhna turah te kan State sum dinhmun a inghat thui hlein ka hria a, chutih lai chuan service matter a bik takin Deputy Commissioner kha Joint Commissioner-ah an kai sang a, functional promotion ni siin

hlawh inang rengin vawiin thlenga a la ni zel mai hi chu enfiah Pay Band 3 ah khan an awm a, enfiah a engnge ni a chhan helai chu siam rem deuh chu an ngai ni awm tak ani a. Chuvang chuanin Joint Commissioner tan hian special pay fifth pay ah khan siam ani a, sixth pay ah khan siam a rem tawh loh avangin tunah hian an kaisang chung pawh khanin pay in angah an kaisanna tho si ah khanin an han awmtlang leh a. Khangte kha an mahni service matter bik ah khan tih that te pawh a ngaiin ka hria a.

Tin Pu Speaker, hei bakah hian Consultative Committee khanin kan lo sawiho tawh a, kan thawktu tak tak te chhiah khawntute a thawktu tak tak field a thawktu te an nih avangin motor te pawh hi an mamawh a ni kan ti a. Chungte pawh chu lei kan han remti tlang a, chumi piah lamah chuan pool vehicle an han pe a, mahse chung an han pek chu vehicle entitle bases in an phalsak leh lawi si a. An motor dawn a kha thingtlanga awmte tan chuan chhiahkawm nan ni lo Office mamawh chi hrang hrang hmun hrang hranga, han zin veivah nan kha chuan tuna an dawn hi chu duhthu a sam taw lo a ni. Helaiah hian pool vehicle tih a nih chuan entitle basis ang khan kalpui theih ni ta se a that te pawh kan ring a. Tin, hei kan sawi fo a Pu Speaker, zu hralhna VAT hi multiple point taxation system a ni a. Helaiah hian (ITC) Input Tax Credit angin VAT Act-ah khan a awm baw k a. Khatiang khan vawiinah hian kan la kal lova, hman ni lawkah pawh chanchinbu-ah khan kan hmu a, vendor tam takin an pek tur ang an la pe lo a ni an ti a. Khang pek tur ang pek pek tak si loh chhiah tling khawm kha a total phei chuan a tam tham viau mai a, khang ang te kha helai-ah hian co-ordination Taxation Department leh Excise & Narcotic Department te a felfai taw klo em ni chu aw tih te ka ngaihtuahna ah chuan a awm a, chungte chu kan sawi tel ni se.

Tin, demand no. 9-na Finance Department hi kan sawi tam tawh a, point hnih khat lek kan sawi duh chu entitlement of medical re-imburement chung changah hian sorkar hnathawkte hi tunah hian prie ward atan ` 700/- velin kan han hrut rual tlangpui a. Mizoram Prie Hospital hi a tlangpuiin 700 aiin cabin luah man hi a to deuh vek a ni, chuvang chuan helai a hi uniform in cabin luah Prie Hospital te hi enpui sak chi nge, keimahni entitlement of medical re-imburement zawk hi enfel ngai zawk tih te pawh hi ngaihtuah naah chuan a awm a. Natna a zirin Hospital in room an neih ang angah khan kan in vawmlut lo thei lova, khalaiah khan M.R. bill chung changah sorkar hnathawk tam takin harsatna an taw k ni te pawhin a lang a.

Tin, Bank loan chungchang kha credit ratio kan han tih ang chi loan pek chhuah chungchang Nationalised Bank te hian tha hnem an ngai tawklo niin ka hria a. A bik takin PMEGP kan member zahawm takte pawhin an sawi tawh a. PMEGP loan hmu tura recommend ni se, Bank lam atanga harsatna nei hi mi tam tak an awm a. Helai hi chu Mizo mipui te leh Mizoram sorkar ten kan dawr an nihna ang hianin mipui rawng bawl ve sela hemi kawngah hian tan lo la se thain ka hria a.

Tin, hei CSS Hindi Teacher te bawk a kha nimin piah lamah kan han sawi tawh a, kan hriat angin hemite harsatna hi a buaithlak khawp mai a, an ni harsatna mai a nil ova, a sawina hmuna sum petu dinhmun an din tlat avangin kan sawichhuak leh hram duh a Pu Speaker. A chhan chu kan zirlai naupang ten an tuar dawn a ni, kar leh lawkah School an lut leh dawn a, Hindi Teacher an neih loh chuan a mangan thlak dawn khawp mai a. Helai hi kan sorkar hian ruahman na siam sela October ni 6, 2013 daih tawh khan School Education Director pawh hianin hemi harsatna tur hi lo hmu lawkin absortion ti a face manner a ti turin ruahmanna lo siamin dilna a lo thlen daih tawh a. Khang hunah khan tihpuitlin chu lo ni thei tase chuan vawiin nia kan harsatna zualpui hi chu kan chhawk zangkhai thei turah te pawh kan ngai a.

Tin, chhiah chi hrang hrang kan han hmuh State Owned Non-Tax Revenue te, State Owned Tax Revenue chungchangah te pawh hian thahnem kan ngaih dan hi electric bill, a bik takin tui bill a te hi metre thatloh vang nge ni ` 200/- te a tlangpui thu hianin connection tam tak hi bill a lo kal thin a. Hengte pawh hi metre ti tha deuh se chuan aia tam te pawh hi bill kan hmuh theih ka ring thin a. Chuvang chuanin helaiah hian tuikhur tuikang nghak thin kha tun ah chuan kan herhhaw tur tur thei tawh a, heng vanneihna kan chante pawh hi chhiah pek lamah hi chuanin thil hrehawm nasa lutuk turah ka ngai lova, kan hman ang ang a metre kha a dik a nih chuan, chuvang chuan metre dik loh avangte pawh hian sum te pawh hi hloh tel ni te pawhin kan hria a.

Chubakah chuan kan sawi fo a, Central Sponsore Scheme chungchangah te hian sms te a hun taka pek hi a tha a, chumi a nih loh chuan harsatna tun dinhmunah phei chuan tam tak pek tur kan han dah tawh a. Tin, hemi bakah hian kan sawi tel duh chu UC thehluh chungchangah hian kan muang zel mai hi hei hian hmasawanna a ti thuanawp tlat mai a, helaiah tul manglo a sorkar pressure pekna te pawh a thleng fo a, chuvang chuan hemi kawngah hian department tinin tan kan lak a tul a. Tin, mipui nghawng

buhfai phurh man bill kan han tih ang chi chi hrang hrangah te pawh khan department ten tan an la zel a, tan an la chho zel turah ngai ila.

Tin, demand no. 14-na Planning ah khan data rintlak hi Pu Speaker, ka sawi fo a, a chhan chu exam na questionah rawn chhuak ta se eng angin nge kan chhan ang? Chhanna dik kha kan mamawh a ni. Amaherawhchu Pu Speaker Water Supply and Sanitation-ah Mizoram economic service 2014 leh hemi tho 2015 leh 2016 ah hian water supply & sanitation ah hian development chu a lo chhuti a ni han tih mai tur kha a ni tlat a ni. A danglam na chu Anganwadi toilet a kum hmasa zawkah hian 568 sak a ni a ti a, pakhatah hian 570 a ti a. Pahnih chauhin kum 1 chhung khan Anganwadi toilet kha kan sa a, a bak zawng a thu hi a inang fai vek mai a ni, a thu pumpui a hi. Khalai te a te pawh khan engvangin nge hei hi an copy paste mai emawni chu aw ka ti a, tan kan lak a ngai a ni ka ti a. A chhan chu he economic survey hi sorkar tih chhuah, he House hmanga mipui hmaa tlangzarh a ni a public property a nih avangin tute tih dik loh nge ka hrelo amaherawhchu mawhphur kan awm ngei chu ka ring a, hengte hi tan kan lak tlanna zel turah kan ngai a

Tin, NEDP kan ko-ah a in nghat ta a Planning department te chutah chuan khawpuiin master plan te kan han nei a, chung ang chuan ruahmanna an rawn siam turah ka ngai a. Chumi ang lo a remchang ang anga kan kal a nih chuan entirnan Aizawl Master Plan te pawh kan han ti a, vision 2025 kan ti emaw ni khang ang chi te pawh kha ngaihtuahnaah awm thleng zel se a thain ka hria a. Tin MIRSAC kan han nei a, a lawmawm khawp mai, khaw chin chungchangah mipui te kan zirtir a, hman kuma tsunami lo thleng avangin harsatna ram pumin kan tuar a khawvel khawchhak lam ten kan tuar a nih kha. Khami avang khan mipuite kan ral khel awl em em a, hemi chung changah hian mipui te ralkhel lo zawnga in zirtir thiam chu a ngai khawp mai a. Tul mang lovah Pu Speaker, kan in la ralkhel leh thuai thin a.

Pu Speaker Demand No. 18-na Printing & Stationery Department kan dawr tam lo a ni, kha kha kan inzirtir a hma kan sawnna dana kha kan Minister zahawm tak demand neitu hian a rawn sawi turah ka'n ngai a. Tin, tunlai chanchin tihchhuah a nih thu te hemi economic survey report ah hian kan han hmu a, a copy kha a hun takah kan hmu lo nge, kan hmu khat deuh em aw! Member zahawm tak ka bula thute ka'n zawt a, kan hmuh pawh kan hre lo e an ti a. Mahse helai report ah hianin tih chhuah a ni si a,

khang ang chi te leh technology thar a lo chhuak a, chumi ang chuan kan khawl te pawh upgrade te pawh a lo ngai zel a. Khami kawngah khan sorkar te pawhin hemi Printing & Statinery te pawh hi uluk leh zuala kan enpui a kan vulh te pawh hi a ngai awm mang e aw ka ti a.

Pu Speaker Demand No. 34-na Vety kha, kan Minister zahawm tak khan zawhna leh chhanna hunah khan Modern Meat Shop tihtawp chhan sa thianghlim zawrh tur a awm lo a ni tih lai kha ka'n ngaihtuah a. NLUP hei chen hi kan kal pui tawh a, sa thianghlim zawrh tur la awm lo kha chu mi chhang thelh deuh emaw ni chu aw ka ti a. Kha lai kha a fuh lo deuh in ka hria, sa thianghlim ei hi hriselna atan a tha a, churang chuan sa thianghlim kan ei zelna turin tan kan lak zel atul a.

Tin, ar ah hian kan intodelh ve tan deuh a, mahse a rate a la sang deuh a, he kan hun chhung hi chuan phai lam atanga rawn lut te pawh thla hnih/khat han dan chah deuh a, Mizorama ar thar te pawh hian hralh nate a hnawng lo deuh turah ka'n ngai a, chung ah te pawh chuan tan an lak leh a tul mang e ka ti a.

Tin, DM & R demand No. 30-Disaster Management hi, Pu Speaker, kan sawi leh lawk ang a. Kan Minister a viak a tha a, ani hi chu a office-ah pawh kan leng zing a, kut ruak hian kan haw ngai lo a ni, midang ah kan leng zing lo tih na ni lovin. Mizo-pa takin a viak a tha a, chhiat ni that ni leh TV lam ah te leh a hmun kan va thlen ve pawhin min lo thlen khalth zel a, hetiang mi viak tha kan nei hi mite tanpuitu, thlamuantu department an nihna ang hian a mawh phurhna a hlen tha hle in ka hria. Khua a lo chhia a, ruah te a rawn sur a, kan rinphak bak ten lei te a min a, silpoulin hi mamawh lo pawh kan awm lo an ti a. Pu Speaker, a mamawh lo ber pawnh in khum hnuai dah ah tal an duh e, an ti a. Thlam chungah hmarcha pho nan, leimin atan, ceiling-ah, motor khuh nan, khang thleng khan an duh a. Churang chuan heng angah te pawh hian mi hlamchhiah hauh lovin min pe thin a, kan lawm tak zet a.

Hemi bakah hian, Huntharah nikum lamah chhiatna nasa tak kan tawk a, khu khu kumin thal chhung hian reh vung vung ni te pawh hian kan hria a, fur a huphurh awm hle mai a, tan han la leh zual sela. Hemi kawngah hian NDRF te kan han nei a, chung atang chuan enge kan sum neih tur dinhmun, department sum dinhmun tha ber pawl ni te pawhin an lang a. Hengah te pawh hian theih tawpin tan han la se, Minister viak tha, a nachang hria kan han nei a, ani'n hma min han lak sak leh se. Hunthar Veng

leh Aizawl hmun hrang hrang leimin avanga awm ngamlohna, in sawnchhuah ngai ho zawng zawng leh zoram mipute tan pawh thlamuanpui tham minister kan nei a, tan han la leh zual se tih kha ka han sawi duh a.

A tawp berah chuan Pu Speaker, hei naktuk mai-ah phai lamah inentir turin a kal dawn a, kan tawngtai pui a, ram mipuite pawhin kan tawngtai pui a ngai khawpin ka hria. Dam taka Pathian awmpuinaa an zuk kal a an lo haw leh theihna turin he House kaltlang hian duhsakna ka'n hlan a ni e. Ka lawm e.

SPEAKER : Awle, mahni hun tiam a ral tawh hnu-ah pawh 'tin' panga vel kan han belh hi chuan a rei lo theilo a ni.

Sawi tur kan awm tawhlo niin a lang a. Sawihona khaikhawm-a pass rawn dil nghal tawh turin Minister Pu Lalsawta i sawm phawt ang. Chumi hma-in, Chair kan lo inthlak lawk ang e.

(Dy. Speaker at the Chair)

DEPUTY SPEAKER : Awle, Minister i lo sawm ang.

Pu LALSAWTA, MINISTER : Pu Dy. Speaker, 3:30 p.m. chiah a ri a, darkar chanve lak tlin loh hram ka'n tum ang a. Amaherawhchu memberte'n thahnem an ngai em mai a, an sawi hi chhan loh tur awm-a lawi paw'n ka hre lova, sawifiah ngai hliir ni maiin ka hria a, sawi zung zung ka'n tum ang e. A mimal hming kha ka han sawi fo lo a nih pawhin min lo hrethiam u la.

Pakhatna-ah chuan, sumdawnna leh Mizote chungchang; hei hi pawimawhin ka hria a. North-eastern states zingah hian kan thenawm zawng zawng hi sumdawnna a chim ral vek an ni tawh a; Assam, Arunachal, Nagaland, Tripura leh Meghalaya te. Chutilai chuan Mizo hnam hi tan la thei awm chhun kan ni a. Chuvangin hetah hi chuan sumdawnngte chauh ni lovin, sorkar pawh, mipui pawh kan tan-khawm tak zet ngaiin ka hria a ni, a pawimawh ka ti tak zet a. Sumdawnna a ral te hi, kawng dang dangin politics in an ral tho tho. Sumdawnna kan chelh teng teng chhung hi chuan keimahni ah hnam humhalhna hi ala awm reng a ni.

Napoleon-a khan England kha, "England is a country/nation of shopkeepers" a ti ngawt mai a. A hneh loh ber, a tawpa amah ching chautu chu 'Nation of Shopkeepers' an ni. Chuvangin, keini Mizote hian sumdawnna hi kan vawn tlat a ngai a,

taxation chungchanga kan rawn sawi tam tak te pawh kha a rawn khungin ka hria a, kha kha ka han sawi hmasa duh a.

Tin, banks chungchang hi kan ngaih pawimawh avangin koh te pawh kan in kokhawm zing khawp mai a. Anni ho hi Mizoram-a rawn in senglut te an ni a, tunah phei chuan an tam tawh khawp mai a. Kan thu hi an awihlo dawn te pawhin kan hre thin a, chuvangin hauh te pawh kan inhau a. Vehicle insurance chungchangah te, loan pek chungchangah te kan ti a. Amaherawhchu, thil tha chhuak tur hi chuan lehlam lehlam hi a awm ve a, loan latute pawhin an pek that hi a ngai ve a ni. Bank te hian NPA, (Non-performing assets) hi an ngah phawt chuan harstana an nei ngei ngei a, loan rulh theih loh, ziah bo theih si loh, assets ni si, perform miah loh, a tak awmlo tihna, khatiang kha an hlau ve a. Chungte avang chuan harsatna hi chu a awm a. Amaherawhchu, tuna New Economic Development Policy kan han tih tak tak dawn hi chuan entrepreneur, mi-remhria leh mi-taima, mithiam leh kan mihausate pawh in, an pawisa in a zawh mai loh, hengte hi sumdawanna ang zawng tur, enterprises mumal tak tih a, thingtlangah khaw engemaw zat te nen, “Nangni chuan alu, nangni chuan purun rawn ching rawh u,” ti a Mizoram hian kan thlaithar, kan ranvulhin mumala luh chilh bik kan neih a khatia tih dawn kha chuan pawisa an mamawh a ni. Khang pawisa kha engtingge an neih ang, sorkarin kan pe thei dawn si lova?

Tin, pek pawh kan tum lova, chuvang tak chuan Bank te hi an pawimawh em em a, kan Chief Minister hian vawi duailo an bulah pawh a lo sawi tawh a, ‘CD ratio hi chu a hniam ka ti mang e, hei hi chu tang deuh teh u,’ te a ti a. Chuvangin an pek chhuah lampang hi an pawisa neih atanga tute emaw pawisa hmuh chauh duh a, a pek chhuah leh lampang duh leh si lo kha chu a remchangin kan hre lova. ‘Kan ramah hian mipui tan rawng in rawn bawl dawn chuan hei hi chu in ti ve tur a ni,’ kan ti a. Tin, naktuk emaw tuk leh ah emaw hian Public Expenditure Report te pawh kan rawn thelut dawn a, mahse sawi theih tho niin ka hriat pakhat chu kan Company te hi Mizoram-a operate ho, kan Empire Firms te, heng te zawng zawng hian Mizoram sum leh pai an lak hi chuan an tih ve ngei ngei tur, khaw thenkhat tan emaw, veng thenkhat tan a ni emaw, a rampum tan a ni emaw khata an tih ve tur Corporate Social Responsibility (CSR) kan tih hi kan tur na dawn a ni. Hei hi tur nat tul kan ti tlat a ni. CSR hmangin tui supply a ni

emaw, electric supply a ni emaw, mipui tana hman tur Hall tih ang zawng emaw sorkar vek ni lova company ten tih nachang an hriat hi kan duh a ni.

Chuvang chuan Pu Dy. Speaker, kan lo vau deuh a nih pawhin hnam dang an nih avanga vau ni lovin (Pu N.K. Chakma : Pu Dy. Speaker, Minister sawi lai clarification ka'n sawi ve lawk duh a, nichina Corporate Social Responsibility (CSR) chungchang, entirnan ka bial ah hei fencing te an buaipui mek a, a lian em em a, hei EPIL te, NBCC te tun thlengin engmah an ti miah lo a ni. Chu chu House hriat ah ka'n sawi ve a ni.) Pu Dy. Speaker, Corporate Social Responsibility (CSR) phu a in hria a company ten thawk lo ni a in hriat chuan ziak in khawgaih takin sorkar-ahrawn thehlut ula, kan lo bawh zui ang e.

Ni e, hmun dangah te pawh an lo hmang mai thei a, Tantia tih te emaw company thenkhat khan Tlabung lo deuh Thingsai-ah emaw khang ang khan an lo hmang ve palh thei a, engpawhnise lungawi loh na kan nei a nih chuan zalenna zau tak kan nei ah ngai ila. Tin, Bank ho hi an tangkai em em a Kishan Credit Card (KCC) te pawh hian loan hi an lo pe ve a, kan sawi thin ang in mak ve deuh mai chu loan puk a a pe tha apiang hi zuk han ding chhuak a, a pe tha lo ho hian nei tun awm tak an ni a, an nei miah lo. Chuvangin KCC kan han tih ang ah te pawh thingtlang mi te an han tan tak tak hi chuan hetiang ang loan tlem te, nuai thum nuai li ang te pawh hi chhungkaw din chhuah theih na te a lo ni thei a.

Tin, insurance chungchang ah Bank ho hi kan han ko khawm thin a, 'insurance-ah hian a pawisa lut tur ringawt ni lo deuh in obligation hi in ti ve em? Hetiang hi rawn in report rawh u,' te kan ti a. Kan member zahawm tak ten in hre vek a, 3rd party insurance te hi chu a hming mai mai ang deuhva ngaih theih a ni a, mahse 3rd party claim te pawh hi kan pe e, Pu Rema hnenah te, Pi Kungi hnenah cheng nuai thum te kan pe e tih te an rawn report ve a, an ti tha ve viau in kan hria a. Tin, Bank kan sawi lai hian Health Care Fund chungchanga Corpus Fund kha han sawi leh lawk ka duh a Bank thenkhat ten interest sang deuh deuh in sorkar atangin an la a, an mamawh a ni a, an la a, mahse thenkhat chuan a aia hniam deuh ten an la a, chung te chu an duh sak deuh bik a ni awm e aw tih theih tur khan kan reply atang khanin kan zuk hmu thei ang a. Mahselangin, chutiang chu a ni lova, kha Corpus Fund kan mamawh hunah khan Committee te an thu a chung hunah chuan kan Finance Secretary te an thu a, chung

hunah chuan tender te kan chhuah a, tender kan chhuah kha an rawn chhan a, an rawn chhan hunah pawh khan anmahni tawk te, an capacity te ngaihtuah a heti zat hi kan lo puk ve ang e ti te emaw a an rawn tih loh kha chuan khatiang a han vai hrut ngawt theih kha an ni lova. Hun bik nei te, engngemaw laia an mamawh dan a zir te pawh a ni ve ang chu. Khatiang in chhang tawn kha kan nih avangin helaia Mizoram-a kan Co-operativa Apex Bank te, MRB kan tih te, MUCO Banks kan tih te kha han duhsak bik mai theih lo na lai kha a awm a, tender sheet te kha a vai a chhan ve te kha a ngai a, khalai kha min lo hriat sak ve ka duh a.

Tin, chhiah chungchang ah Professional Tax hi kan sawi fo mai a, thahnem ngai zual kan member zahawm tak Pu K. Sangthuama pheih chuan vawiin kha a vawi hnih sawina ni tawh in ka hria a. Hei hi a dik a, kan Government Service te hian engtingge sorkar hnen atanga an lak tam tak hi leave te an nei a, chubakah medical re-imburement te an nei a, chutiang chuan duhsakna tinreng an hmu a, engatinge sorkar hnenah an pek ve loh le tih kha zawhna tur chu a awm a, thu dik tak a ni. Tunah hian Finance Department-a kan Principal Secretary Pi L.N Tochwawng chuan naktuk mai hian min chhuah san dawn a, amaherawhchu, Delhi-a a awm chhunga a tih tur a hmaa awm ngei ngei chu thla tin sing li vel income tax pek a ni, a na telh tawlh khawp mai. Niminah kan sawiho va, chung chu hmun dangah a ni. Helai Mizoram-ah ve thung chuan kum khat chhung in Article-276-na professional tax a tih ah khan kum khat ah `2,500/- kha a chawi sang ber pawhin an chawi a, thla sawmpahnih chhung in. Chuvangin hei hi a ni em em lo ve kan ti a. Empower Committee a nih lai te, GST Council a nih lai te pawh in, kan sawi a. Mahse, hei hi kan member puite hian an engto lo khawp mai a. “Engatinge maw ni le” kan ti a, kan han zawh chian chuan an ni chuan income tax an lo pe vek mai a. Income tax an pek khan professional tax kha an pe leh tho si a. A double-na mai mai tur atan sing emaw sing aia tam emaw han pek kha an lo tuipui miah lo mai a lo ni a. Chuvangchuanin, keini state tlemteina professional tax kan han duhthawh kha Constitution provision a ni si a, ram pum huapa min hrut rualtu kha a ni leh si a, Delhi te, Bangalore te, Mumbai te. Chuvangin, Professional Tax atang hi chuan sorkar hnathawkte solution hi chu a awmlo a ni. Kha kha member zahawm takte hian min hriat sak ula. Amaherawhchu, anmahni sorkar hnathawk te ngei pawh hianin min rawn zai min rawn zai mai a, ‘engemaw

hi chu ti teh u, association ang pawhin All India Services Association te hi chuan engemaw sorkar-a pek luh hi kan hrehlo a nia aw,' an han ti a. Mahse kan han examine ngun khan an lungrual dana pawh kha law emaw,, court emaw kan han thlen leh khan a buaithlak duh awm mang e aw tih hlauhna kan neih avangin hei hi chu, 'la examine ngun leh deuh teh ang; association khat mai te an la ni hrih a federation te nen pawh sawi ila,' kan ti a. Chu chu a thuphung deuh chuan federation te nen pawh kan han sawi tak nain thutlukna kan la nei lova. Kan House Leader ho hian remchangah chuan kan la sawi ve ang a. Ram an hmangaih a, an tu leh fate chenna tur a ni tih hre renga han tih tak tak chuan khang ang tlemte an hlawh atanga han pek kha c hu an hreh miah lo vang tih kan ring a, beiseina nen kan kal a.

Tin, medical re-imburement tur ang chi ah khan group insurance te hi a awm ve a ni. Tlem tlem tam vaklo hi chu an pe ve reng a ni. Hei hi chu kan hmuh thelh bik lo turah ngai ila, thawh hi chu an nei ve reng a ni tih kha hria ila. Mahse, an thawh avang khan hmang miah lo va thawh reng te pawh hi an awm a. Hmang miah lova thawha rilru na tur chi an ni lova. Fiamthua Scott pakhat uikawm lutukin detol bur a lei a, kal kawngah a thlah bua a, a thlawn mai tur kha a ui a, a kut a'n zai te te a, a hnawih a an tih ang deuha insurance pek avanga dam loh kher tum emaw kha chu an rilru chu a ni lo turah ngai ila.

Tin, he House zahawm tak kaltlang hian sawi duh ka nei a, kan sum dinhmun a tha ti emaw, kan sum dinhmun hi tunah chuan hma kan sawn khawp mai tih hi kan sawilo a ni, hei hi min hriatpui kan duh. Kan sum dinhmun hi a tha a ni lova, tun hma ai chuan kan ziaawm hret ta e, hlawh te pawh a hunah kan la thei ta e, kan ti lek ang a ni. Chu chu min hriatpui loh chuan hemite pawh hi, kha mite pawh kha tih tur apui an tam a. Kawng te pawh laih tura pui a tam a, kan tlin loh thleng thleng hian kan kokiah kan input tir mai ang tih pawh a hlauhawm a, kan pawisa dinhmun hi a tha a ni hranpa lova. Amaherawhchu, miin hma a sawn dawn chuan puk te pawh a ngai thin a, puk hmang thiam apiang an ding chhuak an tih ang deuh khan, keini pawhin he ram hi dingchhuak se, kan kuthnathawktute pawhin nitina mumal taka fehna tur neiin bung sup sup ila, an thar chhuah te pawh mumal takin company te nen pawh inbe pawpin,

contract firming te neiin, heti hian kan ram hian helam pang hi han hawi ila, chumi hawina atan chuan sorkar chu facilitator, remchanna lo buaisaihtu, kawng te lo siamthat saktu, kudam thate lo sak that saktu, mimalin an lei phak loh khawl lian pui puite lo lei saktu, khatiang kha ni mai ila. Chu remchanna chu kan siam chuan entrepreneur fel tak tak, thiam tak tak kan ngah alawm, mihausa te, remhria te, a ngaihna hria te tam tak kan nei alawm. Chu chuan employment nasa takin a generate ang tih te hi kan beisei a.

Chumi piahlamah pawh chuan Pu Deputy Speaker, pawimawh em em kan sawi duh chu, heng NEDP hmang hian Mizote rilru diklo hi siamthat kan inbeisei a ni. Vawiinah hian sawi kaw kawk ila, tumahin na ti lo ila, keimahni tan, kan that zawk theihna atana sawi kan ni a. Sum, thawh chhuah ni lo, engemaw tia haichhuak thiam hi kan tam riau mai Aizawl-ah pawh, Lunglei - ah pawh, Saiha - ah pawh a ni tho. Mahse, khati lam kha a ni lo. Chu ai chuan miin an thawh char char a, taima taka thlan tlaa an thawh chhuah ngat hi chu a hlu a. Hei hian kan moral crisis ti mai ang, kan moral dik tawhlo tam tak pawh hi min siam that kan beisei a ni. Kan work culture te thleng pawh hian a siam tha theiin kan ring a. Vawiina kan dinhmunah hian Pu Dy. Speaker, kan moral stamina hi a hniam tawh kan ti a, kan moral stamina hi kan physical stamina ai hian a hniam daih tawh zawk a ni. Chungte pawh chu NEDP hian a rawn address turah kan ngai tlat a. Hna kan thawk ang a, kan khua kha Alu chinna a ni a, Alu tam tak kan chin avanga kan pulpit sermon thleng pawha Alu a kan leh a lep tih thleng pawha kan han sawia hriatthiam nghal theih tur khawpa Alu in min han chiahpiah ngat chuan ram hi a hausa ang tih kan beisei a. Chu chu kan uar deuh viau duh a ni.

Tin, an sawi zinga pawimawh deuh mai chu liquor vendor ten tax an pek loh avangin chanchinbuah te a lo lang chuai chuai mai a tih kha. Ni e, hemi hma pawh hian kan lo inko khawm tawh a, chanchin kan han hriat pheih chuan ka hovin kan inko khawm a. Chutah chuan Excise lam pawh an lo tel a. Kan thutlukna chu hei hi a ni - Excise hian an licence leh an permit hi Tax Clearance Certificate Taxation atanga an hmuh loh chuan lo pe suh u kan ti tawp mai a ni. Chu chu kan Excise Minister pawh a ngaipawimawh bertu a nih avangin khalai kha

kan sawi a. Hei hi an hriat a ngai chhiah hi an pe tur a ni. Tin, chhiah hi anmahni ta an pek a ni lo, consumer te, liquor lei tuten an pek an kawl mai a ni, an tan pek hrehna tur reng reng a awm lo. Kha kha han sawi chian a thain ka hria a.

Tin, Empannelled Consultants chungchang kha thil kan tihna hi a la rei lova, kum sawm em pawh hetiang hmang hian kan la function lo va. Hetah hian famkimlo tam tak pawh a awm thei ang a. Mahse hetia kan han ngaihtuah ve mai hi chuan kan engineer te sorkar hna thawh tuma contract tal ti emaw, khatiang zawnga min vel min vel ta lovin anmahni in company te an han siam a, thahnemngai ngai leh rintlak taka hna an an han thawk thei hi chu ava lawmawm em! A technical thilah chuan kan member ten.....in kha a dik reng mai, mahse employment te a lo generate bakah hna a lo chak ve a. PWD alignment ten an tih tur ang kha tha takin ti thin mahse an zawh loh chin hi a tam a, chu chu hna a tam avang te pawh a lo ni ve bawk a.

Engpawhnise, kan thalaiten hna an lo hmuh ve na a ni bawk si a, tun ang hian hre chung ang reng si hian kan kal pui reng a. Amaerawhchu, hei hi in sak tha tak, kum thum lek hnu a chhia, rawng mawi taka khuh mawi mai mai te kha anih theih avangin technical thil a ni a. PWD te nen uluk taka sawi tlan a, kan zavaia kan that tlanna tur chu kan ngaihtuah chhuah chu a ngai a ni. (Interruption)....

Er. LALRINAWMA : Pu Speaker, ka sawi laia chu, heng hna an kalpui dan kawngah hian tuna kan sawi, The Government of Mizoram (Allocation of Business) Rules 2014 hian, Department in an tih tur leh tur lo chin a tuk vek a. Chung dan te chu vawiin ah hian kan pallui deuh tihna a ni ta a ni. Khatianga kan ti duh rau rau a nih si chuan fel taka siam rem mai kha rilru ah a awm a. Khang hna an va thawh hrim hrim kha kan hnial reng reng lo. Nichina kan sawi ang deuh khan a then chuan DPR an siam a an thawk nghal bawk a, kan member sawi ang deuh khan mahni exam chhanna endik bawk a, mark in pek ang deuh te pawh a nih na lai a awm a.

Tin, Government of India Central Vigilance Commission khan DPR anmahni siam kha an thawh kha a phal lem lo a ni tih te pawh kan hria a. Dan

anga kan kalpui kha a fel zawk lawm ni tih lai kha a ni a ka'n sawi zawk chu. Pu Speaker, ka lawm e.

Pu LALSAWTA, MINISTER : Pu Deputy Speaker, a chhangtu tur dik tak pawh ka ni kher lo mai thei a, Finance lam atangin kan enkawl nelnual avang chuan khang kha judge ni bawk si, hetah thubuai neitu ni bawk si deuh hlek a nih na lai chu a awm a. Checks and Balances kan tih kha a awm kha chuan a tha lo chu kan ti a. Engpawhnise, khangte pawh kha enzui chu a ngai a.

Tin, Delegation of Finance Power, General Financial Rules te pawh a awm ve a, palzut chi mai a ni lo. Chuvangin sorkar ang pawhin kan House Leader ho hian kan lo en leh ang a a tha in ka hria.

Tin, Session Cases chungchang leh Session Court chungchang te kha an rawn sawi a, kan hriat tawh ang khan hna tihputlin mai kan tum a, kan CM te, Chief Justice te pawh in an ngaipawimawh a, theih ang tawkin kan han ti chho zel a. He thil hi technical deuh a nih vena laiah hian case kha tlemte nei mahse a tlem ang ngawt hian a importance hi hnualsuat theih pawh a ni lova. Session Judge lo in an tih theih loh anmahnin statutory power an neih theuh si avang khan a buaithlak a, theih chu ni se tunah hian judicial district chu pahnih chauh kan nei a ni. District pariat kan neih ah hian Judicial District vek han nih te pawh hi kan chak a ni. Thubuai neitute leh henga in hmang chi zawng zawng te pawh hian sawi tur an neih teuh kan ring a. Amarawhchu, khang ang kha kan tlin lo va, lo tlin pawh ni ila thenkhat hi chu an awl thei hle dawn a, khangte pawh kha ngaihtuah tel a ngai ani.

Heng zawng zawng hi agenda kal chho mek zel a ni a, kumtina zawi te te a kal ngai chi te an ni a, theih ang tawk chuan a Department kan en ang a, kan ti chho zel dawn e tih kha kan sawi duh a ni.

Mizoram leh Mizoramin kan hriat tul vea ka hriat chu he House kaltlang hian sawi ka duh a. Chu chu ram changkang ah tutu te maw an kal a, an tih dan an sawi a, kan it ve em em a, Singapore a ni emaw, Washington a ni emaw khatianga an tih dan tha te tha an ti a. Chutiang an tih dan tha anga kan kal ve dawn hian thil tihdanglam (change) hi kan zo lo thin a, khang ram changkang te khan engang chiahin nge an lo tawrh a, an lo inpek a, engang

chiahin nge chhiah te pawh an pek a, engang chiah in nge sorkar thu an awih tih te thleng pawh hian. Ram changkang nih a, ram nuam siam kan duh chuan a lehlam chauh thlir hi a theih lo a ni tih kha min hriatpui ka duh a. Ram nuam kan siam dawn hian inpek a ngai, thawh ve pawh a ngai, thuawihte pawh a ngai. Khang ang zawng zawng kha Mizo kan nihna anga kan tih ve ngei ngei turah ka ngai a ni.

A tawp berah chuan, ka demand hi member 12 - in min sawi sak a, thahnem an ngai em em a, an sawi ang zawng zawng te hi ka rawn sawi chhuak seng lova. Ka lo chhinchhiah vek tho va, Department - in kan bawhzui ngai ang te pawh ka lo chhinchhiah vek a ni. Tin, inpawh takin kan member te hmun hrang hrang ah pawh kan inhmua, 'kha kha ilo theihnghilh ta em ni,' han in tih thin te hian kan ram hi kan siam dawn tih a chiang reng a ni. Chuvangin kan member zahawm tak tak te ka'n ngen a, a tul leh ziaak pawhin in ti thei a, chuvangin thahnemngai taka a sawitu leh alo ngaithlatu te hnenah lawmthu ka han sawi duh a. Kan member zahawm tak ten an rawn sawi china han chhan ngai deuh leh sawifiah ngai nia ka hriat chu khang chin kha a ni e. Ka pu.

SPEAKER : I sawi zawh tawh chuan pass dil nghal mai rawh.

Pu LALSAWTA, MINISTER : Mr. Speaker sir, on the recommendation of Governor of Mizoram and with your permission sir, I move the demand number 4, 8, 9 and 14 .(Mizo tawngin maw) (**SPEAKER :** A tawh zawng pawhin a pawh lo va, mahse a mal mal khan ti mai rawh) tuna ka han sawi tak atang khan ka demand number 4, 8, 9 leh 14 Law & Judicial Department, Taxation Department, Finance Department leh Planning & Programme Implementation Department te :-

- 1) Law Department – 20,44,59,000
- 2) Taxation Department – 16,12,79,000
- 3) Finance Department – 16,65,82,13,000
- 4) Planning & Programme Implementation Department – 81,51,25,000

Total = 17,83,90,76,000/-

hi he House zahawm tak hian min pass pui turin ka han ngen e.

SPEAKER : Awle, kan Finance Minister zahawm tak Pu Lalsawta'n Demand number 4, 8, 9 leh 14, Law & Judicial Department, Taxation Department, Finance Department

leh Planning & Programme Implementation Department a, kum 2017-2018 chhunga pawisa hman tur belhkhawm 17,83,90,76,000/- he House pass pui a rawn dil hi pass pui remti zawng in 'Remti' ti ru le. (MEMBERS : Remti)

Demand number 4, 8, 9 leh 14 department pali te kum 2017-2018 chhunga pawisa hman tur belhkhawm 17,83,90,76,000/- chu he House hian lungual takin a pass e.

Pu LALSAWTA, MINISTER : Pu Speaker, ka lawm e.

SPEAKER : Tunah chuan kan Minister zahawm tak Pu C. Ngunlianchnunga kan sawm tawh ang a, anin sawiho na kha khaikhawm sela, chhan ngai te a chhan zawhah pass rawn dil nghal ve leh mai sela.

Pu C. NGUNLIANCHUNGA, MINISTER : Pu Speaker, dar 4 a ri tawh a extension kha, (SPEAKER : aw..ani maw, sana lam kan lo en lo a ni. Dar 4 a ri a, mahse i zo ang u aw.) Pu Speaker, a hmasa in ka taksa a hrisel loh na te min han sawi chhuah sak a, lawmawm ka ti a, thiante, member puiten duhsakna min han hlan a, lawmawm ka ti a, wawiin ah hian member zawng zawng chungah a hmasa ber in lawmthu ka sawi a, in mi duhsakna tawngkam te Pathianin mal a sawm ang a, keipawh dam tha takin ka lo haw ve leh ang ti rinna lian tak ka nei a ni.

Kan member zahawm tak tak te, a bik in Vety kha mi 11 in an sawi a, chhan let tur a tam vak lo in ka hria a. A bik takin Pu RL Pianmawia, MLA zahawm tak in barbed wire chungchang te leh VFA kan indaih loh zia te, tun tumah pawh hian question engemawzat a awm a, mahse chhan hman lo zingah a awm a. Kan hma kar lamah te chuan chhuak hman turah ka ngai a, tunah hian RAH centre hi 35 lai ruak a awm a, chumai pawh ni lovin District headquarter ang ah te pawh kan indaih lo em em a, chungte min sawipuia lawmawm ka ti a. Kan Finance Minister leh House Leader zahawm tak, kan Chief Minister pawhin hei hi min hriatpui se kan mamawh hle ani tih kha ka sawi duh a. Tin, Pu T. Sangkunga MLA zahawm tak in AI kan tih chungchang ah te lawmthu min han hrilh a, lawmawm ka ti a, chutih lai chuan ani hian a hunah pawh, a hun lo ah pawh barbedwar mamawhna hi a na bawk a, barbed wire mamawhna hi min hrilh zing a, kei pawh in kan Finance Minister te, kan Chief Minister te pawh ka hrilh a, NEDP-ah te pawh dilna kan siam a, kan sorkar Pu Lalthahawla kaihhruai na in mi rethei te eizawna ngial nghet neih theih na turin hma a la a, a bik takin Sial trade ah kan

hlawhtling em em a, he tah khawchhak tlang dung, a bik takin Pu T. Sangkunga bial te, Pu TT Zothansanga MLA zahawm tak bial te, Pu Beichhua MLA zahawm tak bial te, Pu Speaker, nangmah bial ngei ah pawh Sial vulh tute hlawhtlinna tam tak kan hmu a, a hung na te pawh RKVY atang kan han ti ve tak na in kan sum neihin a tlin lo a vangin, khawtin ah sial vilh tu te, sial pung nasa avangin demand a sang em em a, chuang te chu, tunah hian NEDP kan hotuten policy tha tak NLUP hlawhtling te tanpuina tur scheme ah hian kum thar ah hi chuan min dahsak ve ngei pawh kan ring a, kan theih ang tawkin kan buaipui a ni. Tin, Pu T. Sangkunga khan, doctor kan indaih loh na te a hria a. Tuanah hian doctor te an lo pension zel a, post ruak te kan fillup hleitheh si lova, VFA te kan doctor te kan indaihlo na te min hriat puia, min han sawi pui a, mimal tak pawn a chungah lawmthu ka sawi a ni. Tin, Pu TT Zothansanga MLA zahawm tak in a bial ah barbed wire mamawh thu leh indaih lo thu a lo sawi a, kha kha kan hre theuh anga, chumi rual chuan Champhai-a slaughter house sak engtik nge hawn theih a ni ang arawn ti a, kha kha kan sa zo thawkhat tawh a, Amaherawhchu hei sa thianghlim leh tha zawk ei theih na tur atan tiin Lungleiah te, Serchhipah te, Champhaiah te, Aizawlah te Slaughter House hi kan sa a. Tunah hian Aizawl hian regular takin Mualpuiah khuan a hman a. Aizawlah hian kan in daih lo em em a. Chuvang chuan Brigade-ah khuan sak leh mek a ni a, kan zo tep tawh a. Lungleiah te, Serchhipah te, Champhaiah te chuan sa zo in hawng ringawt pawh ni ila, a sa talh tute in an luah nghal loh chuan ram leh mai tur anih avangin tunah hian commission a la ni lo va. Sa talh hote nen pawh a sawiho a luah theih a ni ang. Tunah kan zo tawh a ni tih kha ka chhanna ni sela. Tichuan, amah kha a awm ta lo va Chamul chungchangah tunah hian kan Jt. Director enchiang turin Champhaiah tirh mek a ni.

MLA zahawm tak Pu Lalrinliana Sailo khan Cadre Review chungchangah te Vety Doctor te service chungchangah lawmthu te a sawi a, lawmawm ka ti a. Chutih rualin khang kha keima tih ni lovin kan House Leader zahawm tak kan Chief Minister Pu Lal Thanhawla leh a kaihhruai ten Vety Doctor te harsatna, an service chungchang a stagnant tam lutuk te an neih hriat sak in an cadre review an tih sak a. Vawiinah hian kan Chief Minister leh Cabinet Ministers, kan hotute chungah lawmthu Vety Minister ka nihna angin ka sawi a. Tin, chumi rual chuan Mobile Clinic tih kha sum kan nei thei anih chuan khangte pawh kha rilruah chuan a awm a. Amaherawhchu a sum lam hi a harsat

deuh rih avangin kan hotute rilruah chuan kha pawh kha a awm a ni tih vawiinah hian ka sawi duh bawh a ni.

Tin, Pu Sangthuama, MLA zahawm takin bawngsa kan mamawh na te, sa a kan la intodelh loh dan te, kan mamawh na a nasat zia te house-ah min sawichhuah sak kha a ropui ka ti khawp mai. A ni lah tak a, mizote hi sa ei tam hnam kan ni a. Sa kan duh em em a ni. Mahse mahni a intodelh tumna erawh hi chu a tlem hle thung a. Khawvel ramdangah te pawh kan kal ve a. Kan va kal ve naah hian sorkarin Farm din in mipuite ei tur sa hi a pe lo a ni. Private Firm atanga tharchhuah a ni tlangpui a. Chungah chuan sorkar a Doctor ten kha firm a kha tlawh in an enpui a, an hriselna te an en sak mai zawk thin a ni a. Mizoramah hian mihausa tak tak, sum leh pai ngah tam tak kan awm tawh a. Chutih rual chuan tute Party President pakhat in a sawi ang deuh in DAH tih aia awl mah zawk ran vulhah hian Sial ah te, Ar ah te, Vawk ah te tih tak zetin firm hi siam se la. A marketah hian buai na tur pakhat mah a awm lo a ni. A sa puitling mai ni lovin a noteah pawh kan in daih lo em em a ni. Chuvang chuan vawiinah hian he house zahawm takah leh Zoram mipui hriat a ka sawiduh chu kan ram mipui, kan lehkhathiam te, lehkha an zir a, vety-ah pawh ni rawh se Master degree nei te, Bachelor degree nei te Doctor zir chhuak tam tak kan nei. Amaherawhchu chu lam ngaihtuah lo chuan sorkar hna ringawt mai ngaihtuah pawl te kan awm a. Hetiang ni lo hian tunah chuan kan sorkarin tang tanpui tum in ruahman na a siam a. Chutah chuan sum leh pai tam tak a dah a. Chuta tan chuan vawiin a kan lehkhathiam rual, kan val rual te hian ran vulh a eizawn hi eizawna tling a ni tih hi hria se, chuti lamah chuan hma la se tih ka duh khawp mai a. A department ang chuan, Zoram ei khawp thar chhuak tur chuan tih ngaihna a awm ka ring lo. A chhan chu kan system hrim hrim, kan mindset hrim hrim a hi sorkar firm anih chuan ei khawp thar hi a har in ka ring a Zoram chawm thei tur khawp chuan. Private firm lam hi ngai pawimawh ila chutiang lamah chuan kal zawk ta ila. Chu chu kan hmasawn na tur leh kan intodelhna tur anih ka ring a ni.

Tichuan, kha Pu Thanlianana helaia Centre kan neih te, ran chaw kan siam na hmun te min hriatpui a, a lawmawm khawp mai a. Tunah khuan Khatlaah a building kha kan sa mek a Laboratory tha zawk. Helaia ran natna, mihring ang tho hian ran hian natna a nei a. Chung natna te chu hriatchhuah zung zung theihna tur atan cheng nuai 321 hmangin tunah hian hma kan la mek a. Kum 2017 kum tawp lamah chuan hawn hman

pawh kan in beisei a ni. Tin, Ramrikawnah khuan Feed Plant kan neih tawh sa a awm a. Chu chu tichangtlung tur leh ti lian in a a dang khawl lian zawk cheng nuai 551 sangriat seng a ruahman a ni a. Kuminah hian zawh hman kan in beisei a. Chu chu kan zawh theih hunah chuan darkar khatah 8 metric ton herchhuak thei tura ngaih a ni. Chu chu tuna kan kalphung a ni a. Tichuan, nei tawh reng si engah nge a dang zawk te chu in din pawh in ti mai thei a. Kha kan din khan, hmun hnih a khawl kan neih khan thenkhat in bawng chaw a her ang a, thenkhat in ar chaw a her ang a, thenkhat min vawk chaw a her ang a. Chutiang chuan tih chhuah kan tum a ni. Hemiah pawh hian sorkar ang ngau ngau ni lo va mimal ang pawh a ran chaw herna te pawh hi kan mihausa te hian tih nachang hria se.

Demand hi a sang a ni, Sorkar ringawt a in nghat tawh lovin. Israel fate thlaler a an kal a manna leh vahmim a chawm thin ang ni tawh lovin, Kanan ram an thlen chuan an rah chin ang zel ram ni ang khan kan ram a kal chho a. Kan Finance Minister zahawm tak te, kan Chief Minister zahawm tak ten mahni kut ke a hlawk zawk leh nasa zawk a tharchhuak thei tura ngaihtuahna leh ruahman na kan sorkarin a kalpui lai hian he ram chaw siamna tur chungchangah pawh hian kan mihausa te hian tih nachang hria se chuan a hlawk khawpin ka ring. Kan MLA zahawm tak Pu Lalthanlian a sawi ang khan nikhat demand ringawt hi 6 metric ton ang hi Aizawl khawpui, Mizoram a demand a ni. Chung chu keini Vety Department chuan Zoram mamawh phu hru zo tur khawp chuan tun dinhmuna chuan kan tan kal a har a. Amaherawhchu, eng emaw chin kan lo in tharchhuah ve khan a tha a nge tiin kan hotuten ruahman na an siam a ni tih kha kan sawiduh a.

Tin, Dr.K.Bechhua MLA zahawm takin kan hmalak na te min fak a, lawmawm ka ti a. Chutih rual chuan Saiha farm a bawng min laksak vek a Lawngtlai ah a dah tih lai tak a kha sawifiah a tha ka ti khawp mai a. Tun hma khan khawhbawk ang te te hian farm hi kalpui a ni a engzat mah thar chhuak silo in. Chuvang chuan tunah chuan hmun khat bik deuh ah emaw dah khawm kan tum a. Mampui ah khuan farm hmun tha tak mai kan nei a chutah chuan calf rearing, bawng a lei tur chi, a talh tur chi vulhna tur hmun kan siam a. Tin, chumai chu nilovin vawk pawh tunah hian vawkpui 50 kan dah a. Kan doctor te hnenah pheih chuan ka tia in zirna leh ka zirna a inang lo a, ka zirna angin kan

kal ang ka ti a. Chawlhkar khatah hian vawi 3 kan chhuah a, a tlatna tur kan siam a. A chhan chu Bible ah Jakoba'n 'Taitea nunna leh ka nunna chu a inzawm a ni' a tih ang deuh in, vawk leh chirhdiak nun hi inzawm tlat ni a hriatna hi ka nei ve a, chuvang chuan vawk ho khan chirhdiakah intal tam sela chu chuan PRRS natna kan tih ang te, natna dang dang te pawh hi a lak kian theih rinna kan neih avangin chutiang chuan kan kalpui a. Chuta tan chuan Mampui ah hei kan Social Welfare Minister zahawm takin a min duhsakna te, Article 275 atang te in min pe a. Chutah chuan ar awpkeuna te, bawng vulhna te, vawk note tihpunna tur te kan tih avangin Saiha ami kha kan dahkhawm a ni. Saiha a tlem te a farm manager eikhawp lek thar reng kha a dik tawh lo e kan ti a ni. Chuvang chuan kan Chief Minister zahawm tak leh kan Finance Minister zahawm tak te duh angin buaipui tham, buaipui tlak deuh hlek a kal kan tum a.

Chutiang chuan Lunglei ah Lungpui zawlah kan ti bawk a. Tin, hetah Thingsulthliah ah vawkpui 200 vulhna tur. Tunah hian vawkpui 100 kan dah a, engemaw zat kan thar chhuak tawh a. Thingdawl ah kan farm kan chei tha leh mek a, vawk farm awm te kan khar a, bawng farm te kan khar a. Chutiang chuan tunah hian kan tharthawh leh a.

Mizoram ah hmun 3/4 velah tiduah lo deuh in awmze neiin i kal ang u kan hotuten anti a, chutiang chu kan hmalakna a ni a. Chuvang chuan kan MLA zahawm tak Pu K. Beichhua khan min lo hriatthiam sak se kan chhuh em em pawh a ni hran lo e, a thatna zawk tur a ni tih lai kha. (SPEAKER : Dr. K. Beichhua'n Saiha - ah chirhdiak a awm ve lo em ni a ti.) Saiha lamah chuan a dang pawh kan la ti zel ang chu.

Er. Lalrinawma, MLA zahawm takin Lungpho ah VFA min dah sak ve se a tih kha a zahawm kan ti khawp mai. Sawi tak ang khan NLUP avangin Vety trade thlang an tam em em mai a. Tin, hlawhtlin pawh kan hlawhtling a ni. Ka tawng sual chuan kan hotuten min ngaithiam sela NLUP ah hian Vety hi kan hlawhtling ber ang ka ti a ni a takin. Chutiang avang chuan a enkawl tu tur VFA te, doctor te kan indaih lo em em thung erawh hi chu a hrehawm khawp mai a. Kan lo hria ang a, kan dil ang a, inah kan dil a kan hlawhchham a kan House Leader phei chu ka sawipui tawh a a ni pawhin lo dil rawh u a ti a.

Amaherawhchu DP&AR leh Finance-ah bawh hian kan tawp leh thin tlat mai hi kan House leader ai pawh hian an Lal zawk emaw tih tur a nia. Kan mamawh tehlul nen, min pek theih phawt chuan kan hre dawn nia tih kha ka chhanna nise.

Tin, Pu Lalruatkima, MLA zahawm takin modern meat shop chung changah khan sa thianghlim zawrh tur a awm loh avangin kha meat shop a kha khar a niin ka hria a min chhanna kha a dik lo in ka hria a tih lai a kha. A awmzia chu meat shop hmun 11 a kan hawn a kha Bung- bungalow ah slaughter house siam a ni a chutah chuan ran kha talh thin a ni a, chuta tang chuan kha hmun 11 ah khan zawrh tir a ni. Amaherawhchu PRRS te a len avangin sa talh tur kha a lo tlem ta a, chutiang chuan in khata third party te khan an enkawl hlei thei ta lo a. Department in an han ti a, department tan tih reng a lo rem loh avangin kha hmun a kha, khatiang a sa talh a helai a meat shop a va zawrh tur supply kha a awm tak loh avang khan khar a ni a. Chuvang chuan deep freezer te, an tray te kan hawh tir a kha lak let sak a ni a. Question siam chhan tak tak a nih a ka rin chu deep freezer vel kan lak let leh a kha hawh tir anni a, pek ah an lo inngai a ni deuh maithei a, hawh tir a nih miau avangin. Khalai kha thil dang avanga ti tawp kan ni hran lo a ni tih lai kha ka'n sawi duh a ni a. A sa pek tur a ber kha a awm tawh lo a, tunah pheih chuan Bung bungalow a mi kha mimal in third party in an ti a, thlakhatah cheng 7000/- in an tlan a. Thla tin cheng 7000/- revenue min rawn pelut ve zawk a, an mahni mimal angin an kalpui tawh zawk a ni tunah chuan tih kha ka'n channa nisela.

Pu Speaker, kha kha hetilaia kan member mi 11 te sawi ka'n chhan theih ni sela. Hei kan Finance Minister khan minute 30 a hmang a, a zatve ka hmang ang ka ti a, a tih hleihtheih dawn loh min hrethiam dawn nia a tawpna ka ni bawh a.

Nichin a kan sawi tak ang khan laboratory tha te, feed plan te ruahmanna kan nei a, chumai bakah chuan Integrated Veterinary & Aids Training Institute, Lungpuizawl a VFA training kan neih thin a kha chhawr tlak leh hman tlak zawkin an chhuah theih nan tiin kum 2 chhungin pawl 12 pass chin in training tawh sela. Doctor nau tak tak ni ve se ti a chher chhuah kan tum a.

Chumi atan chuan cheng nuai 213 leh sing 6 leh sang 8 leh za 5 in hma kan la a, kumin June thla hian session thar hi tan hman kan tum a ni.

Tin, animal slaughter house kha nichin a ka sawi tawh ang khan Bawngkawn-ah, Mualpui-ah kan sa mek a. Electric leh PHE lam ten tui connection leh electric connection min pek fel chuan civil work dang chu kan zo vek tawh a hawn theih mai tur a ni. Mualpui a kan sa talhna hmun ah khuan an in daih lova, Aizawl tlak lampang ho in a an hman ve tur atan. A bikin ka sawi ang khan slaughter house-ah hian, District khawpui dangah chuan an hmang tangkai lutuk lo a, Aizawl District ah chuan an hmang tangkai hle a ni.

Tin, IRDF hnuai kan hmalakna tur hmachhawp te, Establishment of Goat Building Farm at Thenzawl kan ti a. Thenzawl ah hian Kel tha chi vulh kan tum a ni, tihtak zet in chumi a tan chuan nuai zaruk (6 crore) ruahman a ni a. Tin, Rural Animal Health Centre chei that nan nuai 200 kan dah ve a, kan neih chun te te, kan RA centre te hi a chhe tawh hlawm khawp a, sak na tur dang kan nei thei silo a. Hemi kan RIDF atang hian kan hotuten duhsak takin min pe a, chuta tan chuan kan theih chin chin a step by step in kan kal ang, tiin kan hotuten ruahman na an dah a. Tin, hatchery farm, Tanhril ah khuan Ar kan awp keu tir a, chuta tang chuan Ar note awp keu bawk a, a tui a awm bawk a, kan Finance Minister zahawm tak hian surprise visit ang deuhin ka hriat lohin a va en a, a mit a tlung a niin ka hria a, a lawm awm pawh ka ti a. Kan thar chhuah te, kha kan thar chhuah kan va buaipui na atan khan kan buiding te kan indaih loh zia hria in kan dil ni miah loin amahin min pek zawk a ni a, kan mamawh na te min hriatsak avang in, crore 3 lai mai kumin ah hian min tih sak dawn a.

Tichuan, khulai ah khuan tun dinhmun ah nitin artui sangkhat bawr vel kan thun chhuak a, chung te chu kan awp keu tir a. Chung kan awp keu tira te chu theih ang angin kan zuar chho ve a ni. Kan hnung deuh pheih ah kha chuan a zuar na te kan buai ve deuh a, Secretariat kawt ah te khuan nilai ni te in an rawn keng a, artui a pum a lian tha a, vai artui kan tih ai hian kan artui vety artui chu, vai artui pahnih leh vety artui pakhat hi a in zat vel ang, chutiang khawp a lian tha chu kan thar chhuak ve a ni. Tichuan KVI hnuai ah a puitling in kan hmu chho ve zel a. Hei, nichinah khan kan MLA zahawm tak ten, Pu Hmingdailova khan a sawi a, tun thum NLUP third leh fourth ah pawh hian keimahni tual chhung bvawk thar kan NLUP hlawhtlinna te kan RKVY vawk no semna

te avangin, Aizawl District ah te Kolasib District ah te phei chuan third leh fourth tur hi kan in daih a ni. Amaherawhchu, Champhai District ah chuan kan indaih lo a , a bakah chuan tlem tlem a, kumin October thla chhung chuan sem zawh theih kan beisei a, chutiang chuan hma kanla a, keimahni hnathawh rah vawiin ah hian a takin Vety Department ah kan hmu chho ve zel ani tih kha kan sawi duh a.

Tin, Nashville live stock mission hnuai cheng nuai 211,23,000 hmangin nichina kan sawi, Thingdawl Firm te, Lungpuizawl te leh Mampui ah te leh ran hriselna lampang kaihhnawih a hman rua leh vaccine atan te, ruahmanna kan siam ve a ni.

Tin, ranvulh tute hi an ran vulhna kawngah kan tanpui a, theihtawp a anmahni hrilh hriat te pawh kan hotute tulin an hria a. Tin, Land capacity hnuai cheng nuai 39 lai te dah vein chuta tang chuan ruahman na an kal pui a. Tin, NLUP hi third leh fourth phase hnuai ah hian beneficiaries 14,245 cover vek, kan cover mek ve ani vety hian , chutiang chuan kan kal ve a.

Tin, National Program on Bovine Breeding (PBB) hnuai ah, April 2016 December atangin bawngpui 4605 kah rai ani a. Tichuan liquid nitrogen plant Selesih ah bun zawh a ni a, Mampui firm ah barbed wiring pawh bun zawh a ni. Tunah hian Mampui ah pawh Bawngpui, Bawng 50 kan dah a, kan tlat tira, kan hung saka an chenna kha.

Tichuan, article 375 hnuai ah kan sum hmuhna hi Mizoram pum ti ila, Lunglei leh Lawngtlai ah te Ar note kan sem a. Tin, chubakah chuan District hrang hrang ah Ar note thla sarih a upa, a mizo tawng a kan hriat thiam dan tur chuan thla sarih tih chu thuro tiah te te hi district tin ah cheng 30 in kan zuar a, mipui in an hlut em em a ni. Heta nikhat ar, tet laia meilum nen a up lum ngailo in thuro tiah lo nih chuan lo zia awm tawh a, khatieng khan hma kan la a, mipui te pawhin min hlut pui em em a ni. Chute chu Vety Department a kan hma lakna tlangpuui leh hmachhawp han sawi dawn chuan sawi sen chi pawh anilo a a tam a, hriat zawng zawng sawi chi pawh a ni lo. Chuan, a pahnihna ah chuan tawi te in Printing kha kan sawi lawk ang. Kha kan Printing & Stationery chang sawrkar hmasa a, lo enkawl tawh tu kan MLA zahawm tak Pu Zoramsangliana'n a dinhmun a hre chiang em em a, chuti chung chuan khawl changkang tak tak te kan nei a, khang ang maintain na tur sum te min hansawi sak te kha a lawm awm ka ti a, a ni kha senior a nih bakah he department lo enkawl tawh tu, vawiin ni

akankhawl neih te, hmachhawp reng reng hi a ma hma lo lak vek tawh na a kuh mum ah keini chu kan par ve mai ani. Khatiang a hma min laksak kha lawm awm ka ti tak zet a ni. Tin, hei kumin ah hian nikum atang khan kan hre ve a, SCERT text book hi pawl khat atanga pawl riat, zirlai bu subject 57 hi department in kan chut sak mek a, reilo te ah hawh chhuah theih a ni a nga, chungte chu ruahmanna a kal ve a, Establishment of Goat Building Farm at Thenzawl kan ti a. Thenzawl ah hian Kel tha chi vulh kan tum a ni, tihtak zet in chumi a tan chuan nuai zaruk (6 crore) ruahman a ni a. Tin, Rural Animal Health Centre chei that nan nuai 200 kan dah ve a, kan neih chun te te, kan RA centre te hi a chhe tawh hlawm khawp a, sak na tur dang kan nei thei silo a. Hemi kan RIDF atang hian kan hotuten duhsak takin min pe a, chuta tan chuan kan theih chin chin a step by step in kan kal ang, tiin kan hotuten ruahman na an dah a. Tin, hatchery farm, Tanhril ah khuan Ar kan awp keu tir a, chuta tang chuan Ar note awp keu bawk a, a tui a awm bawk a, kan Finance Minister zahawm tak hian surprise visit ang deuhin ka hriat lohin a va en a, a mit a tlung a niin ka hria a, a lawm awm pawh ka ti a. Kan thar chhuah te, kha kan thar chhuah kan va buaipui na atan khan kan buiding te kan indaih loh zia hria in kan dil ni miah loin amahin min pek zawk a ni a, kan mamawh na te min hriatsak avang in, crore 3 lai mai kumin ah hian min tih sak dawn a.

Tichuan, khulai ah khuan tun dinhmun ah nitin artui sangkhat bawr vel kan thun chhuak a, chung te chu kan awp keu tir a. Chung kan awp keu tira te chu theih ang angin kan zuar chho ve a ni. Kan hnung deuh pheih ah kha chuan a zuar na te kan buai ve deuh a, Secretariat kawt ah te khuan nilaini te in an rawn keng a, artui a pum a lian tha a, vai artui kan tih ai hian kan artui vety artui chu, vai artui pahnih leh vety artui pakhat hi a in zat vel ang, chutiang khawp a lian tha chu kan thar chhuak ve a ni. Tichuan KVI hnuai ah a puitling in kan hmu chho ve zel a. Hei, nichinah khan kan MLA zahawm tak ten, Pu Hmingdailova khan a sawi a, tun tum NLUP third leh fourth ah pawh hian keimahni tual chung bawk thar kan NLUP hlawhtlinna te kan RKVY vawk no semna te avangin, Aizawl District-ah te, Kolasib District-ah te pheih chuan third leh fourth tur hi kan in daih a ni. Amaherawhchu, Champhai District-ah chuan kan indaih lo a, a bakah chuan tlem tlem a, kumin October thla chhung chuan sem zawh theih kan beisei a, chutiang chuan hma kanla a, keimahni hnathawh rah vawiin ah hian a takin Vety Department ah kan hmu chho ve zel ani tih kha kan sawi duh a.

Tin, Nashville live stock mission hnuai cheng nuai 211,23,000 hmangin nichina kan sawi, Thingdawl Firm te, Lungpuizawl te leh Mampui ah te leh ran hriselna lampang kaihnawih a hman rua leh vaccine atan te, ruahmanna kan siam ve a ni.

Tin, ranvulh tute hi an ran vulhna kawngah kan tanpui a, theihtawp a anmahni hrilh hriat te pawh kan hotute tulin an hria a. Tin, Land capacity hnuai cheng nuai 39 lai te dah vein chuta tang chuan ruahman na an kal pui a. Tin, NLUP hi third leh fourth phase hnuai ah hian beneficiaries 14,245 cover vek, kan cover mek ve ani Vety hian , chutiang chuan kan kal ve a.

Tin, National Program on Bovine Breeding (PBB) hnuai ah, April 2016 December atangin bawngpui 4605 kah rai ani a. Tichuan liquid nitrogen plant Selesih ah bun zawh a ni a, Mampui firm ah barbed wiring pawh bun zawh a ni. Tunah hian Mampui ah pawh Bawngpui, Bawng 50 kan dah a, kan tlat tira, kan hung saka an chenna kha.

Tichuan, article 375 hnuai ah kan sum hmuhna hi Mizoram pum ti ila, Lunglei leh Lawngtlai ah te Ar note kan sem a. Tin, chubakah chuan District hrang hrang ah Ar note thla sarih a upa, a mizo tawng a kan hriat thiam dan tur chuan thla sarih tih chu thuro tiah te te hi district tin ah cheng 30 in kan zuar a, mipui in an hlut em em a ni. Heta nikhat ar, tet laia meilum nen a up lum ngailo in thuro tiah lo nih chuan lo zia awm tawh a, khatiang khan hma kan la a, mipui te pawhin min hlut pui em em a ni. Chute chu Vety Department a kan hma lakna tlangpui leh hmachhawp han sawi dawn chuan sawi sen chi pawh a nilo a, a tam a, hriat zawng zawng sawi chi pawh a ni lo.

A pahnihna ah chuan tawi te in Printing kha kan sawi lawk ang. Kha kan Printing & Stationery chang sawrkar hmasa a, lo enkawl tawh tu kan MLA zahawm tak Pu Zoramsangliana'n a dinhmun a hre chiang em em a, chuti chung chuan khawl changkang tak tak te kan nei a, khang ang maintain na tur sum te min han sawi sak te kha a lawmawm ka ti a. A ni kha senior a nih bakah he department lo enkawl tawh tu, vawiin ni akankhawl neih te, hmachhawp reng reng hi a ma hma lo lak vek tawh na a kuhmum ah keini chu kan par ve mai ani. Khatiang a hma min laksak kha lawmawm ka ti tak zet a ni. Tin, hei kumin ah hian nikum atang khan kan hre ve a, SCERT text book hi pawl khat atanga pawl riat, zirlai bu subject 57 hi department in kan chhut sak mek a, reilo te ah hawh chhuah theih a ni anga, chungte chu ruahmanna a kal ve a.

Tin, Calender a chhut te pawh kan han ti a, kan thiam tawklo deuh nge ni nikum lamah khan kan chhu a, kumin lamah chuan kan chhu ta lo in ka hria a, a dawrtu chungchang ah khan kan MLA zahawm tak Dr K.Beichhua khan Vety ho pawh khan an dawr lo va a ti , kha kha chu a tir lam deuh kha a nia. An lo dawr lova tunah chuan an dawr tawh a. Min dawr lo hi department 10 an la awm a. Mahni department theuh kha kan hotuten in dawr ve em lo ti ula, session leh ah kan chhiar chhuak leh ang a. Tuntum chu khami chin kha ni se.

Pu H.Zothangliana, kan Parliamentary Secretary zahawm takin bungraw tha lei chu ni se a tih kha tunah chuan kan theih ang tawkin kan uluk ve a. Tunhma anga lei tawp tawp ang chi kha a ni tawh lova. Department in indent an rawn siam ang base khan hei kan controller te an fel a, hei kan thawktute, an rawn indent ang chat chat khan order kan siam chauh a ni. Door delivery kan tia, khami atan khan motor kan lei a. Chu motor chuan an department ah an va dah thina. Min dawr tam lutuk lo mahse min dawr chhun chhun te kan theih ang angin kan lo dawng sawng ve thin a ni.

Tin, kan MLA zahawm tak Pu K.Sangthuama'n hmasawna awm turah ngai ilara ti a, hma kan sawn ve khawp mai, tunah pawh hian khawl thar tha tak mai kan nei a. Kan bun mek a, hemi kan tih zawh phei chuan kan hmang tangkai viau in ka ring a ni. Printing and Stationery Department hi sorkar ah revenue tam zawk chhung lut thei turin business model a function turin chak takin hma ala zela. NLECPR atanga sum hmuh atangin Strengthening of Government Press and Establishment of Printing Institute in Aizawl hmangin project thawh mek a ni a.

Hei hian thalai tam zawkte eizawna ngialnghet a siam theih dawn bakah State Printing Industry pawh nasa takin a ti hmasawn dawn a ni. Kum 2016-17 chhung khan revenue target nuaih 134 min tuk a, hei hi kan khum ngei kan in beisei, nikum lamah pawh khan kan khum tawh bawk a ni tih kha Printing lama kan sawi theih chu niselangin.

Disaster Mangagement and Rehabilitation department pakhat hi kan sawi ve leh lawk anga, hei hi mi 12 in an sawi a, nia, silpouline hi kan vai duh theuh hi a ni bawk a, mamawh loh pawhin khumhnuai a dah ah pawh kan duh tih ang deuh kha a ni a, hei kan hotuten fakna te lawmawm tak tak kan dawng nasa a, a lawmawm ka ti takzet a. Chutih rual chuan kan hotu thenkhat te atangin PU H.Zothangliana'n a han sawi kha, a

dik na chin a awm a, amaherawhchu Sangau bik atan khan ` 91.43 lakhs in estimate hi kan siamtir a. Amaherawhchu keimahni atang hian pek na tur sum hi kan nei tlat lova ni.

Medication Fund nikuma kan Chief Minister zahawm tak hova SDNA meeting ah 10 crore tal Mizoram sawrkar hian min dah sak ve rawh se tih kan pass a. Nikum ah khan cheng khat mah min dah sak si lova. Medication fund nilo SGRA fund a kha kan hmang mai thei si loh avangin Sangau lam kha kan ti thei ta lo a, a pawl kan ti khawp maia. Tichuan chumi rual chuan Lawngtlai leh Sangau hi DPR pakhat ah kan siam a. 7.5 crore in kan siam a. Central ah pawh kan submit a ni. Amaherawhchu chu kan submit ah chuan Khawzawl te, Champhai te, Serchhip te kan siam a. Kan siamah chuan Hunthar Veng chiah hi min pawm sak a, 15 crore in kumin 2016-2017 atan hian a ni a. Chuvang chuan a bak danga kha kan duh angin kan hlawhtling thei lova a pawl kan ti khawp maia, chu chu tunah hian Hunthar Veng en turin Pu Speaker, i remtih na in a lokal ho hming list hi kan chhiar chhuak duh a, House information ah pawh a that ve hrim hrim ka ring a.

Central atangin technical evaluation Committee NDMA, New Delhi atangin Hunthar veng leh Ramhlun leh Zemabawk en tur in an lokal mek a ni. Tunah hian Aizawl ah hian an cham mek a ni. A pakhat na ah chuan (1) Dr S.K.Singh, Professor, PEC University, Chandigarh. (2) Sudhir Mathur, Area advisor research and development centre, road research institute, CRRI, New Delhi (3) Dr Kishore Kumar, Chief Scientist, CRRI, New Delhi (4) Shri Ravinder Singh, Consultant, Landslide and evalanche, MDMA, New Delhi.

5) MK.Kaitha, Superintendent of Geology, GSI and Shillong, Meghalaya

6) Shri G. Sr. Geologist, GSI, Shillong Meghalaya

7) Shri K. Sr. Geologist, GSI, Shillong Meghalaya

Hemi te hian tunah hian Aizawl-ah min chamchilh mek a, khu lai Hunthar veng te, Ramhlun Sport Complex te min enpui mek a ni tih kha kan chhanna ni sela.

Tin Pu T.T.Zothansanga khan silpaulin hi DC aiin MLA ah hian dah tam deuh ni se a ti a. DC pawh hi kan pe lo thei lova, kan pe a, tin MLA te pawh hi a awm phawt chuan andil hi chuan kan pe ve a ni. Kan office ah pawh hian kan lo record ve thap mai a, an lak zat a hi. A la tu te chuan kan la tam lo te pawh kan ti mai thei a, duhthusam

erawh chu a harsa ve deuh hlek a ni. Kan theih chin chinah chuan MLA te pawh kan ngai pawimawh a, kan theih chin chinah kan duhsak ve a ni.

Tichuan, Pu Lalrinliana Sailo MLA zahawm tak khan kan silpaulin lei dan chungchangah te pawh kawng thar deuh zawng i la tiin. SEC-in a lo rel tawh angin lei tum a ni a, a supply tu tur pawh SPAB in a thlang a. Chu SPAB thlang pawh chu a sample te nen consultative committee ko meuhin kan en veleh a MLA rualten, a sample te pawh kan MLA zahawm tak opposition lam te pawhin kan chep bung a, an hawn hlawm a. Tichuan an rawn supply a, vawi 2-naah chuan an supply a kha, a material kha an sample ang kha a nih tlat loh avangin kan return a ni. Pakhat mah receive lo turin kan ti a. Chu chu a man kha buaithlakna pakhat awm chu tha deuh pawh la ila kum 1 pawh hi a daih chiah chuang lova, vawi khat zar deuh zel hi a ni a. A tir chuan a man tlawm zawk a tha tho si a awm kha chuan `1417 a kan lei kha `720 in tha ve tho si, a sample min rawn pek pawh thler hleih theih hleih loh, Pu Piana te palian teng tawng pawn pawh thler theih loh kha, a ni a sample kha chu. Khatiang a nih kha chuan a tha tho a kan ngaih avangin consultative ho in kan han approve kha a ni a. Amaherawhchu a taka an rawn tih khan duhthu a sam lo deuh a. Anni pawhin pawl an ti a, an la let a ni tih lai kha ka'n sawi duh a ni.

Tin, Pu Thanliana sawi kha, a bialah Ramhlun Sport Complex, AEI te hmalakna lawmawm, lawmthu sawi rualin leh an chhuahsan mai tur a han hreh a kha a dik khawp mai a. Kawng la tlang lo hi chu tih tlang kan tum anga. Tichuan lei minna lai saw prone area a min puan sak turin tunah hian sorkar-ah hmalak mek a ni. Chuti anih loh chuan miin vawk an vulh a, ran an vulh in, a tui a lo tling a. kha khan lei nghet tawh bawk si lo a khan leimin a siam leh theih avangin, tumah khilai hmunah khian lut tawh lova ti turin kan ti a. Nichin a kan sawi ang khan NDMA atangin GSI ten vawiinah an tlawh nghe nghe a ni, khalai hmun kha tih kha kan chhanna ni ta se la.

Tichuan, Pu Lalruatkima han sawi Hunthar Veng a reh vung vung kha chu, a reh vung vung lo a ni. Kan buaipui nasa ve khawp mai . Kan office ah te pawh power point hmangin DPR kan hrilhfiyah tir a. Tin, Delhi-ah February 4 ah te pawh khan an zu kal a NDMA ho hmaah te pawh powerpoint hmangin kan consultant firm ten an hrilhfiyah a. Chutiang chuan theihtawpin tan kan la a. Tunah hian kan Health Minister zahawm tak bialtu ngenna angin kan CM hnenah, tuna kan SDRF fund hi lo puk lawk a, khimi a

kawng chung bik khi ` 2 crore vel tal a, fur ruahtui tlak hmaa tan hram dan zawn ni se. Kha project kha pawisa a lo thlen hunah recover leh mai ni se ti a, tunah hian file a kal mek a. Tun thal chhungah pawh hian khimi kawng chhaklam bik pawh khi, theih tawp a hma lak kan tum a ni tih kha, vawiinah hian Pu Speaker, kan hotute thil han sawi te leh kan department hmalakna ang ang te a ni a. hetiang hian hmalakna kan nei ve nual a kan hotu te min hriatsak ang khan Armed police ho te, IR battalion te mi 747 lai training kan pe tawh a, traine chhuak tawh zawng zawng hi mi 1500 volunteer-te pawh NGO atangin pek kan nei a. Tin, mi 208 hi YMA volunteer-te, Youth Adventure atang te in mi 22, changtlung leh rei zawk training pek an ni bawk a. Hengte hi chhiatrupna a thlen thulhah tangkai taka hman theih an ni ang.

Tin, mock drill, Dec 14, 2016 khan Serchhip khawchhungah leh 13th July, 2016-ah khan Saiha ah hlawhtling taka neih a ni. Tin, thil lawmawm em em chu Pu Speaker, Disaster Management Plan hi department tin ten siam tur a ni tiin SGMA, kan Chief Minister hova kan rel a ni a. Tunhmain kan nei mumal lo khawp mai a. Department 57 in Disaster Management Plan an nei tawh a, a lawmawm khawp mai a. Department atangin 47 in an siam peih fel tawh a, a lawmawm. Hei hi chhiatrupna lo thleng se la Department ringawt ni lovin anmahni department atang khan PHE a nih pawhin pipeline leimin atanga a chhia a nih pawhin an siam ang a. Chutiang chuan department hrang hrangte P&E pawh lo ni se lemin avang emaw thli avanga an ban chhiate kha an Plan atang khan an siam thei ang a. Department tin ten anmahni department-a disaster lo thleng kha kha Plan Fund atang khan an ti thei dawn a ni.

Chhiatrupna a thlen theihna hmun zirchianna chu Aizawl District, Saiha District leh Lawngtlai District tan siam peih fel a ni tawh a ni. Tin, State Emergency Operation Centre chu Directorate, DM&R Office-ah bun fel a ni tawh a. District Emergency Operation Centre pawh Deputy Commissioner Office tinah bun fel tawh ni in, hemi atana a hmanraw pawimawhte pawh dah fel nghal a ni a. Contract basis a rawih, District Organiser-te pawhin an thutchilh mek a ni.

National Disaster Management Authority atanga mithiam 4 nichina kan sawite kha nimin leh vawiinah min cham sak a. Hei, Bible House, helaia kan House pawha kan hotuten an sawi chhuah, vawiinni a kan buaipui em em te pawh a hmunah a

tlakhniam chhan te en in an tlawh a. Hunthar Veng te, Ramhlun Sports Complex te tih kha kan sawi duh a.

Tin, nichina ka sawi tak ang khan Hunthar Veng atan khan crore 15 DPR kan siam a ni. Tin, kan MLA zahawm tak tak te thahnemngaihna a zarah silpauline leh tarpaulin kan hralhna, handling charge kan tih kha ` 44,23,500 hmuh a ni ve a. Chutatang chuan, ` 43,55330 revenue ah kan chhung lut ve a ni. Tlem hle mahsela tuimal far te te in tuipei lian a siam tih a nih thin kha. Khatatang khan a rawn chhoh beisei a ni.

Tin, State Disaster Management Fund hi chhiatrupna a lo thlenah nichina kan sawi ang khan hman mai theih a nih loh avangin tunah phei chuan kan Finance Commissioner-in Fund-te pawh kumtharah chuan crore 5 vel min pek ve tur ang deuh ten a sawi a. Kha mi min pek theih khan kha pawisa kha khatiang chhiatna ven ngai thil a lo awm a nih loh chuan kan hmang dawn chuang lo. Amaherawhchu, kan bial theuhah khawilai hmunah emaw leimin hlauhawm a lo awm a, tuihawk luankawr chhia a lo awm a, khami venna tur kha UD&PA-te, LAD-te, PWD-ten an ti vek seng si lova. Khami kan lo neih khan disaster atanga lemin tur lo venna atan te kan hmang thei dawn a ni tih kha Pu Speaker, kumin ah hian kan neih kan beisei a ni. Pu Speaker, kha zawng kha ni sela. Ka department enkawl ve Demand No.18, Printing & Stationery Department `13,30,48,000/-, Demand No.30-na, Disaster Management & Rehabilitation Deptt.- `20,99,47,000/-, Demand No.34-na, Animal Husbandry & Veterinary Department `69,48,20,000/-, Total- `1,03,78,15,000/- chu he House zahawm tak hian min pass pui turin ka sawm e.

SPEAKER : Aw le, tunah khan Minister zahawm tak Pu C. Ngunlianchnunga'n a department pathum- Printing & Stationery Department Disaster Management & Rehabilitation Department leh Animal Husbandry & Veterinary Deptt. te in a kum 2017-2018 chhunga an pawisa hman tur, a vaia belhkhawm `1,03,78,15,000/- pass pui turin a dil a. Pass remti zawngin 'Remti' ti ru le.(MEMBER : Remti) Remti lo kan awm em? Kan awmlo. Tichuan, demand no.18,30 leh 34 hnuaia department pathum

ten an pawisa hman tur awaia belhkhawm `1,03,78,15,000/- chu he House hian lugrual takin a pawm ta a ni.

Pu C. NGUNLIANCHUNGA, MIMISTER : Pu Speaker, ka lawm e. Chumi rual chuan thil pakhat ka'n puang lawk ang a. Member zawng zawngte kan Demand-te min pass pui avangin silpauline bundle 4 theuh Directorate DM&R-ah a lak theih ang. Ka lawm e.

Pu LAL THANHAWLA, CHIEF MINISTER : Pu Speaker, i thahnemngaihna leh opposition member-te tlawmngaihna vawiinah kimchang takin kan kalkhawm leh thei a, lawmthu i hnenah ka sawi duh a. Vawiina kan chhun chawlh lai khan, kan member zahawm tak te pawhin an hrelo mai thei a, nimirah khatiang kha a ni si a, engatinge tih te pawh an ngaihtuah thei a, pawn lam atangte pawhin. Amaherawhchu, kan chhun chawlh lai khan, vawiinah khan thingpui in ah kan sawm hlawm a, i thahnemngaihna. Tin, kan senior, Parliamentary Affairs Department Minister a tawiawm turin i sawm a. In ti ti honaah, House-ah chuan tawngkam han inbah palh te pawh a awm thei a; tin, mi Assembly-ah te phei chuan an in suspend a, an in hau a, an inhnawtchhuak a. Keini, i ban i phar hman, hman lo, ka hmu lo tih vel mai mai a inbah reng ai chuan thate in i thu tlang ang tih kha i thahnemngaihna avangin thingpui in a i sawm kha anmahni pawhin patling takin, an mawhphurhna hriain an lo kal a. Thinrimna chu ka ti thei lo ang a, hetia inhriatthiamna tha tak vawiinah chawhnu lam thlengin kim tak a kan thukhawm thei hi a lawmawm ka ti a. I hnenah lawmthu ka sawi rualin anni hnenah pawh lawmthu ka sawi a. Tin, hun lo kal zelah pawh House chhungah hian tawngkam inbah palh te pawh a awm thei a. Tin, nangni Speaker-te pahnih phei chu in lal nasa mai si a, in inti lal deuh tawngkam te a lo awm palh a nih pawhin keini pawhin hriatthiam chin kan neih a ngaiin ka ring a. Chung thleng chuan tunah patling takin, hruaitu nihna hriain, kimchang taka i thahnemngaihna leh kan Parliamentary Affairs minister zahawm tak thahnemngaihna a kan thukhawm te hi a lawmawm ka ti a, lawmthu ka'n sawi a ni.

Tin, thil lawmawm vaklo lam a awm ve leh thung a, Hindi teacher, CSS-te kha sorkar an nek dan hi a nalh lo ang reng khawp mai a. Vawiinah hian Centrally Sponsored Scheme hnuai ami an ni tih an inhria a, an thawh dawn pawhin hming an sign vek a, witness pahnih an awm a, tin, a lehlamah Director, School Education-in a sign

bawk a. Hei hi Centrally Sponsored Scheme a ni tih kan hria a, central-in a tihtawp hun hunah chuan mai par thlawn a thlawn tawp mai tur kan ni tih kan inhria e, tih ang deuh kha an sign vek a ni. Mahse, chuti chung chuan, central-in a ngaihthah deuh changte chuan, hei kan Finance Minister zahawm tak leh kan Minister-te, Parliamentary Secretary-te inrawnkhawm in, hna an thawk a, state tan an tangkai a, mahse, a hlawh petu te'n an pe tha thei si lova, an ngaihsak vak bawk si lova. Mihring an ni a, hna an thawk a, an harsa ve tih kan hre si a, sum lampangah harsa hle mah ilangin, in ngaihnathiamna leh in lainatna leh Mizo theuh kan nihna a in khawngaihna in i pe hram teh ang, tiin an hlawh hi, central-in a rawn pek loh lai pawhin, an pe leh hram thin a. Kei pheih chuan ka lo hre ve vak zawk lova. Tunah hian thla ruk zet hlawh an pe tawh a, a vai hian kan state hian, anni central-ina hlawh an pek loh pek nan hian, vaibelchhe 45.17 lai kan seng tawh a ni. Chutiang chuan kan hotuten thahnem ngai takin an tanpui thin a ni. (interruption) An hlawh lak tur lak loh hemi chanve hi kan pe tawh a.

Tunah pawh hian central lamah thahnem kan ngaihsak a, kan hotuten. Anmahni aiawh leh keimahni School Education-a kan official-te, Parliamentary Secretary ho in, tin, CYMA representative-te kan tir thla a ni. A hmunah thil awmdan zuk hria ula, tin, tihtawp an tum a nih pawhin rawn nawr dante pawh in rawn ngaihtuah ang a. Tin, India ram khua leh tui kan nih chhung chuan Hindi hi a pawimawh a, titawp lo turin rawn ngen rawh u, ti te in delegation kan in tir thlap tawh a ni. Thil awmdan engkim an hria a, mahse chuti chungin, tunah hian Chief Minister office leh residence kalna kawngah an pungkawm a. Thih thlengin chaw kan nghei dawn e, an ti niawm tak a ni a, kuangte pawh kan dah dawn e, an ti a. Naga ramah pawh hetiang hian an awm ve tho a, mahse, hetiang hian kawhmawh an bawl ve hranpa lova. An state sorkar in Central-a an nawrpui dan ang ang kha an ngaichang mai a. Kan ramah chuan chutiang ang chu a ni lo hi pawh ka ti a, he House hian hre ve hrim hrim se, tih ka duh a.

Tin, kan sorkar hotute leh School Education Department-te hian an tangkai zia te pawh an hria. Chungte avang chuan an ngaihsak reng a ni tih kha he House zahawm tak kaltlangin Zoram mipuite ka hriattir duh a. Tin, Central sawrkarin an hlawhte an pek theih loh pawhin heti zat kha an lo pe tawh a ni, tihte pawh ka hriattir duh a. Tin, tunah pawh hian hetiang ang hian kawhmawh bawl lo sela chu eng eng emaw, chhuan an chham lohna turin kan ngaihtuah dawn emaw ni le, tiin kan Finance Minister

zahawm tak hian, sum harsa chungin a ngaihtuah lai a ni a. Mahse, hetiang hi a nih leh tak si avangin ngaihtuah chi ah kan ngai ta lo a ni, tih hi he House zahawm tak hi ka'n hriattir duh a ni.

SPEAKER : Awle, hei Tualvungi te, kan mothar te koh haw lehna chungchang ah hian chanchinbumi te pawhin an ngai pawimawh em em a, ka office-ah min rawn zawt a. Hei hi kan Parliamentary Affairs Minister Pu R. Romawia leh kei hian a nachang kan lo hre pek lova, kan Chief Minister zahawm tak hian a rugin thurawn min pe a. Mahse, a ruk kha a sawi loh theih baw si loh a. Chumi thurawn avanga anmahni te nena inremna siam thei kan ni a, a lawmawm tak zet a ni. Chanchinbumi te pawhin min rawn zawt a, 'hei chu kan Chief Minister remhriatna leh democracy ngainatna leh democracy venhim a tum lutuk na lam atanga chhuak a ni e,' kan in ti a, a lawmawm hle a ni. Kan Chief Minister remhriatna leh a rilru ngaihtuahna hi ka ngaihtuah zui a, ropui ka ti a. He House-ah hian a chungah lawmthu sawi hi kan ba a ni.

Tin, kan veilam ami te pawh, kan mothar lo haw thar te pawh khan, nakin zelah lungawi takin hetah hian an awm tawh ang a. Inbah sual palh engemaw chu a awm thin, nupa inkarah pawh, mahse, kha kha chhuah tauh nan hman tawh loh hram ni sela. Kan inngeih tlanna turin zingah Pathian thu nen hma kan hruai a, state dang zawng zawngin an ti ngai lo, India ramah a ti awm chhun kan ni a. Chuvangin, heng kan tih te hi ngaithla liam mai mai lova, a thu te pawh hian keimahni ah hian hna thawk ve sela a tha a. Chungte hre reng chuan inngeih takin, lungrual takin he ram hi kan hruai dawn a ni, kan Chief Minister remhriatna hnuaiah hian.

Vawiina kan tih tur chu tluang takin kan zo thei ta a, kan hlim tlang hle a, a lawmawm a. Kan chawl rih ang a, naktuk ni 24.3.2017 (Zirtawpni) zing dar 10:30 ah kan kal khawm leh dawn a ni.

The sitting is adjourned (4:55 PM).